

JACOBI FACCIOLATI

RUDIMENTA

LOGICÆ.

EDITIO SECUNDA

RETRACTATIOR.



VENETIIS

ÆRE JO. BAPTISTÆ ALBRITII HIER. FIL.

M D C C X X X V I I.

MACDONALD 1870

ATLANTA

AD 1870

1870

1870

1870

EPISTOLA PRÆMISSA

EDITIONI PRIMÆ

A D.

MARCUM FOSCARENUM

Patritium Venetum, nunc Equitem, &
Legatum ad summum Pontificem

CLEMENTEM XII.



Uicumque opusculum hoc
tuo nomine ornatum vi-
debit, statim cogitabit,
quale quantumque præsidium exiguo
libello mihi comparaverim. Ego ve-
ro non tam præsidem quæsiui, quam
judicem. Neque enim Familiæ gra-
tiam & auctoritatem spectavi, quæ
tanta est, quanta esse maxima in li-
bera civitate potest; sed ingenium
spectavi tuum, doctrinam, eruditio-
nem, & cetera ornamenta animi,
quibus litterarum judicia rectissime
A fiunt.

fiunt . Dicam paucis : MARCUM ap-
pello , non FOSCARENUM . Itaque et-
iam si tanti Patris filius non esses , ta-
liumque Majorum nepos , attamen
nostra hæc tibi afferrem , qui non
molem speciemque reputabis , sed re-
rum pondus , si quod est , cognosce-
re potes , suisque momentis expende-
re . Id vel ea de caussa libenter fa-
cio , quod tempore , non voluntate
ad hæc studia delatus , vires potius
experiri debeo , quam jactare . Nosti
hominem proficiendi cupidum , nihil-
que sibi tribuentem , nisi prius ab a-
liis tribuatur . Alios porro cum dico ,
non eos intelligo , qui ipsi se , Diis
hominibusque invitis , in litteraria
provincia iudices constituerunt . Ho-
rum ego iudicium neque magnope-
re cupio , neque formido . Tu me si
bene sperare jubebis , nihilo plus quæ-
ram . Vale .

Ex Gymnasio Patavino

Kal. Novembr. MDCCXXVIII.

AD

AD LECTOREM

De Secunda hac Rudimentorum editione.

Rudimenta Logica iterum damus, tanta diligentia studioque retractata, ut primas illas curas vix agnoscere ac prestare possimus. Nunc demum videmur nobis fecisse aliquid colligendo, seligendo, explicando, ad juventutis, quæ se nobis in disciplinam tradet, institutionem. Siquidem, ut ait Isocrates de regno ad Nicoclem, ἑπὶς ἐστὶ χαλεπῆς αὐτοῦ, ὅς αὖ τῷ διεσπαρμύων ἐν ταῖς τῷ ἄλλων διανοίαις ἀθροῖσαι τὰ πλεῖστα δυνηθῇ, καὶ φράσαι κάλλιστα περὶ αὐτῷ. Ille gratissimam rem facit, qui ex iis, quæ dispersa sunt in aliorum cogitatis, colligere plurima potest, eaque optime explicare. Neque enim necesse est, ut qui artes ac disciplinas mandare litteris constituit, ea scribat, quæ nemo scripserit; sed ita scribat, ut nemo melius scripserit videatur. Qui primum illud assequi potest, ut nova in medium proferat, is demum auctor est: mihi satis fuit in altero conari, & vires experiri. Novi enim, ex Poetis quoque ipsis, qui nomen a faciendo invenere, non eos modo coronam meruisse, qui fabulas suas populo darent, sed etiam qui alienas corrigerent ac perpolirent.

Æschylus (*inquit Quintilianus l. x. Instit. c. 1.*) rudis in plerisque & incompositus : propter quod correctas ejus fabulas in certamen deferre posterioribus Poetis Athenienses permiserunt ; suntque eo modo multi coronati. *Vetus-
tos auctores præsertim excussi ; ex quorum penu juniores Dialectici , qui maxime eminent , pleraque derivarunt ; & ad sæculi sensum accommodata novis luminibus ornarunt . Ego modo eadem , modo alia sumsi ; interdum etiam mihi ipsi credere malui . Sed illud in primis curavi , ne copia molestus essem ; idque ipsum in causa fuit , ut quadam minoribus typis expressa in imam pagellam coniecerim ; quæ legi sane volo & perpendi , non tamen memoriæ mandari jubeo . Ex ceteris quoque nonnulla omitti poterunt , si magistro videbitur pro loci , temporis , & ingeniorum varietate . Ceterum quantulacunque sit ea pars , quam sibi quisque idoneam existimabit , illud vel in primis sibi persuadeat , firmeque teneat , libellum hunc esse veluti lexicon quoddam formularum , quæ in disputando de re quavis adhiberi solent : proindeque oportere , non sensa modo , quod sit in reliquis disciplinis , sed verba ipsa fideliter addiscere . Scio , id grave aliquibus videri , qui memoria sunt infirma : sed nos nihil scribimus nisi illis , qui excellere possunt , & volunt . Vale .*

PRO-



PROTHEORIA I.

DE LOGICA IN UNIVERSUM.

Quid est Logica?

R. **L**OGICA est ars veri & falsi disceptatrix, & index, ut a Cicerone definitur in Academ. 4. cap. 28. idest recta ratio veritatis detegendæ, atque explicandæ.

Definitur ne ab omnibus uno modo?

R. Alii aliter Logicam definiunt, modo finem ejus, modo officium assumentes; modo cogitandi, modo disputandi rationem considerantes: sed omnes eodem incidunt (1).

Nonne dicitur etiam Dialectica?

R. Usus obtinuit, a Græcis usque temporibus petitus, ut Logica totam artem significet, Dialecti-

A 3 sti-

(1) Non modo ab aliis, sed a Cicerone ipso alibi aliter definitur, ut in lib. 2. de Orat. c. 38. in Bruto c. 41. in Partitionibus cap. 23. in lib. 2. de Fin. c. 16. Nobis supra ceteras placet definitio allata. Nam & D. August. lib. 3. contra Acad. c. 13. n. 29. Logicam vocat *scientiam veritatis*.

etica partem dumtaxat. Attamen non desunt, qui utrumque nomen promiscue usurpent (2).

Quinam est Logica finis?

R. Duplex, proximus, & remotus: Finis proximus est, mentem idoneam facere ad verum inveniendum, & judicandum: remotus est ipsa veri inventio, & judicatio. Finis porro Logicum non facit, sed officium. Est enim Logicus etiam qui verum non invenit, modo apte inquirat: quemadmodum orator est etiam ille, qui non persuadet, modo apte dicat ad persuadendum; medicus etiam qui non sanat, modo recte medicinam faciat (3).

Quodnam est Logici officium?

R. Officium Logici describit Cicero de clar. Or. c. 41. ubi ait, *Dialecticam esse artem; qua docet rem universam tribuere in partes; latentem explicare defini-*

(2) Quomodo Aristoteles his duobus nominibus utatur, habes ex iis, quæ sequuntur de divisione Logicæ. Cicero in Top. c. 2. *Dialecticam* vocat more Stoicorum eam partem, quæ in judicando versatur. Nam quæ ad inveniendum comparata est, *Topice* dicitur. Et quia Stoici de inveniendo minime laborant, cum Cicero *Dialecticos* dicit, quasi proprio nomine Stoicos intelligit. Ita in Orat. c. 32. *Et ipse Aristoteles tradidit præcepta plurima differendi, & postea qui Dialectici dicuntur, spinosiora multa pepererunt.*

(3) Quintilianus lib. 2. cap. 17. *Tendis quidem ad victoriam qui dicit: sed cum bene dixit, etiamsi non vincat, id quod arte continetur, effecit. Nam & gubernator vult salva navi in portum venire: sed tamen tempestate fuerit abreptus, non ideo minus eris gubernator. Vide Aristotelem lib. 2. Top. c. 3. & lib. 1. Rhet. c. 7.*

niendo; *obscuram* explanare interpretando; *ambigua* primum videre, deinde distinguere; postremo habere regulam, qua vera, & falsa judicentur; & qua quibus positis sint, quave non sint consequentia (4).

Quanam est Logica materia?

Re. Logica latissime excurrit, ejusque materia est disputatio quaelibet, quatenus per eam verum exquiritur & judicatur. Ratio vero & modus, quo utitur in exquirendo & judicando, facit, ut materia, ceteroquin communis, sit Logicae propria (5).

Logica quomodo dividitur?

Re. Logicae divisio non una est. Nam primo dividitur in *Naturalem*, & *Acquisitam*. *Naturalis* est sagacitas nobis insita ad verum inveniendum & judicandum. *Acquisita* est ars studio & exercitatione comparata, quae naturalem sagacitatem adjuvat. Quamquam naturalis sagacitas proprie Logi-

A 4 ca

(4) Cum Logica dividatur in *Docentem*, & *Uentem*, ut postea dicemus; officium Dialectici *Docentis* est, regulas tradere, quae pertinent ad apte differendum; *Uentis*, apte differere. Hinc etiam apparet, cur finem geminum fecerimus: proximus enim pertinet ad *Docentem*, remotus ad *Uentem*.

(5) Cicero Tuscul. 5. cap. 25. Sequitur *versia*, quae per omnes partes sapientiae manas & funditur; quae rem definit, genera dispergit, sequentia adjungit, perfecta concludit, vera & falsa dijudicat, differendi ratio & scientia. Materia in scholis dicitur *objectum*, quod menti obijcitur. Potest esse multiplex; modo forma ipsa artis sit una, & finis unus.

ea dici non debet, sed semen quoddam & initium Logicæ (6).

- Secundo dividitur in *Topicam*, & *Analyticam*; idest in eam partem, quæ invenit, & in eam, quæ judicat. Nam *Topica* locos & notas tradit, quibus res ad disputandum idoneas inveniamus. *Analytica* inventas resolvit ac dijudicat (7).

Tertio dividitur in *Dialecticam*, & *Apodicticam*: idest in *Disputantem*, & *Demonstrantem*. Illa versatur in materia probabili; hæc in necessaria. Nam *Dialectica* differit probabiliter in partem utramque: *Apodictica* partem unam necessario demonstrat (8).

Quar-

(6) Homines natura ipsa ad veritatem duci monet Aristoteles in lib. 1. de Moribus ad Eudemum, & in lib. 1. Rhet. 1. 32. οἱ ἄνθρωποι πρὸς τὸ ἀληθὲς πεφύκασι ἰκαίως, καὶ ὁ πλεῖστα τυγχάνουσιν ἢ ἀληθείας. Homines satis informantur ad verum natura ipsa, & in plurimis veritatem assequuntur. Et Cicero scribit in Academico primo, cap. 11. naturam nobis quasi normam scientiæ & principium sui dedisse.

(7) Boethius in procemio de Differ. Topic. Omnis ratio differendi, quam Logicæ Peripatetici veteres appellavere, in duas distribuitur partes, unam inveniendi, alteram judicandi; & ea quidem pars, quæ judicium purgat, atque instruit, ab illis ἀναλυτικὴ vocata est, a nobis potest Resolutoria nuncupari; ea vero, quæ inveniendi facultatem suppeditat, a Græcis τοπικὴ, a nobis Localis dicitur.

(8) Aristoteles eam partem, quæ disputat ex necessariis, modo *Apodicticam* vocat, modo *Analyticam*: quæ autem ex probabilibus differit, eam modo *Logicam* dicit, modo *Dialecticam*, modo *Topicam*. Hinc apud ipsum formulæ istæ διαλεκτικῶς, λογικῶς, τοπικῶς, φυσικῶς, κατ' ἀνάγκην, καὶ δέξαι, valent probabiliter. Quibus opponuntur illæ, ἀποδῃκτικῶς, ἀναλυτικῶς, ἐπικτημονικῶς, πραγματικῶς, δογματικῶς, πρὸς ἀλήθειαν, ἐκ τῆς ὑπαρχέοντος, idest vere ac necessario.

Al-

Quarto dividitur in *Docentem*, & *Utentem*. *Docens* instrumenta tradit veri perquirendi; ejusque materia est definitio, divisio, & argumentatio. *Ustens* per hæc ipsa instrumenta verum perquirat. Itaque Logica *Docens* a rebus est avulsa; *Ustens* cum rebus conjuncta est: uno verbo Logica *Docens* est nostra hæc institutio: *Ustens* dici potest disciplina quælibet (9).

Quomodo differt Logica a Rhetorica?

R. Ea pars Logicæ, quæ disputat ex probabilibus, quæque proprio nomine *Dialectica* dicitur, finitima Rhetoricæ est. Differt tamen tum materia, tum officio, tum fine, tum differendi modo. Differt materia; quia quamvis utraque de rebus omnibus differat, tamen Rhetorica civiles potius tractat, easque finita quæstione comprehensas: v. g. *Num licuerit Miloni Clodium insidiatorem interficere* (10). Differt officio; quia officium Dialectici est apte disputare per ea, quæ Græci vocant *ἐνδεχέα*, Latini *opinabilia*: officium Rhetoris est recte

Alcinous in Instit. ad doct. Platon. c. 3. dividit ratiocinandi vim in *Apodicticam*, *Epichirematicam*, & *Sophisticam*. Porro *Epichirematica* est, quæ a nobis *Dialectica* dicitur.

(9) Illa omnia appellari Logica possunt, quæ Logico more disputantur ad verum explicandum. Cicero Tuscul. 4. c. 14. *Habes ea, quæ de perturbationibus disputant Stoici; quæ Logica appellant, quia differuntur subtilius*. Itaque Logicus docens est veluti Rhetor, Logicus utens est veluti Orator.

(10) Auctor ad Herenn. l. 1. c. 1. *Oratoris officium est de iis rebus posse dicere, quæ res ad usum civilem moribus ac legibus constitutæ sunt*.

& dicere per *πιδαν*, h. e. per *persuasibilia*; quæ voce non res modo ipsa, sed etiam animi motus significatur. Differt fine; quia finis Dialectici est opinionem veritatis inferere; finis Rhetoris est fidem facere & persuadere. Satis enim Dialectico est, si is, ad quem dicit, cogatur fateri, quod contendit; quamvis aliud animo sentiat (11). Rhetori non satis est; quia spectat actionem, cuiusmodi est damnatio, aut absolutio ejus, cuius causam suscepit. Differt modo differendi; quia Rhetor fusius & ornatus dicit; Dialecticus pressius & angustius: Rhetor incipit fere a conclusionem argumenti sui, & desinit in propositionem; Dialecticus incipit a propositione, & ordine procedit ad conclusionem (12). Apud Veteres aliud insuper erat inter Rhetoricam & Dialecticam discrimen, quod colligitur ex Seneca ep. 89. *Omnis oratio aut continua est, aut inter rogantem & respondentem discissa: hanc διαλεκτικὴν, illam ρητορικὴν, placuit appellare* (13).

Lo-

(11) Seneca ep. 82. *Ego non redigo ista ad legem Dialecticam, & ad illos artificii veternosissimi nodos; totumque genus illud exturbandum judico, quo circumscribi se, qui rogatur, existimat; & ad confessionem perductus aliud respondet, aliud putat. Cicero Tuscul. 1. cap. 8. Hæc spinosiora prius ut confitear me cogunt, quam ut assentiar. Vide etiam Quintilianum 1. 7. c. 3.*

(12) Exempli loco sit illud Medæ, quæ ita deliberat de filiis occidendis apud Senecam Med. 28. 5. *Occidant; non sunt mei. Pereant; mei sunt, Dialecticus ita efferret: Non sunt mei; ergo occidant. Sunt mei; ergo pereant. Vide Partitiones Orator. Cicer. c. 13.*

(13) Eodem refertur illud Ciceronis Academ. 1. cap. 8.

Dia-

Logica est ne scientia, an ars?

R. Dici potest scientia, quia est cognitio certa & evidens earum rerum, quæ ad disputandum requiruntur, per causas & rationes minime dubias comparata. Sed quia tendit non modo ad cognoscenda disputandi instrumenta, sed etiam ad efficienda, iccirco etiam ars dici potest, & quidem ars scientiis obnoxia, quia illis inservit (14).

Est ne utilis ad alias scientias comparandas?

R. Quantæ sit utilitatis, explicat D. Augustinus de Ordin. lib. 2. c. 13. *Dialectica disciplina disciplinarum: hac docet docere; hac docet discere; in hac se ipsa ratio demonstrat, atque aperit, quid sit, quid velit, quid valeat.* Hinc *Organum* appellatur a Peripateticis, hoc est instrumentum; quod disciplinis omnibus comparandis viam & rationem præbeat (15).

Est

Dialectica quasi ex altera parte Oratoria vis dicendi adhibetur, explicatrix orationis perpetua ad persuadendum accommodata. Hinc Dialectica enuntiatio dicitur ἐπὶ τῆς οὐσίας ab Aristotele in lib. 1. Topic. c. 8. & ars ipsa differendi ἐπὶ τῆς οὐσίας passim vocatur.

(14) Hoc nomine intelligenda est, non Logica naturalis, sed acquisita, in primis vero Aristotelica; quia primus omnium Aristoteles facultatem hanc disputandi ad scientiæ formam traduxit, additis causis & rationibus eorum, quæ docuit.

(15) Addi potest Ciceronis auctoritas in Bruto c. 41. *Atulius (Servius Sulpicius) hanc artem omnium artium maximam; quasi lucem ad ea, quæ confuse ab aliis aut respon-*
de-

Est ne necessaria?

R. Logica naturalis est necessaria ; acquisita non item. Hæc ipsa tamen , si non prorsus necessaria , certe opportunissima est : cum vix ullus tantum ingenio valeat , ut in hac divinarum humanarumque rerum obscuritate recte disputare sine certis regulis possit ; veritatemque expedire , quotidianæ vitæ erroribus implicatam .

Est ne jucunda?

R. Logicæ principia aspera sunt vel ob id maxime , quod Oratoriis & Poeticis studiis succedunt. Ceterum brevi asperitatem exuunt , & incredibili voluptate ingenia perfundunt (16).

debantur , aut agebantur. Dialecticam mihi videris dicere ; inquis . Recte ; inquam , intelligis . Item lib. 3. de Fin. c. 21. Dialectica habet rationem , ne cui falso assentiamur ; neve unquam captiosa probabilitate fallamur ; eaque , quæ de bonis & malis differimus , ut tenere tuerique possimus . Sine hac arte quemvis arbitramur a vero abduci fallique posse .

(16) Gellius lib. 16. cap. 8. *Dialectica cognitio in principiis quidem tetra , & aspernabilis , insuavisque , & inutilis esse videri solet . Sed ubi aliquantum processeris , tum denique & emolumentum ejus in animo tuo dilucebit , & sequetur quædam discendi voluptas insatiabilis , cui sane nisi modum feceris , periculum non mediocre erit , ne ut plerique alii , tu quoque in illis Dialecticæ gyris atque meandris , tamquam apud Sirenios scopulos , consenescas .*

PROTHEORIA II.

DE LOGICÆ RUDIMENTIS.

Quid intelligis per Rudimenta Logicæ?

R. RUDIMENTA Logicæ dicimus, quæ leviter adumbrant modos, facultates, atque instrumenta veritatis inveniendæ ac judicandæ; ideoque prima disputandi elementa tradunt (1).

Quid, & quotuplex est veritas?

R. Veritas duplex est, altera dicitur veritas rei, altera cogitationis. Veritas rei est, cum res habet conditiones omnes, quæ ad ejus rationem & naturam constituendam sunt necessariae. Hoc modo verum aurum dicimus, cui omnes auri conditiones insunt; falsum, cui conditio aliqua deest. Hoc veritatis genus appellari solet *Metaphysicum*; ac proinde ad nos non pertinet. Veritas cogitationis est convenientia quædam cogita-

(1) Vulgares Dialectici *Summulas* dicunt, & *Parva Logica*. De his Foxius pag. 172. de Phil. stud. rat. Barbaros illos & immanes *Sophistas*, qui pro *Dialectica* vera *Summulas*, ut ipsi vocant, portentaque alia librorum horribilia nobis reliquerunt; quosque magno Dei beneficio ubique a doctis omnibus explosos cernimus, ne dignos quidem judico, qui nominentur. Idem de *Dialecticæ* usu p. 10. Omitto eos, qui *summulas* nescio quas atque terminos conscripsere; qui ne umbram quidem *Dialecticæ*, nedum usum ipsum aut cognitionem sunt assecuti.

tationis nostræ cum re, de qua cogitamus; quæ quidem, si sermone exprimatur, veritas *sermonis* appellari potest. Hæc nostri juris est, & veritas *Logica* dicitur; cui opponitur falsitas (2).

Quid requiritur ad veritatem detegendam?

R. Tria requiruntur, *Facultas* cognoscens, ejus *Actio*, & *Signum* quoddam, seu indicium, quod illi præluceat ad cognoscendum. Singula explicare debemus ordine illo, qui in subjecta tabula apparet (3).

RUDIMENTORUM

LOGICORUM PARTITIO

IN SYNTAGMATA TRIA.

Primum de FACULTATE cognoscente.

Secundum de SIGNO veritatis cognoscendæ.

Tertium de ACTIONE facultatis cognoscentis.

Tertium hoc dividitur in partes quatuor.

Pri-

(2) *Verum metaphysicum* non differt ab *ente*: ideoque proprie non opponitur illi *falsum*, sed *non ens*. Ex quo fit, ut metallum ex. gr. ad auri similitudinem conflatum, cui desunt germanæ ac propriæ auri conditiones, non *falsum aurum* dici debeat, ut vulgo dicitur, sed *non aurum*.

(3) *Signum* nomine proprio disciplinæ hujus appellatur *Criterion*, de quo multa sunt apud Sextum Empir. adver. Log. l. 1. n. 27. & lib. 2. n. 24.

Prima est *Perceptio*, cujus capita septem. 2

- I. De Notione.
- II. De Idea.
- III. De Idearum classibus.
- IV. De Voce.
- V. De Definitione.
- VI. De Divisione.
- VII. De Vorum proprietatibus.

Secunda *Enunciatio*, cujus capita tria.

- I. De Enunciationis natura.
- II. De Enunciationis partibus.
- III. De Enunciationis proprietatibus.

Tertia *Ratiocinatio*, cujus capita quinque.

- I. De Ratiocinationis natura, & partibus.
- II. De Ratiocinandi formis.
- III. De Syllogismo simplici.
- IV. De Syllogismis imperfectis.
- V. De Syllogismo composito.

Quarta *Methodus*, cujus capita duo.

- I. De Methodi natura, & partibus.
- II. De Methodi legibus.

SYN-

SYNTAGMA I.

DE FACULTATE COGNOSCENTE.

*Quanam est facultas ad veritatem
cognoscendam idonea?*

R. **M**ENS, quæ varia nomina sumit, pro variis modis, quibus utitur in cognoscendo.

Quinam sunt isti modi?

R. Mens una atque eadem, quatenus intelligit sine corporeis imaginibus, *intellectus* dicitur (1); quatenus percipit per imagines, vocatur *phantasia*, seu *imaginatio*; quatenus recordatur, *memoria* solet nominari; quatenus vult sine corporis motu, appellatur *voluntas*; quatenus vult cum corporis motu, dicitur *appetitus*; quatenus eorum, quæ vult, aut percipit, sibi intimo sensu conscia est, *conscientia* nuncupatur. Eadem videt per oculum, audit per aurem, olfacit per nares, gustat per linguam, tangit per omnes corporis partes; unde sunt quinque sensuum nomina (2).

(1) A Philosophis Cartesianis dicitur *intellectus purus*. In Oraculis Chaldaicis apud Stanlejum n. 31. vocatur *Mentis flos*, *rés âîð*.

(2) Cicero Acad. 4. c. 10. *Mens sensuum fons est, atque etiam ipsa sensus est*. Idem Tuscul. 1. c. 20. *Nos non oculis cernimus ea, quæ videmus. Neque enim est ullus sensus in corpore, sed viæ quasi quadam sunt ad oculos, ad aures, ad na-*

*Quomodo sensus locum habent in veritate
cognoscenda?*

R. Habent, si ratione regantur ac roborentur; sed potius apud Peripateticos, quam apud Platonicos. Nam Platonici quidem a ratione ad sensum pergunt; quia putant evidentes notiones nobis innatas, sensus opera excitari (2). Peripatetici a sensu pergunt ad rationem; quia notiones quaslibet per sensum & experientiam acquiri dicunt. Hinc effatum in schola hac celeberrimum: *Nihil est in intellectu, quin prius fuerit in sensu* (3).

B

Sen

nates, a sede animi perforata. Itaque saepe aut cogitatione, aut aliqua vi morbi impediti, aperti atque integri & oculis & auribus, nec videmus, nec audimus; ut facile intelligi possit, animum & videre & audire, non eas partes, quae quasi fenestrae sunt animi. D. Augustinus de Genes. ad litt. lib. 2. c. 24. n. § 1. Neque enim corpus sentit, sed anima per corpus, quo velut nuncio utitur ad formandum in se ipsa, quod extrinsecus nunciatur.

(2) Cicero in Acad. 4. c. 46. Plato omne iudicium veritatis veritatemque ipsam, abductam ab opinionibus & sensibus, cogitationis ipsius & mentis esse voluit. Adde Academici primi caput 8. ubi idem pluribus explicat.

(3) Aristocles apud Eusebium de præpar. Evang. lib. 14. cap. 17. Λέγοντες ὅτι τῶς φιλοσοφῆν τὴς καὶ ἔς αἰδήσεις, καὶ τὸ λόγοι ὅτι καὶ γινώσκιν καὶ ὅτι πραγμάτων ἀπολαμβάνουσιν. Dicimus recte illos philosophari, qui cum sensu, cum rationem in rebus cognoscendis adhibent. Ajunt Peripatetici, rationem esse velut artificem, sensum esse velut instrumentum. De iis Cicero l. 4. de Finib. c. 4. Pluribus locis quasi denunciant, ut neque sensum fidem sine ratione, nec rationis sine sensibus exquiramus, neque eorum alterum ab altero separemus.

Sensus potest ne errare?

R. Sensus, sicut accipit visa, ita rationi repræsentat, nullo adhibito iudicio. Itaque cum sensus iudicare non possit, ne errare quidem potest. Atamen in causa erroris est; quatenus interdum quamlibet ejus representationem sine examine acceptam præcipiti iudicio sequimur (4).

Epicurei referunt ne veritatem ad sensum,

an ad rationem?

R. Epicurus (inquit Cicero Acad. 4. c. 46.) *omne iudicium in sensibus, & in rerum notitiis, & in voluptate constituit.* Habet igitur Epicurus tamquam certum & evidens, quidquid *sensibus* apparet (5). *Notitiarum* nomine intelligit notiones animo informatas, & effata universalia, quibus utimur in rebus singulis cognoscendis ac iudicandis (6). Per

uo-

(4) Sensus, ad vitandum errorem, iis conditionibus debent esse præditi, quas describit Lucullus apud Ciceronem in Acad. 4. cap. 7. *Ita est maxime in sensibus veritas, si & sani sunt, & valentes; & omnia remorentur, que obstant & impediunt. Itaque & lumen mutari sæpe volumus, & situs eorum rerum, quas intuemur; & intervalla aut contrahimus, aut diducimus, multaque facimus usque eo, dum ad spectus ipse fidem faciat sui iudicii: quod idem fit in vocibus, in odore, in sapore.*

(5) Cicero in Acad. 4. c. 7. *Epicurus agebat, quidquid sensibus videtur, tale esse, quale videtur.* Quod cujusmodi sit, explicat & confirmat luculenter Sex. Empiricus lib. 1. adver. Logicos.

(6) *Notitia* apud Epicureos, atque adeo etiam apud Stoicos, est forma quædam ex visorum comprehensione orta,

&

voluptatem significat iudicium boni, non veri (7).

Quid Stoici?

R. Stoici veritatis iudicia ad visi comprehensionem referunt; sed de visi natura, & de modo comprehendendi non convenit inter illos (8). Zeno eorum princeps rem totam gestu explicabat, ut scribit Cicero *Academ.* 4. cap. 47. *Nam cum extensis digitis, adversam manum ostenderat, visum, in- quiebat, huiusmodi est. Deinde, cum paululum digitos constrinxerat, assensus huiusmodi. Tum, cum plane compresserat, pugnumque fecerat, comprehensionem il- lam esse dicebat; qua ex similitudine etiam nomen ei rei, quod ante non fuerat, κατέλιπον imposuit. Cum autem lavam manum admovebat, & illum pugnum arte vehementerque compresserat, scientiam talem esse dicebat (9).*

B 2

Quid

& animo impressa; sine qua, ut scribit Cicero in *Acad.* 4. c. 7. nec intelligi quidquam, nec queri, aut disputari potest. Quatenus porro præit scientiam, eamque gignit, dicitur prænotio, aut anticipatio, Græce *πρόληψις*.

(7) Etiam iudicium boni ad Dialecticam revocari, apparet ex Theophilo Corydalleo de Rhetorica n. 3. *Dialectice est regulam & instrumentum videre, per quod possimus in con- templando verum a falsa, in agendo bonum a malo secernere.* Apud Fabric. *Biblioth. Græc.* vol. 13. p. 652.

(8) Vide Sex. Empiricum lib. 1. adversus Logic. n. 228. 253. 372. & lib. 2. Pyrrhon. hyp. n. 70. ubi varii modi recen- sentur, quibus Cleanthes præsertim, & Chrysippus rem hanc explicare conabantur.

(9) *Visum* (Græce *φαντασία*) est impulsio sensibus obla- ta, & animæ impressa. Si verum repræsentat, dicitur *visum* *comprehensibile*; sin minus, dicitur *incomprehensibile*. V. Cice- ronem in *Acad.* 1. c. 12. & Sex. Empir. l. 1. advers. Log. 11.

Quid Democritus?

R. Democritum in suam causam trahunt, tum qui verum comprehendi posse dicunt, tum qui negant; quod apparet ex quarto Ciceronis Academico. Ubi Philosophus hic certum ac decretum aliquid habere videtur, rationem sequitur, eamque unam veri judicem facit; sensus autem tenebricosos dicit (10).

Quid Academici?

R. Academici de veritate non valde laborarunt; quia *Veteres* quidem nihil sciri posse dicebant; præter hoc unum *nihil sciri*. *Medii* aiebant, ne hoc quidem comprehendi, sed omnia esse vitio quodam suo incomprehensibilia. *Novi* existimabant, res natura sua esse comprehensibiles, sed imbecillitate nostra comprehendi non posse (11).

Quid

227. 247. &c. A Quintiliano vocatur visio l. 6. c. 2. *Quas phantasias Græci vocant, nos sane visiones appellemus.*

(10) Cicero illum inter suos Academicos numerat in 4. Acad. c. 23. *Quid loquar de Democrito? . . . Non hoc dicit, quod nos, qui veri esse aliquid non negamus, percipi posse negamus. Ille verum esse plane negat. Id pluribus explicat Sex. Empiricus Pyrrhon. hypoth. lib. 1. c. 30. Contra ea tamen idem Empiricus in lib. 2. advers. Logicos c. 1. n. 6. Οἱ περὶ τὸ Πλάτων καὶ Δημοκρίτου μὲν ἔχοντες ἡμῶν προσηγορίαν ἀληθῆ εἶναι. Platonici & Democritici ea sola vera esse existimant, quæ intelligentia comprehenderentur.*

(11) Lactantius lib. 3. c. 14. *Academia nihil docet, nisi ut scias, te nihil scire. Cicero in 1. Acad. c. 13. Arcesilas negabat esse quicquam, quod sciri posset, ne illud quidem ipsum, quod Socrates sibi reliquisset. Porro veteres Academic*
pro-

Quid Sceptici?

R. Sceptici minime omnium de veri judicio solliciti sunt; quippe qui nil magis esse, quam non esse existimant, & in rebus omnibus assensum sustinent. Ita se animi tranquillitatem adeptos arbitrantur, quod nihil ajant, nihil negent, nihil quærant, nihil fugiant (13).

Quid Scholastici?

R. Scholastici multas facultates comminiscuntur; multisque ambagibus involvunt. Res igitur quælibet cognoscendæ ex eorum opinione simula-

B 3 cra

profecti sunt a Socrate; *Medii* ab Arcefila; *Novi* a Carneade. Quidam addunt & quartos, quorum parens *Philo*; & quintos, quorum auctor *Antiochus*: sed duæ istæ postremæ familiæ nullo in numero habentur. Diogenes Laert. in Proem. n. 19. *Veteris* Academiæ principem facit Platonem, *Mediæ* Arcefilaum, *Novæ* Lacydem.

(13) *Sceptici* dicuntur a *σέπτομαι*, quod res dumtaxat considerent, nihil decernentes. Idem *Pyrrhonesi* vocantur a *Pyrrhone* hujus sectæ principe: quamquam ipse nihil scriptum reliquit, ut est apud Eusebium de præpar. Evang. lib. 14. c. 18. *Sceptici* parum differunt a *Mediis Academicis*, quorum auctor Arcefila. Nam hic quoque in rebus omnibus assensum suspendebat. A *Novis* autem valde differunt. *Novi* enim *Academici* dicunt, omnia esse incomprehensibilia; *Sceptici* ne hoc quidem dicere audent, sed concedunt, quædam fortasse comprehendi posse. *Novi Academicis* admittunt probabilia, & improbabilia, & rursus probabilium plura genera faciunt, ut aliud alio sit probabilius. *Sceptici* probabilia quidem sequuntur in agenda vita, hoc est leges, consuetudines, & naturales affectiones; sed tamen id faciunt citra propensionem, acquiescentes potius, quam assentientes. Uno verbo *Novi Academicis* opinantur, *Sceptici* non opinantur.

cra quædam emittunt, quæ *species intentionales* appellantur. Species istæ, cum spargantur quaquaversum, in *sensus externos* incurrunt, & *sensibiles* fiunt. Hinc ad *sensum communem* pergunt, idest ad medium cerebrum, ubi sensuum omnium centrum est, & communis quædam sensibilibus comprehensio. A sensu communi migrant ad *phantasiam*, ubi variis modis componuntur ac separantur, & *phantasmata* dici solent. Inde ad *intellectum agentem* transeunt, a quo illustrantur, & *intelligibiles* fiunt. Postremo ab *intellectu patiente* excipiuntur, tamquam a speculo quodam, ubi cognitio perficitur. Porro in intellectu agente vocantur *species impressæ*, in patiente *expressæ* (14).

(14) Quæ *species intentionales* dicuntur a Scholasticis, & inter qualitates referuntur, *species corporeæ*, & *simulacra rerum* vocantur ab Epicureis. Describuntur a Lucretio l. 4. v. 34.

----- rerum simulacra vocamus,

Qua, quasi membrana summo de corpore rerum

Direptæ, volitant ulro citroque per auras.

Ab Apulejo in Apolog. dicuntur *exuvia jugi fluvio a corporibus manantes*. Hæ incedentes in sensus nostros efficiunt *visa*, de quibus Stoici tam multa disputant.

SYNTAGMA II.

DE SIGNO VERITATIS COGNOSCENDÆ.

Quodnam est veritatis signum?

R. **S**IGNUM, quod menti præluceat ad rerum veritatem detegendam, *Criterium* dici solet, a Græca voce κριτηριον. Duplex est, *evidentia*, & *vividus sensus*. Per *evidentiam* cognosco primum quidem rerum naturas & modos; verbi gr. triangulum habere tres angulos: tum quidquid necessaria consecutione constat; verbi gr. eum qui disputat, quandiu disputat, necessario esse (1). Per *vividum sensum* corpora percipiuntur. Hac ratione cognosco, esse mihi corpus; & esse corpora alia mihi circumfusa, a quibus lædi, & juvari possum (2).

Quodnam est criterium internarum affectionum?

R. *Intimus sensus* criterium est internarum affe-

B 4 tio-

(1) Lucullus in 4. Ciceronis Academ. c. 14. *Perspicuitas satis magnam habet vim, ut ipsa per sese ea, quæ sint, nobis ita, ut sint, indicet.* Criterium hoc vel excludit, vel dubia facit omnia illa Philosophorum inventa & cogitata, quorum evidens notio haberi non potest.

(2) Quidam putant, tantam esse sensuum fallaciam, ut corporum existentia demonstrari nequeat, nisi fide & revelatione divina. Sed isti quidem, dum sensus evertere conantur, ipsam quoque fidem & revelationem everunt, quæ est ex auditu.

ationum, cogitationis, doloris, voluptatis. Sed hoc quidem criterium significat, eas esse; quid sint, aut quomodo fiant, non patefacit. Igitur qui clare firmeque percipit, se cogitare, dolere, latari; revera cogitat, dolet, latatur: at unde hoc sit, aut quale sit, sine erroris periculo judicare non potest (3).

Cedo mihi veritatis Criterium apud Epicureos.

R. Visorum perspicuitate, & evidentia comprehensionis utuntur Epicurei ad verum & falsum dijudicandum, idest certa & perspicua impulsione rerum in sensus nostros; in quibus, ut ait Latinus Epicurus in lib. i. de nat. rer. v. 424.

..... nisi firma fides fundata valebit,

Haud erit occultis de rebus quo referentes

Confirmare animi quicquam ratione queamus.

Quonam Stoici Criterio utuntur?

R. Idem prorsus est Criterium scholæ Stoicæ. Verum enim Stoici appellant, quod evidenter apparet, ortum ab eo quod est, & id quod est, sine fallacia repræsentans (4).

Quo-

(3) Hoc sumtum est a Cyrenaicis, quorum doctrinam explicat Empiricus lib. i. adv. Log. & Cicero Academ. 4. cap. 24. *Quid Cyrenaici videntur? minime consenti Philosophi, qui negant esse quicquam, quod percipi possit extrinsecus; ea se sola percipere, quæ tactu intimo sentiant; ut dolorem, ut voluptatem; neque se quo quid colore, aut quo sono sit, scire, sed tantum sentire, affici se quodammodo.*

(4) Consule Sextum Empiricum lib. i. advers. Logic. n. 245. Verum porro admittebant veteres Stoici non in re, neque

Quonam Sceptici?

R. Sceptici, cum rem nullam magis esse, quam non esse dicerent, paremque fidem visis omnibus tribuerent, attamen ne nihil agerent, probabile aliquid in vita admittebant, eoque utebantur tamquam regula & criterio agendi, sed citra opinionem, cedendo potius & non repugnando, quam assentiendo (5).

Quonam Academici?

R. Novi Academici, quorum maxime habetur ratio, visionem probabilem admittebant tamquam criterium agendi, quærendi, ac differendi. Visio autem probabilis ab iis dicebatur, quæ vera appareret, siue esset huiusmodi, siue non esset. Hanc tribus gradibus distinguebant, ut alia simpliciter probabilis diceretur ($\pi\iota\delta\alpha\nu\eta$); alia probabilis, & non impedita ($\pi\iota\delta\alpha\nu\eta$ & $\alpha\omega\delta\iota\omega\pi\alpha\varsigma$); alia probabilis, non impedita, & accurata consideratione examinata ($\pi\iota\delta\alpha\nu\eta$ $\alpha\omega\delta\iota\omega\pi\alpha\varsigma$, & $\pi\epsilon\pi\omega\delta\delta\mu\epsilon\nu\eta$). Tertiæ huic visioni cum certo proposito & opinione assentiebantur (6).

Quod-

que in voce, sed in effato, $\epsilon\nu\ \tau\eta\ \lambda\epsilon\iota\tau\eta$, quod axioma vocabant. V. infra P. 2. c. 1. de Enunciat.

(5) Probabile appellabant quod sensibus appareret; idque ad quatuor capita referebant, ut scribit Sex. Empiricus Pyrrhon. hypoth. l. 1. c. 11. ad ductum naturæ, ad naturalium affectionum necessitatem, ad legum morumque constitutionem, ad artium exercitationem.

(6) Tres isti probabilis visionis gradus explicantur a Sexto Empir. lib. 1. Pyrrhon. hyp. c. 33. & advers. Logic. n. 166.

2 Ga-

Quodnam est probabilitatis Criterium apud Peripateticos?

R. Hominum iudicium . Est enim probabile, quod probatur omnibus, vel plurimis, vel sapientibus, ut docet Aristoteles lib. 1. Topic. cap. 1. Porro consensus omnium, si de facto aliquo controversia sit, exploratam veritatem facit. Nam ex gr. Ciceronem Romæ fuisse Consulem, Augustum fuisse Imperatorem, tam certum & evidens est, quam quod maxime (7).

Quodnam ex his iudiciis sequendum est?

R. Commune omnium iudicium primo loco haberi debet: tum si duo reliqua inter se conferantur, in iudicio verborum standum est plurimis; in rerum iudicio standum est sapientibus, & quidem sapientissimo cuique in arte sua. Scitum est enim illud, *Loquendum ut multi, sentiendum ut pauci.*

Dubia quonam Criterio dignoscuntur?

R. Quadruplex videtur esse dubiorum Criterium.

a Galeno l. 9. de decretis Hippocr. a Cicerone in Acad. 4. c. 11. Sæpe tamen secundus & tertius inter se commutantur, interdum etiam coniunguntur. Porro de Medijs Academicis nihil dicimus, quia parum a Scepticis dissidebant, ut scribit Sex. Empiricus ibidem. Neque de Veteribus, quia verum admittebant, & solo nomine a Peripateticis discrepabant, ut ait Lucullus apud Ciceronem Acad. 4. c. 5.

(7) Ad *probabilitatem* tamquam ad genus revocari potest *verisimilitudo*. Quod enim est maxime *probabile*, dici potest simile *vero*. Ceterum ratio & natura *probabilitatis* in eo posita videtur, ut in re qualibet sit multiplex; *veritas* una est, & uno modo se habet.

rium. Primum, si nullum sit argumentum neque ad ajendum, neque ad negandum: qua ratione dubium dicitur illud Xenophanis apud Ciceronem in Acad. 4. c. 39. in *Luna habitari*. Secundum, si argumenta paria sint, vel pæne paria; quomodo dubiæ sunt *idea innata*, quæ ancipiti Marte oppugnantur, ac propugnantur. Tertium, si plura sint argumenta ad ajendum; quo ex genere dubium vocatur Pythagoricum illud apud Senecam lib. 7. quæst. nat. c. 2. *terram moveri*. Quartum, si plura sint argumenta ad negandum; ut in curationibus per pulverem sympathicum. Quamquam quæ in primo genere sunt, *ignota* potius appellari debent; quæ in secundo, *dubia*; quæ in tertio, *verisimilia*; quæ in quarto, *valde incerta* (8).

Quodnam est Criterium eorum, quæ supra naturam sunt?

R. Quoniam Dialectica cuilibet cognitioni facem præferre debet, dicimus, ejus veri, quod supra naturam est, Criterium esse revelationem certam atque exploratam. Nam, quod constat divinitus revelatum esse, pro certo haberi debet (9).

(8) Id totum exprimi posse videtur per formulas, quibus Stoici visa distinguebant; ut est apud Sex. Empiricam lib. 1. advers. Log. num. 242. Nam primum dici potest *nec probabile nec improbabile*; secundum *probabile simul & improbabile*; tertium *probabile*; quartum *improbabile*.

(9) *Materia* igitur (vulgo *objectum*) veri hujus, est mysterium divina revelatione nobis propositum; *regula* assentiendi est ipsa revelatio: *argumentum*, per quod revelatio mentem impellit ad assentiendum, est revelantis auctoritas, de qua dubitare non licet. Plus enim valet testimonium ejus, quem certo tenemus nec fallere, nec falli posse, quam quæ-

quælibet ratio. Ethnici in sua Theologia eodem modo disputabant. Nam Socrates apud Platonem in Gorgia, & in Convivio de amore ait, se iis, quæ de anima, de Diis, de Dæmonibus, a Diotima fatidica muliere accepisset, fidem libentius adhibere, quam ullis vel maxime perspicuis rationibus. Vide eundem Platonem in Timæo, ubi de Diis, eorumque procreatione loquitur.



SYNTAGMA III.

DE ACTIONE FACULTATIS
COGNOSCENTIS.

Quotuplex est actio facultatis cognoscentis?

R. **M**ENS ad veri notitiam quatuor veluti gradibus progredi videtur. Nam primò quidem rem intuetur ac percipit, quæ dicitur *Perceptio*: deinde cum alia apte conjungit ajendo, aut negando, quæ dicitur *Enunciatio*: tum duas enunciationes simul componit, & ex iis tertiam colligit, quæ dicitur *Ratiocinatio*: postremo tria hæc recte & apposite ad verum aperiendum disponit, quæ dicitur *Methodus*. De singulis ordine agemus (1).

(1) Recte percipiendo vitantur *ambigua*; recte enuncian-
do vitantur *falsa*; recte ratiocinando vitantur *inconsequentia*;
recte disponendo vitantur *obscura*: quæ sunt quatuor vitia
Logico proposita ad expugnandum. Cicero partitionem hanc
adumbravit de Finibus lib. 2. cap. 6. *Dialectica continet om-*
nem & perspicendi, quid in quaque re sit, scientiam; &
judicandi, quale quidque sit; & ratione ac via disputandi.
Perceptio est quid individuum, veluti punctum; Enunciatio
est veluti linea; Ratiocinatio est veluti corpus.

PARS

P A R S P R I M A

DE PERCEPTIONE.

Quid est Perceptio?

R. **E**ST simplex mentis intuitus & contemplatio, quæ nihil ait, nihil negat; ut cum solem, aut ignem, aut aliud quippiam vel sensu percipimus, vel cogitatione complectimur: quæ quidem simplex rei comprehensio, dum in mente est, *notio* dicitur; dum ore expromitur, *vox* appellari solet. *Perceptio* igitur duo continet, *notionem*, & *vocem*. De illa prius agemus; quia prius est rem nosse, quam verbis declarare (1).

(1) Perceptio ab aliis Dialecticis dicitur *approhensio*; magnisque contentionibus disputatur, utrum inter actiones, an inter passionem sit referenda. Juniores plerique ajunt, mentem percipere patiando; veteres, Scholastici præsertim, agendo & patiando. Et hi quidem videntur dicere magis similia verò: quia si mens percipiendo nullam edit contentionem, fit in illam talis quædam imaginum impressio, qualis fit in speculum minime vitale; si contentionem edit, agit. Cic. Acad. 4. c. 10. *Mens naturalem vim habet, quam insensibilis ad ea, quibus movetur.*

C A P U T I.

DE NOTIONE.

Quid est notio?

R. **N**OTIO nihil est aliud, quam actio mentis percipientis, siue res corporeas percipiat, siue incorporeas, siue præsentes, siue absentes; siue intestinas, siue oblatas (1).

Notio rei corporea quomodo fit?

R. Mens, ut videtur, rem corpoream intelligit per simulacrum quoddam, seu speciem ipsi objectam, quæ Græco nomine, sed communiter accepto, *idea* dicitur (2).

Notio rei incorporea est ne aliquid spiritale?

R. Mens corporeis vinculis illigata, nullas cogitationes elicit, nisi a corpore quoquo modo pendeat, vel ad illud comparando referantur. Siquid in

(1) Interdum *notio* usurpatur pro impressa quadam intelligentia, non pro ipsa animi intelligentis actione. Græci *εἰδωλον* vocant; de qua Cicero præsertim in Topicis, de Finibus, in Tuscul. & Acad. quæstionibus.

(2) *Idea* nomen reperisse videtur Plato, Cicero Acad. I. c. 8. Hanc illi ideam appellant, jam a Platone ita nominatam; nos recte speciem possumus dicere. Alii tamen existimant, vocem hanc antiquiorem Platone esse, sed ab eo primum fuisse tractatam ad formas rerum archetypas significandas.

in illa omnino spiritale est, aut esse potest, (ut nos quidem firmissime tenemus) tunc apparebit, cum a corpore soluta ac libera, per se ipsa cogitabit.

Quomodo igitur nunc res incorporeas percipere dicitur?

R. Res incorporeas percipere dicitur, cum ea intelligit, quorum nullum est in natura simulacrum certum atque expressum, quod sibi contemplandum proponat; ut cum de sua cogitatione cogitat, vel de natura virtutis ac vitii, vel de rebus aliis, quæ corpora dici nequeunt. Hic tamen ipse intelligendi modus sua quadam ratione a corpore proficiscitur, & ab eo pendet. Nemo enim cogitationem suam meditatur, nisi prius cogitarit aliquid, quod sit corpus, vel a corpore; nemo naturam virtutis & vitii animo versat, nisi in rebus corporeis virtutes ac vitia animadverterit. Itaque modus hic intelligendi *conscientia* quædam est, quæ mens sibi *conscire* dicitur, & quodammodo sentire, quid antea egerit (3).

(3) Seneca epist. 106. contendit virtutes, vitia, affectus, & perturbationes omnes, sive bonæ, sive malæ dicantur, corpora esse. Sed hoc ex disciplina Stoicorum, qui omnia dividebant in ea, quæ *sunt*, & in ea, quæ *non sunt*: prima appellabant *corporalia*, secunda *incorporalia*. Ea porro *non esse* dicebant, quæ sola cogitatione continerentur. Igitur rem & vocem *corpoream* vocabant, axioma & λεκτικόν quodlibet *incorporeum*. Idem Seneca epist. 117. Dico, Cato ambulat. Non corpus quidem est, quod nunc loquor; sed enunciativum quiddam de corpore.

CA.

CAPUT II.

DE IDEA.

Quid est Idea?

R. **I**DEA est forma quædam animo comprehensa, seu id quod in mente est, dum mens cogitat. Gignitur autem, ut nobis videtur, a mente ipsa, quoties lumen suum per attentionem in res cognoscendas convertit (1).

Idea quomodo dividitur?

R. Idea dividi potest ratione suæ originis, ratione objecti, & ratione suarum affectionum.

C

Quo-

(1) D. Augustinus lib. 83. quæst. q. 46. *Ideas Latine possumus vel formas, vel species dicere, ut verbum a verbo transferre videamur.* Interdum tamen nec forma, neque species dici potest, sed intimus quidam animi sensus. Interdum etiam distinguunt Platonici inter *Ideam*, & *idos*, agentes *ideam* esse veluti sigillum, *idos* veluti formam per sigillum impressam. Seneca ep. 58. *Quantum locum habet idos. Quid sis hoc idos, attendas oportet; & Platoni imputes, non mihi hanc rerum difficultatem. Nulla est autem sine difficultate subtilitas. Paulo ante pictoris imagine utebar. Ille cum reddere Virgilium coloribus vellet, ipsum intuebatur. Idea erat Virgilii facies, futuri operis exemplar. Ex hac quod artifex trahit, & operi suo imponit, idos est. Quid intersit, quæris? Alterum exemplar est, alterum forma ab exemplari sumpta, & operi imposita. Alterum artifex imitatur, alterum facit. Habet aliquam faciem statua, hoc est idos: habet aliquam faciem exemplar ipsum, quod intuens opifex statuam figuravit: hac idea est. Etiamnum aliam desideras distinctionem? Idos in opere est. Idea extra opus: nec tantum extra opus est, sed anto opus.*

Quomodo dividitur ratioe sua originis?

R. Vulgo docent, alias esse ideas *adventitias*, quæ a rebus externis per sensus adveniunt, ut species montis; alias *factitias*, quæ a mente formantur ex ideis jam comparatis, componendo, separando, addendo, detrahendo, ut species montis aurei; alias *innatas*, quæ ab ipso ortu sine opera nostra nobis inferuntur, quæcumque illæ sint, si modo sunt aliquæ.

Sunt ne omnes admittenda?

R. Ideæ *adventitiæ*, & *factitiæ* extra controversiam positæ sunt. De *innatis* pugnant inter se Platonici, & Peripatetici. Si me rogas, nihil est hominum mentibus innatum; quandoquidem sentiendi & cogitandi facultatem habent, per quam ideas quaslibet sibi acquirant ad vitæ usum necessarias (3).

Idea quomodo dividitur ratioe suarum affectionum?

R. Dividitur in *claram*, *distinctam*, & *perfectam*. Eatenus autem dicitur *clara*, quatenus perspicue cognoscitur. Eatenus *distincta*, quatenus ab aliis separatur. Eatenus *perfecta*, quatenus in integram quamdam formam effingitur, nihilque illi deest. Discrimen hoc ratione constat & modo quodam;
ce-

(3) Facultas hæc semen dicitur a Seneca epist. 120. *Natura semina nobis scientiæ dedit, scientiam non dedit.*

ceterum in re nullum est. Siquidem quæcumque idea clara est, eadem est *distincta*, & *perfecta* (4).

Quanam sunt idea clara?

R. Ideæ simplicissimæ, quæ a nobis ipsis formantur, claræ sunt; ut idea existentiae, si ita loqui licet, idea rotundi, paris, imparis &c. Nam quæ a rebus adveniunt, semper aliquid habent obscuritatis: siquidem in natura nihil est, nisi compositum & abstrusum. Istiusmodi ideæ, quæ inter *factitias* referuntur, appellari solent in scholis Mathematicæ, & Metaphysicæ.

*Cur inter affectiones idea non referat veritatem,
& falsitatem?*

R. Qui ideam dividit in veram, & falsam, perperam dividit. Nam, cum idea rem dumtaxat representet, nihil ajendo, aut negando; neque veritatem, neque falsitatem capit. Esse tamen potest veritatis & falsitatis causa. Etenim si rei ad cognoscendum propositæ congruat, causam præbet enunciationi veræ; si ab ea discrepet, causam præbet enunciationi falsæ (5).

C 2

Idea

(4) Qui *claras* ideas separant a *distinctis*, exempla affectionum animæ, doloris, voluptatis; quarum rerum ideam *claram* nos habere dicunt, non tamen *distinctam*. Scilicet isti existentiae ideam cum idea essentiae confundunt. Nam clare distincteque cognoscimus nobis inesse animam, dolorem, voluptatem; quid hæc sint, non cognoscimus. Itaque existentiae ideam habemus *claram* & *distinctam*, essentiae nullam.

(5) Ratio est, quia mens in judicando sequitur perceptionem; nec judicare potest aliter atque percepit.

Idea quomodo dividitur ratione objecti?

R. Tunc idea dividitur ratione objecti, cum dividitur pro varietate rerum, quæ menti obijciuntur. Divisio hujusmodi gemina est apud Logicos.

Cedo mihi primam.

R. Primo idea dividitur in *simplicem*, & *compositam*. Quidquid enim menti obijcitur, vel est *res*, vel *modus*, vel *res modo affecta*. *Res*, sive *substantia*, est id, quod per se constat, ut *lignum*: *modus* est id, quod non constat in rerum natura, nisi per aliud, ut *ligni figura*: *res modo affecta* est ipsa *substantia*, certo quodam modo conformata, ut *lignum figuratum*. Igitur *simplex idea* est ea, quæ rem, vel modum dumtaxat repræsentat; *composita*, quæ rem simul & rei modum exhibet.

Cedo mihi divisionem alteram.

R. Idea rursus dividitur pro varia extensione rerum, quas refert, in *universalem*, quæ multa continet, ut *animal*; in *particularem*, quæ rem unam repræsentat, non tamen definitam, ut *ali-quod animal*; in *singularem*, quæ unum quid certum ac determinatum significat, ut *hoc animal* (5).

Est

(5) Vox *Particularis* non habet auctorem locupletiores Apulejo. Usus scholarum ac librorum omnium pæne necessariam fecit. Potuissim adhibere vocem *Infinitus*, quæ hac plane significatione usurpatur a Cicerone de Fato c. 8. Sed in docendo habenda ratio est communis sensus & perspicuitatis.

Est ne universale aliquid in rerum natura?

R. In natura nihil est nisi singulare. Itaque universale fit per cogitationem nostram: & dici potest idea communis, cujus tota ratio est in mente, quatenus mens sibi conscia multarum rerum singularium, quas sensu percepit, suis quamque attributionibus spoliatur; & sub una eademque ratione, in qua conveniunt, omnes considerat (6).

Fitne revera universale?

R. Universale revera non fit, sed detegitur in singulari per quandam detractionem. Ex. gr. viso Socrate, detraho illi attributiones peculiares & modos, quibus ab aliis hominibus differt; ex quo fit, ut remaneat in mente mea natura quædam communis, quæ *species* dicitur, idest imago hominem universe repræsentans. Rursus, redintegrata detractione, invenio naturam magis communem, quæ *genus* dicitur; nam abjecta ratione, remanet *animal*; quæ idea nihilo plus, quam rem sentientem comprehendit. Præterea per novam detractionem detego naturam magis communem; nam abjecta sentiendi virtute, remanet vegetans, uti

C 3

plan-

(6) Scholastici quidam ita ferme fieri dicunt Universale: *Intellectus per conjunctionem, quam habet cum phantasia, intelligit singularia; deinde comparat illa inter se, & abstrahit quandam naturam communem, per quam abstractionem illa natura denominatur, & fit universalis ab intellectu abstrahente.* Alii fieri dicunt Universale per confusam quandam singularium perceptionem, quæ perceptio exhibet menti commune aliquid, abstrahendo a principiis divisionis. Hæc sunt ipsorum verba.

planta. Denique, detracta etiam vivendi facultate, reperio genus quoddam summum & maxime universale, idest *corpus*; & sic porro pergo usque ad substantiam (7).

Universale est ne unius rationis?

R. Universale vel *complexum* dicitur, quod continet enunciata communia; de quibus alius erit agendi locus: vel *simplex*, quod simplici notione constat, & simplici voce exprimitur; de quo in presenti agere aggredimur (8).

(7) Qui universale formant per *expressionem* & *abstractionem*, vel gignunt, vel gignere sibi videntur naturam quandam communem, a singulis rebus simul collatis abductam; de qua multæ ortæ sunt controversiæ. At dum universale per *detraktionem* fit, nihil est quod gignatur: dumtaxat remouentur propria & peculiaria, & relinquitur in re, quod commune est; idque unum consideratur.

(8) Universale *simplex*, si causam remotam consideramus, oritur a sensu; siquidem oritur a singulari. Quomodo ipsum quoque universale *complexum* a sensibus oriatur per quamdam rerum singularium inductionem atque experientiam, explicat Aristoteles in lib. 2. Poster. Anal. cap. ult.



C A P U T III.

DE IDEARUM CLASSIBUS.

*Quibus classibus comprehenduntur
idea?*

R. IDEÆ omnes revocantur ad ea, quæ Logici dicunt *Pradicabilia*, & *Pradicamenta*.

Quenam sunt Pradicabilia?

R. De his fufius agemus in Institutionibus: at-
tamen hic quoque leviter attingenda sunt; quia fi-
ne eorum cognitione rerum ideæ distingui neque-
unt. *Pradicabilia* igitur sunt quinque notiones ma-
xime communes, per quas veluti per notas quas-
dam ostenditur, quomodo res quævis de re qua-
vis prædicetur. *Pradicari* autem apud Logicos est
dici & enunciari. Sunt *genus*, *species*, *differentia*,
proprium, & *accidens*. Nam *Genus* prædicatur ut
pars essentiæ communior; ut cum Socrates dicitur
animal: *Differentia* ut pars essentiæ peculiaris &
propria; ut cum dicitur *rationalis*: *Species* tam-
quam tota essentiæ; ut cum dicitur *homo*: *Proprium*
tamquam affectio necessaria ab essentiæ profluens;
ut cum dicitur *ridendi* & *admirandi capax*: *Accidens*
tamquam affectio extranea & fortuita; ut cum di-
citur *albus* (1).

C 4

Quæ-

(1) Prædicabilia explicantur a Porphyrio in libello, qui
præmitti solet Logicis Aristotelis operibus, non tamquam
pars,

Quanam sunt Prædicamenta?

R. Quemadmodum *Prædicabilia* sunt modi prædicandi, ita *Prædicamenta* sunt res, quæ prædicantur. Dividuntur ab Aristotele in classes decem, quas appellat *Categorias* (2).

Cedo mihi classes istas.

R. Vulgo comprehendendi solent duobus carminibus, quamvis infulsis:

Arbor sex servos ardore refrigerat istos.

Ruri cras stabo, sed tunicatus ero.

Nam quidquid mente concipitur, aut est *substantia*, aut est in substantia, & dicitur *modus* ejus, seu *accidens*. Prima igitur *Categoria substantia* est, reliquæ novem sunt varii substantiæ *modi*; idest *quantitas*, *relatio*, *qualitas*, *actio*, *passio*, *ubi*, *quando*, *situs*, *habitus*; quæ singula per singulas carminum voces significantur. Hi sunt fontes atque elementa, ut vocat Quintilianus, notionum & vocabulorum omnium (3).

Con-

pars, sed tamquam *Introductio* ad Logicam. Ita enim sonat *Isagoge*, quæ vox tituli loco est. Utilitas opusculi hujus ad veram germanamque scientiam quanta sit, intelligi non potest nisi a philosopho.

(2) Hic tum modi prædicandi, tum res considerantur, non ut sunt in se ipsis, sed quatenus menti obijciuntur, & idæ vocari solent.

(3) Numerus prædicamentorum pendet ex modis interrogandi. Quæri enim primum solet de re qualibet, *quid sit*, tum *quanta*, deinde *qualis*; & sic porro *quo referatur*, *quid agat*, *quid patiarur*, *ubi sit*, *quando sit*, *quomodo sita*, *quo habitu prædita*.

*Convenit ne inter Logicos de numero
Pradicamentorum?*

R. Nihil est, de quo minus conveniat. Alii enim duo tantum faciunt summa rerum omnium capita, *substantiam*, & *modum*: alii tria, *substantiam*, *modum*, & *relationem*: alii quatuor, *mentem*, *spatium*, *materiam*, & *motum*: alii septem, quæ distinctio concluduntur:

*Mens, mensura, quies, motus, positura, figura,
Crassaque materies dederunt exordia rebus.*

Nos quem ducem sequemur?

R. Aristotelem: ideoque ejus decem Categorias tot sapientum judicio & vetustatis auctoritate confirmatas retinebimus (4).

Quid est igitur substantia?

R. Est id, quod in rerum natura per se constat. Dividitur autem *substantia* in corpoream, & incorpoream (5): *corpus* in vivens, & non vivens: *vivens* in sentiens, & non sentiens: *sentiens* in rationale, & irrationale: *rationale* in varia individua.

(4) Nos famam sequimur, & scholarum consuetudinem: quamvis non ignoremus de istarum Categoriarum auctore ab aliquibus dubitari.

(5) Alii dividunt *substantiam* in *cogitantem*, & *extensam*. Nos secuti sumus tum doctissimos ex nostris, tum etiam Clementem Alexand. qui ita exorditur rerum divisionem in lib. 8. Strom. τῶν ὄντων ἡ μὲν σῶμα ἐστὶ, τὸ δ' ἀσῶμα. Eorum, quæ sunt, alia corpore constant, alia corpore carent.

dua. Id clarius apparebit ex schemate subiecto (6).

Incorporea	Substantia	Corporea
Non vivens	Corpus	Vivens
Non sentiens	Vivens	Sentiens
Irrationale	Animal	Rationale
	Homo	
	Petrus (7).	

Quid est quantitas?

R. Est mensura rei; eaque vel *continua*, ut magnitudo, & tempus; vel *discreta*, ut numerus.

Quid est qualitas?

R. Est forma quædam & modus substantiæ, a quo talis dicitur; ut color albus in lacte. Ejus quatuor numerantur species ab Aristotele; *habitus perfectus*, & *inchoatus*; *naturalis vis*, & *imbecillitas*; *affectio diuturna*, & *brevis*; *forma*, & *figura* (8).

Quid est relatio?

R. Est ordo & affectio unius ad aliud, ut patris

(6) Hæc *Arbor Porphyriana* in scholis dicitur, quod sit a Porphyrio conflata in modum arboris cujusdam, ad ostendenda & distinguenda Prædicabilia. Hoc porro est fundamentum rerum omnium, quæ sciuntur.

(7) Quatuor superiora vocantur genera, *Homo* species, *Petrus* individuum. Quæ latera tenent, vocantur differentiæ, quæ exprimuntur per modum adjectivi; quippe quæ adjectivis generibus constituunt species. Id clarius explicabitur in Institutionibus.

(8) Vulgo dici solent *habitus*, & *dispositio*; *potentia*, & *impotentia*; *passio*, & *passibilis qualitas*; *forma*, & *figura*. Singillatim explicantur in nostris Institutionibus P. 2. c. 4.

trīs ad filium, servi ad dominum, discipuli ad magistrum (9).

Quid est actio, & passio?

R. *Actio* vulgo definitur actus agentis, ut agens est: *passio* autem actus agentis in patiente receptus: ut calefactio, quatenus est ab igne, dicitur *actio*; quatenus est in ligno, dicitur *passio*.

Quid est ubi?

R. Est esse in loco, & ordo ad ipsum; cuius sex sunt differentiae, *ante*, *retro*, *dextrorsum*, *sinistrorsum*, *supra*, *infra* (10).

Quid est quando?

R. Est esse in tempore, & ad ipsum referri; cuius tres sūt differentiae, *præteritum*, *præsens*, & *futurum*.

Quid est situs?

R. Est dispositio partium corporis ratione spatii, in quo corpus ipsum positum est, ut sedere, stare, &c. (11).

Quid

(9) *Relata* a Græcis dicuntur ἡ πρὸς τι, quæ sunt ad aliquid; a Cicerone in l. 1. de Invent. c. 30. quæ sub eandem rationem cadunt. Referuntur ab Aristotele inter opposita, sed eorum oppositio minima est.

(10) Locus exprimitur per particulam *Ubi*, Tempus per *Quando*; ut appareat, hic non agi de Loci, aut Temporis natura (quod ad Physicum pertinet) sed de eo, quod responderi solet interrogantibus, *ubi*, & *quando* sit aliquid.

(11) Physici quidam ad *situm* referunt etiam positionem

&

Quid est habitus?

R. Est relatio corporis ad vestes, & ornamenta, quatenus ipsis induitur; ut esse togatum, armatum, & alia id genus, quæ responderi solent interroganti de habitu.

Suntne alia interrogationes de simplici idea?

R. Quæri etiam potest, sitne aliquid *simul* cum altero; sitne *prius*; sitne *oppositum*. Quibus interrogationibus ut recte respondeas, animadvertere oportet, ex duobus alterum dici *prius* altero vel tempore, vel natura, vel ordine, vel dignitate, vel causa: tum eadem esse posse *simul* vel tempore, vel natura, vel divisione: postremo *opponi* etiam inter se posse vel tamquam relata, ut dextrum & sinistrum; vel tamquam contraria, ut calor & frigus; vel tamquam privantia, ut lux & tenebræ; vel tamquam contradicentia, ut sapit, non sapit. Quæ omnia explicantur in Institutionibus P. 2. de *Postpredicamentis*.

& conformationem partium inter se ratione totius corporis, quod componunt.

CAPUT IV.

DE VOCE.

*Quanam sunt notionum & idearum
signa?*

R. **V**OCES. Est enim *vox* signum, quo suas quisque cogitationes exprimit: itaque si nihil exprimat, ut *bliri*, ad Logicos non pertinet (1).

Quid est vox?

R. Est vel *nomen*, vel *verbum*. Nomen rem sine tempore significat, ut *Deus*: Verbum tempus adsignificat, ut *est*, *erit*, *fuit*. Nomen simplices ideas & notiones exprimit; verbum enunciationes & judicia constituit (2).

Quanam sunt nominum divisiones?

R. Quæ præcipue ad rem faciunt, sunt numero duodecim.

I. Etenim nomen in enunciatione vel est *subiectum*,

(1) Quia qui verum querit, non sua tantum causa querit, sed etiam ut aliis aperiat atque explicet; iccirco de voce agendum est, & quidem de illa, quæ ideas nostras significet. In vocem, quæ nihil significat, cadit illa definitio Senecæ lib. 2. nat. quæst. c. 29. *Vox nihil aliud est, quam ignis aer.*

(2) Vide Aristotelem in lib. de Enunciandi ratione, & Platonem in Hippia.

ſum, de quo aliquid enunciatur; vel eſt *predicatum*, quod enunciatur: ex. gr. cum dico, *Deus eſt juſtus*, prima vox ſubjectum eſt, poſtrema prædicatum; verbum autem eſt dicitur copula, quia utrumque conjungit. *Subjectum* porro & *predicatum*, *termini* appellantur, ſeu *extrema*; quia enunciationem utrimque terminant & claudunt (3).

II. Vel eſt *ſimplex*, ut *figura*; vel *complexum*, ut *figura rotunda*. *Simplex* unam tantum notionem declarat; *complexum* vel plures notiones, vel notionem unam, & modos ejus.

III. Vel eſt *concretum*, vel *abſtractum*. *Concretum* rem ſignificat cum ſua forma, ut *Deus*: *abſtractum* formam exprimit ſine re, cujus eſt forma, ut *Divinitas* (4).

IV. Vel eſt *ſubſtantivum*, vel *adjectivum*. *Subſtantivum* rem ſignificat, ut *ſol*; *adjectivum* ſignificat modum, qui rei adjicitur, ut *lucidus*: ex quo fit *ſol lucidus*.

V. Modo rem exprimit per ſe conſtante & ab alia quacumque ſolutam, quod *abſolutum* appellatur, cujuſmodi eſt *ſol*, *ignis*: modo ſignificat rem ad aliud relatam & affectam, quod dicitur *relatum*, ut *pater*, *ſervus*.

VI.

(3) Utrumque pluribus vocibus interdum conſtat, quamvis terminus unus ſit. Itaque cum Cicero ſcribit *Tuſcul. 3. cap. 2. Gloria eſt conſentiens laus bonorum, & incorrupta vox bene judicantium de excellenti viriute*; vox prima ſubjectum eſt, reliquæ omnes prædicati locum tenent.

(4) Ex concretis fiunt abſtracta. Ita Cicero lib. 3. ad *Famil. ep. 7. ex Appio & Lentulo facit Appietatem & Lentulitatem*. Sed hoc exemplo uſi Scholaſtici nimium ſibi permiferunt.

VI. Vel est *Categorematicum*, quod solum & per se aliquid significat, ut *homo* : vel *syncategorematicum*, quod nihil significat, nisi cum alio conjungatur, qualia sunt pronomina *omnis*, *nullus*, *aliquis*: vel *mixtum*, quod utrumque continet, ut *nihil*, hoc est nulla res; *nemo*, hoc est nullus homo (5).

VII. Aliud est *Categoricum*, quod significat certam quamdam rem categoria comprehensam: aliud *vagum*, quod nulla Categoria continetur, sed per omnes vagatur, cujusmodi sunt *essentia*, *veritas*, *bonitas*, *ordo*, & similia multa.

VIII. Aliud est *universale*, quod multa significat, ut *animal*: aliud *particulare*, quod significat rem unam, sed minime definitam, ut *aliquod animal*: aliud *singulare*, quod aliquid prorsus certum ac definitum significat, ut *hoc animal* (6).

IX. Aliud est *Synonymum*, aliud *Homonymum*. *Synonyma* sunt ea, quæ secundum unam eandemque rationem pluribus tribuuntur; ut *homo*, quæ vox æque tribuitur *Socrati* & *Platoni*, idemque significat in utroque. *Homonyma* sunt ea, quæ ratio-

(5) Vocabula Græca sunt; *κατηγορημα* enim est id, quod enunciat de alio, vulgo *predicatum*: *συγκατηγορημα*, quod simul enunciat, quasi *compredicatum*. Hinc *Categorematicum* nomen, quod ipsum per se ad enuncandum valet; *Syncategorematicum*, quod non valet, nisi cum alio conjungatur. Porro etiam *nullum* Poetica licentia usurpatur pro nulla re. Horat. Poet. v. 342.

Præter laudem nullius avaris.

(6) Theophrastus nomen *particulare* appellat *ἰδιον*, id est incertum; *singulare* vocat *ἰδιον αἴτιον*, id est certum. Illud significat individuum vagum; hoc individuum certum.

tionem & naturam diversam in iis significant, quibus tribuuntur; ut *homo*, cum tribuitur *homini* vero, & *homini* picto. Porro nomen *homonymum* aliud dicitur *casu*, aliud *ratione*. Primum est illud, quod citra rationem temere est impositum; ut nomen *canis*, cum tribuitur *animali*, & *fideri*. Secundum est, quod rebus tribuitur aliquam inter se similitudinem habentibus; ut cum *pes* dicitur de *planta animalis*, & *lecti* (7). Hæc autem dicuntur etiam *analogæ*, & quidem magis proprie. Nam *homonyma* revera sunt illa, quæ multa significant nullo modo similia (8). Rursus *analogæ* alia dicuntur *attributionis*, alia *proportionis*. Nomen *analogum attributionis* est illud, quod cum pluribus rebus tribuitur, uni quidem primario convenit, reliquis secundario; ut *sanitas*, quæ *animali* tribui solet, *medicinæ*, & *colori*; sed *animali* proprie & primario, quia illi est interna; *medicinæ*, & *colori* secundario dumtaxat, quatenus *medicina* sanitatem efficit; *color*, significat. *Analogum proportionis* dicitur illud, quod propter proportionem aliquam pluribus rebus accommodatur; ut *caput* dicitur de *animali*, & de *monte*; quia ut caput animalis est summa pars ejus, ita caput montis est ejus fastigium.

Huc

(7) Seneca de Benef. lib. 2. cap. 34. *Pedem & nostrum dicimus, & lecti, & reli, & carminis; canem & venaticum, & marinum, & fidus: quia non sufficimus, ut singulis singula assignemus, quoties opus est, mutamur.*

(8) Nomen *Synonymum* pluribus rebus eadem prorsus significatione tribuitur; *Homonymum* tribuitur pluribus significatione plane diversa; *Analogum* tribuitur pluribus significatione aliquo modo variata.

Huc referuntur metaphoræ omnes. Ceterum vox analogica nulli adjecta, semper id, quod est princeps ac nobilius, significat; ut, cum dico *caput*, significo caput animalis. (9).

X. Vel est *denominans*, vel *denominatum*, vel *denominativum*. *Denominans* est forma abstracta, quatenus rem afficit, eique nomen tribuit, ut *candor*, quatenus candefacit. *Denominatum* est subiectum formam recipiens, ut *paries*, qui *candefactus* dicitur. *Denominativum* est vox concreta, ut *candidus*. Itaque *denominans* quodammodo facit, *denominatum* fit, *denominativum* est. Denominatio porro duplex est, *interna*, & *externa*, pro formæ denominantis discrimine, quæ modo est in re ipsa, ut *candor* in exemplo allato; modo extra, ut *visio*, cum *paries* dicitur *visus* (10).

XI. Alia dicuntur *primæ notionis*, quæ primo rebus sunt imposita, ut *homo*: alia *secundæ notionis*, quæ in scholis ad illa explicanda adhibentur, ut cum *homo* dicitur *species*. Prima dici possunt nomina rerum, secunda nomina nominum; quia illa rebus ipsis proxime respondent, hæc rerum nominibus applicantur. Nomina *primæ notionis* referuntur ad res, ut sunt in natura: nomina *secundæ* no-

D tio-

(9) Synonyma a Scholasticis vocantur *Univoca*; quam vocem adhibuit & Priscianus, sed contraria prorsus significatione. Homonyma dicuntur ab iisdem Scholasticis *Æquivoca*, a Latinis *Ambigua*.

(10) Hinc illud Aristotelis Ethic. I. 1. c. 5. *Honorem esse potius honorantis, quam honorati*: quia est actio ejus, qui honorem tribuit.

tionis referuntur ad res , ut sunt in mente nostra (11).

XII. Nomen vel *finitum* est, vel *infinitem*. *Finitum* rem certam significat, ut *equus*. *Infinitem* fit per particulam *non*, & significat rem incertam, ut *non equus* (12).

(11) Quæ nomina dicuntur a nobis *prima*, & *secunda notionis*, ea Scholastici dicunt *primæ*, & *secundæ intentionis*. Porro *secundarum intentionum* multas divisiones faciunt, multasque de illis quæstiones excitant; quas non puto esse tanti, ut referri a nobis debeant. Quod ad rem pertinet, plerique omnes concludunt, inter *secundas intentiones*, & ea, quæ ipsi vocant *entia rationis*, nihil fere discriminis esse.

(12) Ut est *infinitem* nomen, ita est etiam *infinitem* verbum; ut si dicam, *non valet*; Qua de re vide Aristotelem de Enunciandi rat. c. 10.



CAPUT V.

DE DEFINITIONE.

*Cur hoc loco de definitione, ac divisione
agitur?*

R. **Q**UIA utraque ex doctrina Aristotelis ad simplicem perceptionem pertinet. Est enim notio una, quæ pluribus verbis distinguitur & exponitur sine ullo enunciandi iudicio. Hinc puncto individuo comparatur, & terminus passim dicitur ab Aristotele (1). Nam si quis interroget, *quid est homo?* respondeo per definitionem, *animal rationale*. Si urgeat, *quomodo dividitur animal?* respondeo, *in rationale, & irrationale* (2).

*Nonne quidam definitionem referunt inter
enunciata?*

R. Utique referunt; quia nomen rei definitæ cum definitione conjungunt per verbum *est* hoc modo: *Homo est animal rationale*. Sed ex hoc i-
D 2 pso

(1) Vide c. 10. lib. 1. Poster. ubi ostendit Aristoteles, definitionem esse simplicem terminum. Quomodo autem plura verba terminum unum faciant, explicat ibidem, & in lib. 6. Metaph. c. 12.

(2) Definitio explicat rem per synthefim, idest componendo; divisio per analyfim, idest resolvendo. Nam definitio, sumtis partibus, simulque compositis, ostendit totum suis finibus circumscriptum; divisio, resoluta toto, partes ostendit alias ab aliis fejunctas.

pso enunciato, in quo definitio prædicati locum tenet, apparet eam esse notionem unam. Adde, quod definitio, & res definita non differunt nisi virtute: atqui res definita simplex quid est, ad primam mentis cogitationem pertinens: igitur etiam definitio eodem pertinere debet, & simplici intelligentia percipi (3).

Quid est definitio?

R. Definitio est propria, dilucida, & paucis comprehensa verbis explicatio. Et ut Cicero scribit in Orat. c. 33. *Definitio est oratio, qua quid sit id, de quo agitur, ostendit quam brevissime.* (4).

Quotuplex est definitio?

R. Duplex: altera *nominis*, altera *rei*. Definitio *nominis* est, quæ quid per vocem aliquam intelligamus, patefacit; ne verborum ambiguitate peccetur (5). Definitio *rei* est, quæ rem ipsam, ejusque naturam & essentiam in aperto ponit.

Quo-

(3) Definitio simplex notio est; quia inventa est ad regendam perceptionem, ne aberret, & falso judicio occasionem præbeat. Si definitio, addito nomine rei definitæ, migret in enunciatum, dici potest *Oratio, cujus prædicatum continet naturam subiecti in suas partes evolutam*. Id satis apparet in definitione hac: *Homo est animal rationale*.

(4) Placuit nobis hoc loco definitionem definire per voces communes, quarum significatio cuilibet statim occurrit. In fine hujus capituli eam definiemus per formulas Logicas.

(5) Perperam quidam existimant, voces omnes, quæ in disputando adhibentur, definiri debere. Sunt enim quædam primariæ, quarum significatio in communi vitæ usu notissima

est,

Quotuplex est definitio nominis?

R. Triplex est. Prima cum vox obscura, sed tamen communis, per alias clariores explicatur; ut cum Cicero ait in Oratione pro Cæc. cap. 17. *dejectum esse illum, qui in inferiorem locum de superiore motus est* (6). Secunda, cum quis declarat, qua significatione vocabulum aliquod, vel sibi, vel arti suæ proprium, usurpare velit; quod maxime faciunt, aut facere debent, qui de rebus arcanis scribunt; de Alchimia, de Cabbala, de Incantationibus (7). Tertia, cum vox explanatur per dictiones, a quibus oritur; ut cum Cicero in Pison. cap. 10. ait, *Consulem esse illum, qui Republicæ consulit*; & de Senect. cap. 13. *convivium esse accubationem epularem amicorum, quæ vitæ conjunctionem habet*. Hæc a Latinis *Necatio* dicitur, a Græcis *Etymologia* (8).

Quotuplex est definitio rei?

R. Quadruplex. Prima rem manifestat per ejus

D 3

na-

est, & dici possunt velut principia definitionum, ne abeat ad infinitum. Itaque Euclides non definit *Æquale*, non *major*, non *minus*, non *solum*, non *partem*, & similia.

(6) Huc refertur oratio pro oratione (de qua Aristoteles lib. 1. Top. c. 1) ut si dicam: *fortem virum esse, nihil est aliud, quam facere & pati fortia*.

(7) Quintilianus lib. 7. c. 3. *Opus est aliquando finitione obscurioribus & ignotioribus verbis, ut quid sit CLARIGATIO*.

(8) Istiusmodi definitiones ab etymologia ductæ, interdum genus ac differentiam continent, non secus ac propriæ; ut cum quis *Oxygonum* definiens, ait esse *angulum acutum*.

naturam & essentiam : secunda per causas : tertia per proprias affectiones : quarta per communes attributiones. Prima, quæ ceterarum perfectissima est, proximo genere & propria differentia constat ; ut cum Homo definitur *Animal rationale*. Secunda rei causas complectitur, vel unam, vel plures, vel omnes ; ut cum *homo dicitur substantia ex corpore & mente constans, a Deo in sui similitudinem facta propter beatitudinem*. Tertia fit ex propriis affectionibus, quæ rei definitæ naturam non constituunt, sed tamen necessario comitantur ; ut cum homo dicitur *animal ridendi & admirandi capax*. Quarta conflatur per communia quædam, hoc est per ea, quæ licet separata in aliis quoque rebus reperiantur, tamen simul conjuncta non reperiuntur nisi in re definita. Hujusmodi sunt Poetarum, Oratorum, & Historicorum descriptiones (9).

Sunt ne singula unius rationis ?

R. Prima non potest esse nisi una ; quia essentia rei cujuslibet una est, & uno modo se habet.

Quid secunda ?

R. Secunda potest esse multiplex, non solum quia causæ multæ sunt ; singulæque ad definiendum valent ; sed etiam quia definitiones alias una-

(9) De hoc postremo definiendi genere Quintilianus lib. 7. c. 4. *An. si non dixero, homo est animal rationale mortale, non potero exposui animi corporisque proprietatibus, latine oratione ducta, vel a multis eum distinguere, vel a Diis ?*

naquæque in societatem trahit. Nam cum causæ sint quatuor, materia, forma, efficiens, & finis; ad duas priores revocantur illæ omnes, quæ fiunt per partes rem constituentes, ut cum homo dicitur *substantia constans ex mente & corpore* (10). Ad efficientem referuntur definitiones per rei instrumenta conflata; ut cum eloquentia definitur *facultas dicendi studio & exercitatione comparata* (11). Denique ad finem revocantur illæ omnes, quæ ab usu & officio ducuntur: ut cum dico, *justitiam esse, quæ dat unicuique suum* (12).

Quid tertia?

R. Hæc definiendi forma variatur, si variæ sint rei proprietates nobis manifestæ. Huc pertinent definitiones virtutum ac vitiorum, artium ac di-

D 4 scipli.

(10) Definitio hujusmodi æquiparatur primæ; quia materia & formæ rei naturam & essentiam constituunt; & materia quidem tenet locum generis, forma differentię. Et quia partes rei, quoquo modo se habeant, sunt veluti materia ejus; huc revocantur definitiones illæ per partitionem & divisionem, quas Cicero explicat in Top. c. 5. *Definitiones aliæ sunt partitionum, aliæ divisionum; partitionum, cum res, quæ proposita est, quasi in membra discerpitur, ut si quis jus civile dicat id esse, quod in legibus, Senatusconsultis, rebus judicatis, jurisperitorum auctoritate, edictis magistratum, more & æquitate consistit. Divisionum autem definitio formas complectitur omnes, quæ sub eo genere sunt, &c.*

(11) Per instrumenta efficientia beatitudinis eam definit Martialis l. 10. ep. 47. *Vitam quæ faciunt beatiores, &c.*

(12) Ad usum & officium referuntur effecta & signa quælibet; ut cum Orator definitur a Cic. lib. 1. de Oratore c. 19. *Qui, quæcumque res inciderit, quæ sit distione explicanda, prudenter & copiose, & ornate, & memoriter dicat, cum quadam etiam actionis dignitate.*

sciplinarum, quæ per attributiones cuique proprias instituuntur. Eodem referuntur definitiones relatorum, quorum ea princeps proprietas est, ut per se invicem cognoscantur & definiantur: ut cum Dominus dicitur *is, cui est servus; servus is, cui est Dominus* (13).

Quid quarta?

R. Hæc vero latissime patet, cum sit descriptio potius, delineatio, & adumbratio quædam, quam vera & germana definitio. Itaque huc pertinet quælibet oratio, quæ valet ad rem explicandam (14).

Quarta hac definiendi forma potest ne certis capitibus coerceri?

R. Vix potest. Princeps modus est, qui fit per congeriem multarum affectionum; quarum quidem magis communes primo loco ponuntur, ac veluti genus constituunt; magis propriæ ac peculiæ differentię locum tenent (15).

Se-

(13) Inter relatorum definitiones illas quoque ponimus, cum abstracta per concreta, & concreta per abstracta definiuntur. Itaque injuria reprehenditur definitio qualitatis, quam affert Aristoteles Categor. c. 8. *Qualitatem dico, per quam aliqui dicuntur quales*. Scilicet hac in re concretum notius est abstracto; ideoque ad illud explicandum valet.

(14) Cicero in Part. c. 12. *Definitio genere declaratur & proprietate quadam; aut etiam communium frequentia, ex quibus, proprium quid sit, eluceat. Sed quoniam de propriis oritur plerumque magna dissensio, definiendum est sæpe ex contrariis, sæpe etiam ex dissimilibus, sæpe ex paribus*.

(15) Exempli loco potest esse descriptio Polyphemi apud Vir-

Secundus modus est per similitudinem & dissimilitudinem, quo modo Cicero in Orat. pro Murena definit militem & Jurisconsultum; & ex alterius ab altero differentia utriusque naturam aperit.

Tertius per exemplum, ut cum definimus ponentes aliquid exempli loco: v. gr. *corpus est ut lapis; qualitas est ut color* (16).

Quartus per metaphoram & analogiam; qui modus est frequentissimus præsertim apud Poetas. Ita Mors definitur ab Horatio lib. 1. ep. 16. *Ultima linea rerum*: Somnus ab Ovidio lib. 1. Amor. Eleg. 9. *Mortis imago*.

Quintus per antonomasiam: ut cum Horatius lib. 1. Epist. 2. dicit *Trojani belli scriptorem*, significans Homerum (17).

Sextus per contrarium, quoties contrarium est notius. Ita virtus definitur ab Horatio l. 1. ep. 1. *Virtus est vitium fugere* (18).

Septi-

Virgilium Æn. 3. v. 658.

*Monstrum horrendum, informe, ingens, cui lumen ademptum;
Trunca manum pinus regis, & vestigia firmat.*

(16) Definitio per exemplum reprehenditur a Socrate apud Platonem in Dialogo de scientia. Vulgus hoc ferme pacto res explicare solet, quod non est ex dignitate Philosophi.

(17) Huc refertur descriptio quævis per periphrasim; cuiusmodi est illa Persii initio satyræ 4. ubi Socratem vocat *barbatum magistrum*, sorbitio tollit quem dira cicuta.

(18) Eadem ratione purus locus definitur ab Ulpiano in lib. Dig. xi. t. 7. l. 2. *qui neque sacer, neque sanctus, neque religiosus est*. Optimates a Cicerone pro Sext. c. 45. *Qui neque nocentes sunt, nec natura improbi, nec furiosi, nec malis domesticis impediti*. Quamquam duo hæc exempla ferri etiam possunt ad modum definiendi per negationem.

Septimus per negationem: qua ratione definiri solent perfectissima & imperfectissima. Nam cum extremi isti gradus in notiones nostras non cadant, magis dici potest, quid non sint, quam quid sint (19).

Quanam sunt recta definitionis regula?

R. Tria sunt observanda in definitione plena & perfecta. Primum est, ne definitio sit angustior, aut amplior re definita, sed cum illa reciproctur; ex. gr. *quisquis est homo, sit animal rationale: quidquid est animal rationale, sit homo* (20).

Secundum, quod oritur ex primo, ut pressa & brevis sit, modo non deficient necessaria. Hoc fit

(19) Exemplum perfectissimi sit definitio Dei, quæ est apud August. in Ps. 85. *Terram cogitas? Non est hoc Deus. Mare cogitas? Non est hoc Deus. Omnia, quæ sunt in mari, quæ volant per aerem? Non est hoc Deus. Quidquid lucet in cælo, stelle, sol, & luna? Non est hoc Deus. Angelos cogitas? Virtutes, Potestates, Archangelos, Thronos, Sedes, Dominationes? Non est hoc Deus. Es quid est? Hoc solum dicere posui, quid non sit. Exemplum imperfectissimi sit definitio materiæ primæ, quæ assertur ab Aristotele lib. 7. Metaph. cap. 3. *Materiam voco, quæ ipsa per se, neque quid, neque quantum, neque aliud quippiam dicitur definitum & absolutum. Id est materia nihil est eorum, quæ ex ipsa sunt. Hanc in rem D. Thomas P. 1. q. 33. a. 4. Prima & simplicia per negationem notificantur; sicut dicimus, punctum esse, cujus pars non est.**

(20) Id fiet, si vis ejus rei, quam definias, ita exprima-
tur, ut neque absit quidquam, neque super sit, ut ait Cicero in lib. 2. de Orat. c. 25. & quod Zeno in re alia, si sit manus una atque eadem, quæ compressa rem definitam significet, explicata definitionem.

fit proximo genere adhibito, & propria differentia (21).

Tertium, ut fiat per clariora & notiora, quam sit res definita. Ignotum enim per ignotum non manifestatur (22).

Ex his porro regulis formant sibi Logici Definitionis definitionem, quæ est hujusmodi: *Oratio constans ex genere, & differentia, per quam respondetur interroganti, quid res sit.*

Ostende quomodo præcepta hæc ad usum ducantur.

B. Habes a Cicerone Topic. cap. 6. Cum sumseris ea, quæ sunt ei rei, quam definire velis, cum

(21) Conditio hæc locum non habet in qualibet definitione, sed in Logica dumtaxat, & quidem propria atque perfecta, quæ a Græcis dicitur *ὑπόθεσις*. Hinc Cicero in Orat. cap. 33. *Erīs hæc facultas in eo, quem volumus esse eloquentem, ut definire rem possis; neque id faciat tam presse & anguste, quam in illis eruditissimis disputationibus fieri solet.* Porro ad genus quod attinet, ideo remotum est ineptum, quia superiora non comprehendunt inferiora; proximum est idoneum, quia in eo superiora continentur.

(22) Hac in parte peccant, qui definiunt per verba inutilitata, obsoleta, nova, ambigua, translata: nisi forte translata sint notiora & notiora propriis; quod interdum contingit. Ex hoc præcepto veterem testudinis definitionem reprehendit Cicero de Divin. lib. 2. cap. 64. *Tardigrada, herbigrada, domiporta, sanguinecassa.* Ceterum definitio (ut docet Aristoteles lib. 1. Phys. t. 5.) non debet esse clarior, quam res definita, cuilibet indocto, qui artium formulas non tenet, & res percipit dumtaxat cognitione quadam confusa. Nam vulgus magis intelligit, quid sit homo, quam quid sit animal rationale; magis quid sit motus, quam quid sit actus entis in potentia prout in potentia.

cum aliis communia, usque eo perfequare; dum proprium efficiatur, quod nullam in aliam rem transferti possit: ut si hæreditatem definias, dic primum, *Hæreditas est pecunia*. Sed commune adhuc: multa enim genera pecuniæ sunt. Adde, *qua morte alicujus ad quempiam pervenit*. Nondum est definitio: multis enim modis sine hæreditate teneri mortuorum pecuniæ possunt. Unum adde verbum *jure*; jam a communitate res disjuncta videbitur, ut sit explicata definitio sic: *Hæreditas est pecunia, qua morte alicujus ad quempiam pervenit jure*. Nondum est satis; quia latius patet, quam oporteat: adde, *nec ea aut legata testamento, aut possessione retenta*, confectum est.



CAPUT VI.

DE DIVISIONE.

Quid est Divisio?

R. **E**ST totius in partes distributio.

Quotplex est totum?

R. Duplex. Primum est *Logicum*, seu universale, quod proprio nomine dicitur *omne*; secundum est *Physicum*, seu singulare, quod proprie *totum* vocatur (1). *Logicum* habet partes sibi subjectas, quas potestate quadam continet; ut *animal*, quod dividitur in *hominem*, & *belluam*. Atque hæc quidem *divisio* proprie nuncupatur, & ad Logicos pertinet. Totum *Physicum* habet partes, ex quibus re ipsa componitur: quæ partes vel ad substantiam ejus pertinent, ut cum *homo* dicitur constare ex *mente*, & *corpore*; vel ad quantitatem, ut cum idem dicitur constare ex *capite*, *ventre*, & *pedi-*

(1) Alii totum subtilius dividunt in *Logicum*, *Metaphysicum*, *Physicum*, & *Mathematicum*. *Logicum* dicitur notio universalis, quæ alias sibi subjectas continet, ut Genus. *Metaphysicum* dicitur quidquid constat genere & differentia, hoc est parte communi, & parte propria. *Physicum* dicitur, quod partibus constat coeuntibus ad naturam unam efficiendam, cujusmodi est compositum quodlibet ex materia & forma. *Mathematicum* est, quod habet partes extra partes, quarum alia ab aliis separari potest; quod dici solet a Scholasticis *totum integrale*, vel *quantitativum*.

dibus. Hæ proprio nomine *partitio* nominatur ; & rerum scriptoribus est familiaris (2).

*Cedo mihi discrimina omnia inter Totum
Logicum, & Physicum.*

R. Tria sunt. Primo enim in eo differunt, quod *toto* Logico sublato, ejus quoque partes statim tolluntur; nam sublato *animali*, nec homo, nec bellua est: at sublato *toto* Physico, partes remanent; siquidem eversa domo, remanent saxa, & ligna, ex quibus componebatur (3). Secundo differunt, quia ad *totius* Logici integritatem satis est pars una; nam, si sit homo, erit *animal*, etiam si belluæ omnes pereant: at in *toto* Physico partes omnes requiruntur; siquidem domus dici nequit, nisi & fundamentum, & parietes, & tectum sit. Tertio differunt, quod *totum* Logicum vere ac proprie de singulis partibus enunciatur; nam *homo* dicitur *animal*; *equus* dicitur *animal*; *canis* dicitur *animal*: at Physicum de singulis partibus dici non potest; neque enim fundamentum dicitur *domus* (4).

Quot

(2) Cicero in Topic. cap. 7. *In partitione quasi membra sunt, ut corporis caput, humeri, manus, latera, crura, pedes, & cetera. In divisione forma sunt, quas Græci idéas vocant; nostri, siqui forte hæc tractant, species appellant.* Quintilianus lib. 7. cap. 1. *Sic igitur divisio rerum plurium in singulas, partitio singularum in partes discretus ordo.*

(3) Partes quatenus partes, sublato toto physico pereunt. Siquidem partium ratio & natura earum officio continetur. Itaque si non est totum, neque partes totius esse possunt. Remanet tamen id, quod partis loco erat.

(4) Id verum est in partibus natura diversis, quas *hetero-*

Quot sunt modi Logicae divisionis?

R. Cum *totum* Logicum trifariam dividi possit, tres sunt divisionis Logicae modi. Primus est generis in suas species; ut cum substantia dividitur in *corpus*, & *spiritum*. Secundus subjecti in sua accidentia, ut cum corpus dicitur *moveri*, vel *quiescere*. Tertius accidentis in sua subjecta, ut cum *bona* dicuntur alia esse *animi*, alia *corporis* (5).

Nonne Dialectici praeterea dividunt genus in differentias?

R. Quidam dividunt genus in differentias, v. gr. *substantiam* in *cogitantem*, & *extensam*. Sed revera genus per differentias, non in differentias di-

vi-

regeneas Scholae vocant: at si partes sint *homogeneae*, h. e. unius & ejusdem rationis, etiam *totum* Physicum de suis partibus enunciat; nam quaelibet pars aquae dicitur aqua; quaelibet pars terrae terra nuncupatur. Ceterum regulae ratio colligi potest ex eo, quod scribit Clemens Alexandrinus lib. 8. Strom. p. m. 780. τὸ εἶδος αὐτὸ ἐν τῇ μέρει θεωρεῖται. ὡς μὴ ἀνέκδοτον, ὡς π. μέρει ἐστὶ πινός, ἥτοι καὶ εἶδος ἀνίσταται· ἡ γὰρ χεὶρ μέρος μὲν ἐστὶ τοῦ ἀνθρώπου, εἶδος δὲ ὅτι ἐστὶ καὶ τὸ πᾶν γένος ὡς τοῖς εἶδεσιν οὐκ ἀρχαί· τὸ γὰρ ζῷον καὶ ὡς τῷ ἀνθρώπῳ, καὶ τῷ βοί· τὸ δὲ ὅλον ὡς τοῖς μέρεσιν οὐκ οὐκ ἀρχαί. Species semper in aliqua parte consideratur. Non tamen contra, si quid est pars alicujus, hoc erit etiam species. Manus enim est pars quidem hominis, non autem species. Et genus quidem inest speciebus; animal enim inest homini & bovi; totum autem non inest partibus.

(5) Quae nos ex Scholarum more *accidentia* dicimus, alii vocant *adjuncta*, alii *attributa*: verba diversa, sensus idem. Nonnulli addunt quartum divisionis modum, dividentes *accidens* in *accidentia*, ut *colorem* in *album* & *nigrum*: sed haec est divisio generis in species.

viditur. Divisio enim generis fit in species; quæ species constituuntur & distinguuntur inter se per differentias.

*Nomine etiam vocem in sua significata
dividere solent?*

R. Sunt qui hoc quoque divisionis genus afferant, per quam vox ambigua in suas significationes distinguitur. Sed hæc distinctio quædam est, non divisio; ac proinde ad definitionem potius pertinet, quæ nominis dicitur (6).

Quot sunt rectæ divisionis regulæ?

R. Quatuor. Prima est, ne divisio fiat in partes pauciores, aut plures, quam oporteat; quia partes debent æquare totum (7). Secunda, ut pars una aliam non includat. Itaque peccat, qui ita dividit, ut est in lib. 2. ad Herenn. c. 21. *Tres sunt res, quæ omnes homines sollicitant; metus, cupiditas, avaritia*. Nam avaritia cum metu & cupiditate conjungitur: estque prorsus idem, ac si diceretur Gallia dividi in Cisalpinam, Transalpinam, & Euro-

(6) Hac usus est Aristoteles in cap. ult. Categor. de modis $\pi \epsilon \rho \chi \epsilon \iota$, ut Categoriam, quæ dicitur *habitus*, ab ambiguitate liberaret. Ceterum Alcinoüs quoque, nedum alii, inter divisionis species distinctionem reulit, in cap. 5. Infit. ad doctrinam Platonis.

(7) Huc pertinet illud Ciceronis in Orat. cap. 33. *Idem etiam, cum res postulabit, genus universum in species certas, ut nulla neque prætermittatur, neque redundet, partiatur ac dividet*. Hæc ad divisionem. Partitionis regula est, ne in nimias partes fiat. Nam, ut monet Seneca ep. 89. *Simile confuso est, quidquid usque in pulverem scilicet est*.

ropæam. Tertia, ut divisio gradatim procedat: Itaque non recte dividitur *vivens* in *plantam*, *hominem*, & *belluam*; sed divisio instituenda est per membra proxima hoc ferme pacto: *vivens* vel sensu caret, ut *planta*; vel sensum habet, ut *animal*: rursus *animal* vel est rationis particeps, ut *homo*, vel expers, ut *bellua* (8).

(8) Contra hanc regulam peccavit Epicurus (ut colligitur ex Cicerone lib. 2. de Fin. cap. 9.) cum tria genera fecit cupiditatum, *naturales & necessarias*, *naturales & non necessarias*, nec *naturales nec necessarias*. Si dixisset cupiditatum esse genera duo, *naturales*, & *non naturales*; naturalium item duo, *necessarias*, & *non necessarias*, recte divisisset.

CAPUT VII.

DE VOCUM PROPRIETATIBUS.

*Quanam sunt præcipua vocum
proprietas?*

R. **M**ultæ numerantur in scholis, sed una videtur necessaria, vel minus otiosa, quæ vulgo *suppositio* dicitur. In hac mirum in modum sibi placent Scholastici disputatores, omnesque ingenii sui vires explicant. Nos curabimus ne quid nimis (1).

E

Quid

(1) Picus Mirandulanus ad Thomam Fil. epist. antepenult. lib. 4. *Quousquisque non pavore confternetur, non horrore*

Quid est suppositio?

R. Est certa quædam vocis acceptio, atque usurpatio (2).

Quotplex est?

R. Suppositionis divisio quadruplex est. Ac primo quidem univérse suppositio dividitur in *materialem*, & *formalem*. Secundo *formalis* dividitur in *propriam*, & *impropriam*. Tertio *propria* dividitur in *singularem*, & *communem*. Quarto *communis* dividitur in *disjunctivam*, *collectivam*, & *distributivam*. Verba minus nitida sunt, sed solemnia & loci propria.

Quid est suppositio materialis & formalis?

R. Suppositio *materialis* est, cum vox accipitur pro materia, ex qua componitur; ut cum dico: *mus est syllaba*. *Formalis*, cum vox sumitur pro re, quæ per vocem significatur; ut cum dico: *mus est animal* (3).

Quid

vere diffugias, si primum in scholas aditum ferens audias: terminus est signum orationis constitutum, ut pars propinqua ejusdem? quis etiam valentior aliquanto progressus non remoretur modo, sed & pedem referat, cum terminorum suppositiones vel de longinquo subodoraveris? Huc maxime pertinet illud Æschyli apud Stobæum serm. 1. Ο χρίσιμ' εἶδός, ἔν ο' π' ἀ' εἶδός, σοφός. Qui nilia novis, non qui multa, sapiens est.

(2) Suppositio longe aliud significat apud Latinos scriptores. Itaque non est vox publica, sed Dialecticorum propria.

(3) Seneca epist. 48. *Mus syllaba est; mus autem casuum*
re-

Quid est suppositio propria & impropria?

R. *Propria* est, cum vox accipitur pro significatione propria & germana; ut cum dico: *lupus est quadrupes*. *Impropria*, cum vox a propria significatione ad figuratam traducitur; ut cum dico: *homo homini lupus*.

Quid est singularis & communis?

R. *Singularis* suppositio est, cum vox accipitur pro re una duntaxat; ut cum dico: *Pater meus est senex*. *Communis* est, cum vox sumitur pro pluribus; ut cum dico: *senex est morosus*. Vides, vocem *senex* in primo exemplo uni tantum tribui, in secundo longe plurimis.

Quid est disjunctiva, collectiva, & distributiva?

R. *Disjunctiva* est, cum vox communis usurpatur pro aliqua parte tantum ex iis, quas suae significationis ambitu comprehendit; ut cum dico: *homo est albus*: nam aliqui duntaxat homines sunt albi. *Collectiva* est, cum vox communis sumitur pro omnibus suis partibus simul conjunctis; ut cum dico: *Apostoli sunt duodecim*. *Distributiva* est,

E 2

cum

rodit; *syllaba* ergo *caseum* *rodit*. Puta nunc me istud non posse solvere: quod mihi ex ista sententia periculum imminet? quod incommodum? Sine dubio verendum est, ne quando in musculula syllabas capiam; aut ne quando, si negligentior fuero, caseum liber comedit. Nisi forte acutior est illa collectio: *Mus syllaba* est; *syllaba* autem *caseum* non *rodit*; mus ergo *caseum* non *rodit*.

cum vox communis sumitur pro omnibus suis partibus, respondetque singulis, atque universis; ut cum dico: *homo constat ex anima & corpore*: nam & homo quisque, & omnes homines sunt hujusmodi.

Quanam est suppositio subjecti in enunciatione?

R. In enunciatione si prædicatum conveniat subjecto tamquam ejus essentia, vel proprietas necessaria, suppositio subjecti *distributiva* erit; ut cum dico: *homo est animal rationale*; vel *homo est animal ridendi capax*. Si conveniat tamquam modus, seu affectio fortuita, erit *disjunctiva*; ut cum dico: *homo est doctus*. Si demum conveniat toti subjecto, & omnibus ejus partibus simul acceptis: non tamen singulis, erit *collectiva*; ut cum dico: *Planeta sunt septem*: omnes enim simul sunt septem, at quilibet eorum non est septem (4).

Quanam est suppositio prædicati?

R. In enunciatione negante cum prædicatum prorsus removeatur a subjecto, ejus suppositio est *distributiva*. In agente suppositio prædicati est *disjunctiva*, quia pro parte tantum accipitur, etiam si enuntiatio sit universalis; ut cum dico: *omnis cir-*

CU-

(4) Si quis nolit ad prædicatum cogitationem referre, potest secum ipse reputare, num subjecto conveniat vox syncategorematica *aliquis*, an *omnis*, an *omnes simul*: si convenit *aliquis*, suppositio disjunctiva est; si *omnis*, est distributiva; si *omnes simul*, est collectiva.

culus est figura: est enim figura quædam, non omnis (5).

(5) In agente quoque suppositio erit distributiva, si prædicatum cum subiecto reciprocetur; ut si dicam, *homo est ridendi & admirandi capax*; quia omnis ridendi & admirandi capax, est homo.



PARS SECUNDA

DE ENUNCIATIONE.

C A P U T I.

DE ENUNCIATIONIS NATURA (1).

Quid est Enunciatio?

R. **E**xplicatis notionibus, quæ simplici *Perceptione* tenentur; nunc videndum est, quomodo notiones ipsæ verbo conjungantur per *Enunciationem*. Est autem *Enunciatio* nihil aliud, quam oratio, quæ aliquid de aliquo enunciat ajendo, aut negando; ut cum dico, *sol lucet, luna non lucet; Deus est justus, Deus non est mendax* (2).

Non-

(1) Cum in Categoriis explicuisset Aristoteles notiones; in lib. α' ἐρμηνεύας, qui proxime sequitur, agit de enunciationibus. Vulgo inscribitur *de Interpretatione*, nos inscribimus *de Enunciandi ratione*. Nam & Clemens Alexandrinus in lib. 8. Strom. p. m. 779. *sermones enunciativos* vocat ἐρμηνευτικὰς λέγας.

(2) Quæ a nobis *Enunciatio* dicitur, Græce πρόφασις, vulgo appellatur *propositio*. Sed vox hæc, cui πρόφασις responderet apud Græcos, non recte adhibetur, nisi cum refertur ad Syllogismum, & significat partem illam antecedentis, ex qua vis manat ratiocinationis. Error tamen recens non est. Nam Apulejus ita scribit de hab. doct. Platon. lib. 3. *Sergius vocat essatum, Varro proloquium, Cicero enunciatum, Græci*

ισμ

Nonne etiam iudicium dicitur?

R. Utique. Nam cum enunciamus, *Deum esse iustum*, iudicamus iustitiam Deo convenire: cum enunciamus, *Deum non esse mendacem*, iudicamus, mendacium Deo tribui non posse (3).

Quibus partibus constat enunciatio?

R. Tribus, subiecto, prædicato, & verbo: quæ quid sint diximus in Par. 1. de nom. divis. Illud nunc ex Aristotelis doctrina adjicimus, verbum omne vel significare substantiam, vel substantiam simul & modum. Si substantiam solam significet, enunciatio dicitur *de secundo adjacente*: ut hæc, *Ego sum*. Quamvis enim idem valeat atque, *Ego sum existens*; attamen ita loqui non solemus. Si verbum significet substantiam & modum, dicitur *de tercio adjacente*; ut hæc, *Ego cogito, vel Ego sum cogitans* (4).

E 4

In

tum protasum, tum axioma. ego verbum e verbo tum protensionem, tum rogamentum. Familiarius tamen dicitur propositio.

(3) Quia enunciatum quodlibet iudicium est, ideo Stoici enunciata vocabant axiomata, a græco ἀξιόμα. Cicero Acad. 4. c. 29. *Fundamentum Dialecticæ est, quidquid enunciatur* (id autem appellatur ἀξίωμα, quod est quasi effatum) aut verum esse, aut falsum. Tria igitur apud Stoicos sunt conjugata, πᾶν, ὅν, λεκτόν, res, vox, effatum. Veritatem & falsitatem, non rei aut voci convenire dicunt, sed soli effato, & quidem effato perfecto, λεκτὸν ὡςτελεῖ, quod axioma vocant.

(4) Etiam pronomen reticere potest, ut si dicam, *Cogito*. Non censetur tamen abesse, quia menti inest. V. lib. de Enunc. rat. c. 10. & Poster. Analyt. I. 1. t. 33. Hinc porro col-

*In Enunciatione quinam est locus Subiecti,
& quinam predicati?*

R. Naturæ ordo postulat, ut prius subiectum, deinde prædicatum ponatur. Quemcumque locum occupent, id, de quo alterum enunciatur, subiectum est; quod enunciatur, est prædicatum: ut cum dico, *Omnia vincit amor*; *amor* subiectum est, *omnia* prædicatum.

*Omnis oratio, quæ verbo & nomine constat,
est ne enuntiatio?*

R. Minime: sed ea dumtaxat, quæ ait, aut negat. Itaque orationes, quæ per verba infinita effe-
feruntur, quæque aut petunt, aut promittunt, aut imperant, enunciationes dici nequeunt. Siquidem nihil enunciant; ideoque nec verum, nec falsum capiunt (5).

colligi potest, cujuslibet enunciationis unam & unicam copulam esse verbum substantivum. Proinde, si qua sit implicita & obscura, per verbum hoc in suas partes solvitur & expeditur.

(5) Cum veteres Dialectici disputarent interrogando, oratio enuncians dicebatur ἐρώτημα, quælibet alia πύσμα: primæ respondebatur per ναι, vel οἶ; reliquis longiore sermone. Stoici quoque excludebant a suis axiomatis iussa, interrogationes, preces, execrationes, quæ nullum iudicium continent, & simpliciter λεγέμεν dicuntur; cum axioma sit λεγόμενον αὐτοτελές. Priscianus lib. 8. Sciendum, quod has quidem constructiones, quæ per nominativum absolvantur, Stoici ἀξιωματικὰ, vel συμβάλλοντα vocant, id est dignitates, vel congruitates, ut APOLLONIUS AMBULAT. Vide Sextum Empir. l. 2. advers. Logic. n. 77.

CA-

CAPUT II.

DE ENUNCIATIONIS
PARTIBUS.*Enunciatio quomodo dividitur?*

R. **B**isariam dividitur, idest ratione formæ, & ratione materiæ (1).

Quomodo dividitur ratione materiæ?

R. Si materia enunciationis spectetur, tres sunt ejus species: alia enim enuntiatio *simplex* est, alia *complexa*, alia *composita*. *Simplex* dicitur, quæ simplicibus terminis constat, ut hæc: *Deus est justus*. *Complexa*, cujus termini complexi sunt, idest aliam quamdam enunciationem complectuntur, quæ dicitur *Incidens*; ut hæc apud Terentium in Phorm. act. 1. sc. 1. *Inique comparatum est, ut ii, qui minus habent, semper aliquid addant divitioribus*. *Incidens* constat verbis illis, *qui minus habent*. *Composita* demum ea est, quæ multiplici subjecto, aut prædicato constat. Hæc autem compositio vel manifesta est, quæ enunciationem *explicitam* facit; vel abdita, & paullo obscurior, quæ facit enun-
cia-

(1) Modum adhibebimus hac in parte, quæ ceteroquin apud vulgares Dialecticos infinita est. De his Canus lib. 8. Loc. Theol. c. 1. *Non intelligo, quid causæ fueris viris doctis, ut sub Dialecticæ nomine exponibiles, obligationes, insolubiles, reflexivas, aliæ id genus monstra in scholam intulerint.*

ciationem *implicitam*, seu *exponibilem*, ut turba Logicorum appellat (1).

Incidens falsa contaminatne totam enunciationem?

R. Enunciatio incidens interdum ad maiorem quandam explicationem & ornatum adhibetur. Interdum autem subiectum totius orationis afficit, & modo quodam coercet, ut cum dico: *Ille, qui ex Deo non est, verba Dei non audit*. Hæc si falsa sit, totam enunciationem complexam contaminat; illa non item (2).

Quot sunt explicitæ enunciationis species?

R. Sex. Prima *Conjuncta*, cujus membra per particulas & vel nec conjunguntur, ex. gr. *Aristoteles est Philosophus, & Princeps Philosophorum: Aristoteles nec Philosophus est, nec Princeps Philosophorum.*

(1) Incidens enuntiatio habet locum etiam in simplici notione. En tibi circuli notio, in quam incidit enuntiatio, quæ perfectam ejus rotunditatem effatur: *Figura plana*, cujus extremitas paribus a medio radiis attingitur. Plures etiam in qualibet enunciatione complexa possunt esse Incidentes: ut si dicam, *Tum illi, qui sapiunt, tum qui desipiunt; tum illi qui sunt nobiles, tum qui sunt ignobiles, sine discrimine mori debent.*

(2) Ecce tibi exemplum enunciationis incidentis, quæ nihil efficit, sive vera, sive falsa sit, apud Catullum carm. 68.

Atqui non solum hoc se dicit cognitum habere

Brixia, Chinæ supposita specula,

Flavus quam molli percurrit flumine Mela,

Brixia Veronæ mater amata mea.

rum. Ut tale pronunciatum verum sit, utraque pars debet esse vera (3).

Secunda *disjuncta*, cujus membra disjunguntur per particulas *vel*, *aut*, hisque similes; ex. gr. *quodlibet animal aut mas est, aut femina*. In hæc partes debent esse repugnantes; ideoque una tantum vera est (4).

Tertia *hypothetica*, cujus membra copulantur per particulam *si*; ex. gr. *Si mundus providentia regitur, Deus est* (5). Hujus veritas non pendet ex veritate partium, sed ex recta conjunctione, & consecutione. Porro prima pars, quæ regitur a particula *si*, dicitur *antecedens*; altera *consequens*, quocumque loco ponatur. Nam interdum orationis ordo præposterus est, ut in Horat. lib. 1. ep. 3.

*Hoc opus, hoc studium parvi properemus, & ampli;
Si patria volumus, si nobis vivere cari* (6).

Quar.

(3) Gellius lib. 16. c. 8. *In omni conjuncto, si unum est mendacium, etiam si cetera vera sunt, totum esse mendacium dicitur*. Ceterum ne mireris, quod diximus, particulam nec habere vim conjungendi. Valet enim & non.

(4) Gellius ibidem. *Est item aliud, quod Græci διαζευκτον αὐτοματον, nos disjunctum dicimus. Id hujusmodi est: Aut malum est voluptas, aut bonum, aut neque bonum, neque malum est. Omnia autem, quæ disjunguntur, pugnantia esse inter sese oportet*. Cicero Top. c. 14. *In disjunctione plus uno verum esse non potest*.

(5) Hanc Apulejus & Scholastici vocant *Conditionalem*. Porro non per solam particulam *si* fit enunciatum hypotheticum, sed etiam per *cum*, *dum*, & alias, quæ idem valent. Hujusmodi est illud Martialis lib. 2. ep. 64.

Dum, quid sis, dubitas, jam potes esse nihil.

(6) Siquis velit enunciationi huic, & duabus superiori-
bus contradicere, ita collocare debet particulam *non*, ut
con-

Quarta *Causalis*, ut eam vocant, cujus membra colligantur per particulas significantes causam; ex. gr. *Vitia nostra quia amamus, defendimus.*

Quinta *discreta*, quæ diversa judicia continet, atque exprimit per particulas adversantes; ex. gr. *mendaci, quamvis jures, credendum non est.*

Sexta *relata*, cujus una pars refertur ad aliam, & ab ea vim sumit; ex. gr. *Quantum quisque suarum nummorum servat in arca, tantum habet & fidei.* Juvenal. Sat. 3. (7)

Quot sunt species enunciationis implicite?

R. Quinque admodum numerantur in scholis, *exclusiva, exceptiva, comparativa, inceptiva, descriptiva*; quæ scilicet per particulas excludentes, excipientes, comparantes, incipientes, desinentes, plura judicia complectuntur non omnibus manifesta, nisi evolvantur (8).

Enum-

connexionem afficiat & infringat; Ex. gr. *Non si mundus providentia regitur, Deus est: Aristoteles non & Philosophus est, & princeps Philosophorum: Quodlibet animal non aut mas, aut femina est.*

(7) Tum huic, tum superioribus enunciatis interdum simplici negatione contradicitur, interdum pluribus verbis opus est. Quacumque ratione fiat, curandum est, ut modus ipse infringatur, qui naturam enunciati constituit, & ab aliis distinguit.

(8) Particulæ ipsæ non semper adsunt; ideoque magis sensus, quam verborum habenda ratio est, ut enunciationes istiusmodi inter se distinguantur. Exemplum *inceptivæ, exceptivæ, & exclusivæ* habes in uno Persii loco Sat. 5. v. 88.

Vindicta postquam meus a Pratore recessi,

Cur mihi non liceat, jussis quodcumque voluntas,

Excepit siquid Masuri rubrica vetavis?

Enunciatio ratione forma quomodo dividitur?

R. Quemadmodum materia enunciationis est prædicatum & subjectum, ita forma ejus est prædicati cum subjecto conjunctio. Porro ratione formæ dividitur enunciatio in *necessariam*, *fortuitam*, *possibilem*, & *impossibilem*. *Necessaria* est, cujus termini necessario conjunguntur; ut cum dico: *circulus est rotundus*. *Fortuita*, cujus termini non necessario cohærent; ut cum dico: *paries est albus*. *Possibilis*, cujus termini possunt coalescere; ut cum dico: *tu eris Logicus*. *Impossibilis*, cujus termini conjungi nequeunt; ut si dicam: *equus est rationis & consilii particeps*. Quamdiu autem enunciationes ita efferuntur, *absolutæ* vocantur: si vero modus ipse, quo prædicatum subjecto convenit, exprimitur, dicuntur in scholis *modales*. Modi porro sunt quatuor, *necessarium*, *fortuitum*, *possibile*, *impossibile*: de quibus subtilia multa pro sæculi sui more præcipit Aristoteles in lib. de Enunciandi rat. cap. 12. & 13. (8)

(8) Quod nos *fortuitum* diximus, Scholastici vocant *Contingens*. Hoc ipsum a veteribus Græcis appellatur *δυνατὸν*, *possibile*. Hinc ab his dicitur quæstio *ὑπὸ δυνάτων*, de *possibilibus*, quæ a Scholasticis dicitur de *futuris contingentiis*, a Cicerone de *Fato*.

CAPUT III.

DE ENUNCIATIONIS
PROPRIETATIBUS.

*Quanam sunt Enunciationis
proprietates?*

R. ALIÆ sunt *simplices*, quæ singulas enunciationes afficiunt; aliæ *complexæ*, quæ pluribus enunciationibus simul collatis conveniunt. *Simplices* sunt *quantitas*, & *qualitas*. *Complexæ* sunt *oppositio*, *equipollentia*, *conversio*.

Quid est quantitas Enunciationis?

R. Est ejus extensio, cujus mensura petitur a subiecto. Itaque si subiectum latissime pateat, & sit universale, enuntiatio erit *universalis*; si subiectum sit particulare, *particularis* quoque enuntiatio erit; si singulare subiectum sit, enuntiatio *singularis* erit. Subiectum porro universale est, cui accedunt termini syncategorematici universales, *omnis*, *nullus*; particulare, quod conjungitur cum particularibus, *quidam*, *aliquis*; singulare, quod exprimitur nomine proprio, vel sibi adsciscit articulum *hic*. Quod si subiectum indefinitum sit, nulloque signo dignoscatur, oportet signum apponere: ut si quis dicat, *senex est morosus*, videndum est, num, appposito signo *omnis*, recte habeat, & sententiam ejus, qui dicit, proprie exprimat: aliter

ter assumatur *quidam*, & rursus expendatur, donec res in plano sit (1).

Quid est qualitas enunciationis?

R. Est ejus affirmatio, & negatio, quæ petitur a prædicato. Si enim prædicatum adjungitur subiecto, enuntiatio affirmat; si remouetur, enuntiatio negat (2). Ex negatione autem, & affirmatione

(1) Signum *omnis* interdum intensionem rei, non extensionem significat; ideoque enunciationem non facit universalem; ut cum Terentius scribit Andr. 3. 2. *Omnis res est jam in vado*: idest tota hæc res, non res omnes. Aliquando etiam ad qualitatem refertur, ut apud Horatium l. 1. ep. 5. *Nec modica cenare times olus omne patella*. Idest vulgare, qualecumque.

(2) Negatio a Cicerone dicitur etiam *negantia* Topic. cap. 14. 2 Græcis *ἀντιπαρῆς*. Fit autem per particulam *non*, quæ id destruit, cui apponitur, ut scribit Aristoteles de Enunc. rat. cap. 10. & 14. itemque lib. 1. Prior. cap. 46. Itaque in enunciatis modo affectis, si præponatur modo, ejus vim infringit; v. gr. *Non est laudabile sequi voluptates*: si postponatur, non afficit nisi verbum, quod consequitur; v. gr. *Laudabile est non sequi voluptates*: quod si apponatur non verbo, sed nomini, tum vero non facit enunciationem negantem, sed dumtaxat nomen ipsum ex finito reddit infinitum; v. gr. *Est non laudabile sequi voluptates*.

Verbo *nego* Latini opponunt *ajo*; & enunciationi *negantia* opponunt *ajentem*. Quia tamen *ajo* mancum est, multisque positionibus caret, abutimur *affirmo*, & *affirmatione*, vocibus non sane aptis, sed tamen necessariis. In quo tum usum scholarum sequimur, tum etiam Boethii auctoritatem, qualiscumque ea sit. *Affirmatio* a Martiano Capella l. 4. dicitur *ajentia*, Græce *κατάφασις*. Ab eodem enuntiatio ajens dicitur *dedicativa*, negans dicitur *abdicativa*. Eodem modo loquitur Apulejus de habit. doct. Platon. l. 3. *Aliæ dedicativæ sunt, quod dedicant aliquid de quopiam, ut virtus bonum est*;

tionem oritur veritas, & falsitas. Nam si prædicatum adjungitur subjecto, cui revera convenit, aut removetur a subjecto, cui repugnat, enunciatio vera est; sin contra, falsa (3).

Quantitas, & qualitas enunciationis possuntne simul coalescere?

R. Coeunt sane; & ex hac conjunctione oritur quadruplex enunciationum genus: *universalis ajens*, quæ exprimitur per litteram A, ut *omnis homo est justus*: *universalis negans*, quæ exprimitur per litteram E, ut *nullus homo est justus*: *particularis ajens*, quæ designatur per litteram I, ut *aliquis homo est justus*: *particularis negans*, quæ designatur per litteram O, ut *aliquis homo non est justus*. Quæ memorizæ gratia versiculis duobus comprehenduntur in schola tritis:

Afferit A, negat E, verum generaliter ambo.

Afferit I, negat O, sed particulariter ambo.

Quid est Oppositio?

R. Inter proprietates complexas primum locum tenet Oppositio. Est autem pugna duarum enunciationum, quæ eodem subjecto, & prædicato constant.

Quo-

est; deditur enim virtuti inesse bonitatem; alia abdicativa, quæ abdicans aliquid de quopiam. Ratio hujus locutionis est, quia apud vetustissimos latinis auctores dedicare idem erat ac dicere, ut testantur Festus & Nonius.

(3) De veritate & falsitate in hac prima Logicæ parte, quæ ad formam disputandi pertinet, nihil præcipitur; sed dumtaxat de recta enunciatione, & connexionione enunciatorum.

Quotuplex est?

R. Quadruplex est. Vel enim enunciationes pugnant quantitate, ut hæ: *omnis homo est justus*, *aliquis homo est justus*; & dicuntur *subalterna*. Vel pugnant qualitate; cujus generis aliæ sunt universales, ut hæ, *omnis homo est justus*, *nullus homo est justus*; & dicuntur *contraria*: aliæ particulares, ut *aliquis homo est justus*, *aliquis homo non est justus*; & dicuntur *subcontraria*. Vel pugnant quantitate & qualitate simul, ut hæ, *omnis homo est justus*, *aliquis homo non est justus*; & dicuntur *contradictoria*. Ad has revocantur singulares, licet sint quantitatis ejusdem, quia pugnant quantum pugnare possunt; ut hæ, *Seneca est sapiens*, *Seneca non est sapiens*. En schema (4).

A	Omnis homo est justus	CONTRARIÆ	Nullus homo est justus	In E
	SUBALTERNÆ	CONTRADICTORIÆ	SUBALTERNÆ	
I	Aliquis homo est justus	SUBCONTRARIÆ	Aliquis homo non est justus	O

(4) Apulejus de hab. doct. Plat. contrarias appellat in-

F

son-

*In oppositione quomodo dignoscitur veritas,
& falsitas?*

R. *Contradictoria* ita se habent, ut semper una sit vera, altera falsa (5). *Contraria* possunt esse simul falsæ, non tamen simul veræ. *Subcontraria* possunt esse simul veræ, non tamen simul falsæ. *Subalterna* possunt esse simul veræ, & simul falsæ (6).

Quid est Equipollentia?

R. *Equipollentia*, quæ Græce *ισοδυναμία*, Latine *paritas* dici potest, est cum enunciationes oppositæ inter se conciliantur, & ad eandem significationem ducuntur per particulam *non*. Hæc particula igitur conciliat *contradictorias*, si alterius subiecto præponatur; conciliat *contrarias*, si post-

po-

congruas; subcontrarias vocat *suppares*; contradictorias dicit *alterutras*, quod alterutra dumtaxat vera sit. Ab aliis Latinis Scriptoribus contradictoriæ vocantur *repugnantes*; subalternæ dicuntur *consequentes*; subcontrariæ appellantur *contraria particulares*. Ego retinui vulgares formulas, quamvis barbaras; ne nostrorum Logicorum aures illis assuetas nimium offenderem.

(5) Vide ne *contradictoria* sint enunciationes complexæ, ut si dicam: *Nullus equus magis ridet, quam canis*; *Aliquis equus magis ridet, quam canis*. Istæ enim revera non sibi contradicunt; quia plura enunciata continent, quæ sunt expedienda, ut singula singulis opponantur: videlicet *equum ridere, canem videre, equum magis ridere, canem minus ridere*.

(6) Hæc ex Aristotele de Enunciandi rat. cap. 7. 9. & 14. Porro quæ de absolutarum enunciationum oppositione dicta sunt, ea facile ad alias quoque traduci possunt, ut explicat Aristoteles cap. 12. & 13. ejusdem Operis.

ponatur; conciliat *subalternas*, si præponatur, & postponatur. Quæ omnia comprehenduntur versiculo memoriæ gratia.

Præ contradic. Post contra. Præ postque subalter (7).

Quid hinc est commodi?

R. Sæculum graviora postulat. Attamen olim hæc quoque ad exercendum ingenium adhibita sunt.

Quid est Conversio?

R. Est mutatio subjecti in prædicatum, & prædicati in subjectum, salva enunciationis qualitate, sed mutata nonnumquam quantitate (8).

Quomplex est?

R. Triplex, *simplex*, *per accidens*, *per contrapositionem*. Sic enim appellare placuit. *Simplex* est, in

F 2

qua

(7) Ex. gr. *Omnis homo est justus*, ita conciliatur cum sua contradictoria: *Non omnis homo est justus*. Cum sua contraria hoc modo: *Omnis homo est non justus*. Porro in conciliandis subalternis interdum duplex particula *non* ita concurrat, ut altera alteri adhæreat; v. gr. si concilietur hæc, *Aliquis homo non currit*, cum adversaria sua. Tunc resolvenda est enuntiatio in partes explicitas per verbum substantivum est hoc ferme pacto: *Non aliquis homo non est non currens*.

(8) Idcirco mutatur in aliqua enunciatione quantitas, ut etiam facta conversione stet ejus veritas. Ex. gr. cum dico, *Omnis virtus est habitus animi*, significo habitum aliquem, non omnem. In conversione igitur enunciationis universalis agentis mutanda quantitas est: nisi forte subjectum cum prædicato reciprocetur; ut cum dico, *Omnis homo est rationalis*.

qua fit simplex conversio prædicati in subjectum; quod accidit in enunciatione universali negante, & particulari ajente. *Per accidens* est, in qua, facta conversione, mutatur quantitas; quod fit in universali ajente, & interdum etiam in negante. *Per contrapositionem* est, in qua post conversionem extremorum utriusque termino præponitur particula *non*; quod fit in enunciatione particulari negante, & interdum etiam in universali ajente. Leges istæ nimium subtiles ac molestæ comprehenduntur disticho æque frigido.

E, I, simpliciter convertitur. E, A, per accid.

A, O, per contrap. Sic fit conversio tota (9).

Cui bono est conversionis doctrina?

R. Nunc tota fere inanis est. Olim, cum Sophistarum disputationes valerent, percommoda erat reducentibus Syllogismos imperfectos ad perfectos (10).

(9) Exemplum conversionis simplicis:

Nulla materia est spiritalis.

Nullum spiritale est materia.

Per accidens:

Omnis homo est animal.

Aliquod animal est homo.

Per contrapositionem:

Omnis homo est vivens.

Non omne vivens est non homo.

(10) De Conversione fuse disputat Aristoteles lib. 1. Prior. Analyt. cap. 2. & 3.

PARS TERTIA

DE RATIOCINATIONE.

CAPUT I.

DE RATIOCINATIONIS NATURA; ET PARTIBUS.

Quid est Ratiocinatio?

R. Ratiocinari est res ignotas per notas patefacere, unum iudicium ex alio colligendo; ut cum, viso fumo ex aliqua domo erumpente, sic disputo: *fumus est; ergo ignis est*. Itaque definiri potest ratiocinatio Ciceronis verbis Acad. 4. cap. 8. *Ratio, quæ ex rebus perceptis ad id, quod non percipiebatur, adducit (1).*

F 3

Non-

(1) A Quintiliano lib. 5. cap. 10. dicitur *Ratio probatio- nem præstans, quæ colligitur aliud per aliud; & quæ, quod est dubium, per id, quod non est dubium, confirmat. Quantus sit ejus usus in omni vita significavit Menander in Imbriis apud Stobæum Flor. tit. 3.*

Οὐκ ἔστιν ἑδὲν ἐν ἀνθρώπῳ φύσις
Μείζων λογισμῷ· τῇ διαφύσει πείσματι
Ἐκαστός ἐστι καὶ λογισμῷ καὶ τρέπον
Ἀρχῶν, στρατηγός, ἡγεμὼν δήμῳ, πάλιν
Συμβουλῶν· ὁ διαφέρει λογισμῷ πάντ' ἔχθρ'.

Hoc est

*Nihil est in humana natura
Melius ratiocinatione. Ordinando res*

Et

Nonne dicitur etiam argumentatio?

R. Plerumque ita nuncupatur. Cum enim conjunctio prædicati cum subiecto minus clara est, adhibetur medium aliquid, quo utrumque perspicue conjungatur. Medium hoc *argumentum* dicitur; unde est argumentationis nomen. Itaque hæc argumentatio dicitur: *Omnis materia est extensa; ergo dividua*. Nam, cum mihi non constaret, utrum materia omnis dividi posset, *argumentum* sumsi ab ejus extensione, & per hoc vinculum illos duos terminos affirmative conjunxi (2).

Quot sunt argumentationis partes?

R. Tres: *antecedens*, ex quo aliquid infertur; *consequens*, quod infertur; *consequentia*, idest consecutio ipsa unius ex alio.

Et recte ratiocinando unusquisque est

Princeps, ductor exercitus, ductor populi, præterea Consiliarius. Qui ratiocinatione præstat, cuncta obtinet.

(2) *Argumentum* igitur est ratio, quæ rei confirmandæ, vel refutandæ adhibetur; *argumentatio* est ipsius rationis explicatio & elocutio. Attamen interdum utraque vox promiscue adhibetur. Cicero de Invent. lib. 1. cap. 40. *Argumentatio nomine uno res duas significat; ideoque & inventum aliquam in rem probabile, aut necessarium, argumentatio vocatur, & ejus inventi artificiosa expositio.*

CAPUT II.

DE RATIOCINANDI
FORMIS.

*Quanam sunt Ratiocinationis
formæ?*

R. Ratiocinandi ratio una est, quæ ex notis progreditur ad aperienda ignota. Sed quia progressus hic vel est a partibus ad totum, vel a toto ad partes, vel a parte ad partem, vel a signis ad res significatas, quatuor sunt argumentationis formæ, *Inductio*, *Syllogismus*, *Exemplum*, *Enthymema* (1).

Quid est Syllogismus?

R. Est argumentatio, per quam posito toto, aliquid efficitur necessario de parte, quæ in eo continetur, ita ferme: *Virtus est habitus bonus; prudentia est virtus; ergo prudentia est habitus bonus*. Vis ejus in eo omnis sita est, quia quod de omni dicitur, etiam de singulis dici debet (2).

F 4

Quid

(1) Aristoteles quatuor has ratiocinandi formas recenset in lib. 1. Poster. Analyt. c. 1. at idem in lib. 2. Prior. c. 25. duas tantum facit, *syllogismum*, & *inductionem*; quia scilicet *enthymema* pertinet ad primam, *exemplum* ad secundam, ea prorsus ratione, qua imperfecta omnia ad perfecta revocantur.

(2) Proprie syllogismus vocatur, qui necessario concludit, & scientiam parit. Porro cum dicitur progredi a toto ad partes, nomine totius significatur totum Logicum.

Quid est inductio?

R. Est argumentatio carens medio, & concludens universale per enumerationem singularium, ex quibus constat. Ex. gr. *Prudentia est habitus bonus, justitia est habitus bonus, temperantia est habitus bonus, fortitudo est habitus bonus; ergo virtus est habitus bonus*. Nititur eo fundamento, quia idem de eodem affirmari debet. Universale autem non differt a singularibus simul comprehensis (3).

Quid est Inductio illa, qua Socratica dicitur?

R. Inductio Socratica ad exempli naturam accedit, & probabiliter dumtaxat concludit. Est autem argumentatio, quæ progreditur ex multis similibus ad aliquid simile concludendum per interrogationes: ex. gr. *Cithara datur ne pulsanda nobili viro, an perito Citharædo? Perito Citharædo. Clavus datur ne gubernandus nobili viro, an perito Nau- cle-*

(3) Inductio ab Aristotele lib. 1. Topic. cap. 12. dicitur ἡ ἀπὸ τῶν καθένης αὖτις ἐκ καθένης ἕπομαι, a singulis ad universalem progressio. Porro cum a formis ad genus procedit, necessario concludit; & dicitur *Philosophica*: cum progreditur a partibus ad totum, concludit probabiliter; & dicitur *Dialectica*. Primæ exemplum jam attulimus; secundæ potest esse illud Persii sat. 5. v. 53.

*Velle suum cuique est, nec voto vivitur uno:
Mercibus hic lialis mutat sub sole recenti
Rugosum piper, & pallentis grana cumini;
Hic satur irriguo marulæ surgere somno;
Hic campo indulget, hunc alea decoquit; ille
in Venerem est putris.*

clero? Perito Nauclero. Valetudo committitur ne curanda nobili viro, an perito Medico? Perito Medico. Ergo etiam ad Reipublicæ regimen admittendi sunt, non viri nobiles, sed regendi periti. Si interrogacionem tollas, deficit a more Socratico, & inductio Rhetorica dicitur; quia veteres Dialectici, præsertim Socratici, disputabant interrogando; Rhetores oratione continua utebantur (4).

Quid est Exemplum?

R. Est argumentatio, quæ ex parte partem colligit, habetque vim similitudinis, sive in re, sive in facto aliquo versetur: ex. gr. *Dum equum assidue exerces, facis ad frantum & rhedam paratiorem: ergo si animum assidua contemplatione exerceas, facies ad contemplandum magis idoneum & expeditum. Milo Crotoniates taurum gestavit; quia eundem, vitulus cum esset, gestare cepit, nec diem ullum intermisit, quin gestaret: ergo in quoque multa contemplari poteris, si*
pau-

(4) A Cicerone lib. i. de Invent. cap. 31. dicitur Oratio, quæ rebus non dubiis captat assensiones ejus, quicum instituta est; quibus assensionibus facit, ut illi dubia quedam res, propter similitudinem earum rerum, quibus assensit, probetur. Quintil. lib. 5. cap. 11. Inductio, quæ plurimum Socrates est usus, hanc habuit viam: cum plura interrogasset, quæ confiteri adversario necesse esset, novissime id, de quo quærebatur, inferebat, cui simile concessisset. Utraque autem tum Socratica, tum oratoria tendit ad universale. Nam singularia, quæ in complexione colliguntur, sub aliquo genere continentur; illudque ipsum genus tacite concluditur: ver. gr. in exemplo allato tacite concluditur, in omni vitæ negotio peritis ministris utendum esse. Hinc suam vim sumit pronuntiatum hoc: *Ad reip. regimen admittendi sunt homines regendi periti.*

pauca mature contemplari incipies, nec umquam intermissis contemplandi laborem (5).

Quid est Enthymema?

R. Est forma argumentandi minus firma, quæ progreditur a signis ad res significatas. Argumentatio Rhetorica dicitur. Et quia Rhetores non persequuntur religiose partes omnes, sed ex paucioribus sæpe concludunt, hinc fit, ut in scholis Enthymema vocetur syllogismus decurtatus: ver. gr. *Mulier lac habet, ergo peperit (6).*

Præter has ratiocinandi formas sunt ne alia?

R. Tria sunt præterea argumentationis nomina, quæ vulgo celebrantur, *Epicherema, Sorites, & Dilemma.*

Quid est Epicherema?

R. Vulgo Dialectici *Epicherema* vocant argumentum-

(5) Forma exempli est, ut progrediatur tamquam pars ad partem, ὡς μέρος πρὸς μέρος, quemadmodum est apud Aristot. lib. 1. Rhet. c. 104. Exempli materiam describit Quintilianus in lib. 5. c. 11. *Rei gesta, aut ut gesta, utilis ad persuadendum id, quod intenderis, commemoratio.* Vide etiam auctorem ad Herenn. l. 4. c. 45. Ciceronem lib. 1. de Invent. c. 30. & in Partition. Orat. c. 11. Aristotelem Rhet. lib. 2. c. 496. Nos exempli nomine omnem similitudinis rationem complectimur, sive sit rei, sive facti: in quo Aristotelem sequimur.

(6) Enthymema in varias significationes variosque usus trahi solet. Consule Aristotelem l. 1. Rhetor. & l. 2. Prior. Analyt. c. 27. Quintilianum l. 5. c. 10. & 14. Ciceronem in Top. c. 13. & Acroasim meam de Enthymemate.

mentationem compositam, cujus propositioni, aut assumptioni ratio adjicitur; ita ut modo quatuor, modo quinque partibus constet. Re vera *Epicherema* est syllogismus Dialecticus, qui opponitur *Apodixi*, quatenus *Apodixis* per propria & necessaria rem manifestat, *Epicherema* per communia & probabilia (7).

Quid est Sorites?

R. Interdum Dialectici Soriten appellant acervum quemdam enunciationum sibi inter se coherentium; in quo prædicatum antecedentis fit subiectum consequentis, donec ultimæ prædicatum cum primæ subiecto componatur, hoc pacto: *Quodlibet corpus est in spatio; quod est in spatio, potest esse in alio spatio; quod potest esse in alio spatio,* po-

(7) Aristoteles Topic. I. 8. c. 11. φιλοσόφημα μὲν συλλογισμὸς ἀποδείκνυς, ἐπιχείρημα δὲ συλλογισμὸς διαλεκτικὸς. Est philosophema quidem syllogismus demonstrativus, epichirema vero syllogismus dialecticus. Idem docet Quintilian. lib. 5. cap. 10. Apodixis est evidens probatio. Hanc & ab Epichiremate differre Cecilius putat solo genere conclusionis; & esse Apodixim imperfectam, Epichirema, eadem causa, qua diximus enthymema a syllogismo distare. Quo loco obiter moneo legendum esse imperfectam; non imperfectum, ut vulgo legitur. Hinc apparet, cur Rhetores ratiocinationes suas Enthymemata & Epichiremata vocent. Utroque nomine significant argumentum conclusionis non necessariæ. Sed fere primum refertur ad formam, secundum ad materiam. Itaque Epichirema inter argumentandi formas locum habere non debet, quemadmodum non habet Apodixis: sed nos scholarum morem potius notandum, quam deferendum putavimus. Ceterum scire oportet, apud eosdem Rhetoras & alterum pro altero, & utrumque varia significatione usurpari. Qua de re vide Quintilianum l. 5. c. 14. Rectius scribe. Epichirema.

potest mutare spatium ; quod potest mutare spatium ; est mobile ; ergo quodlibet corpus est mobile. Sed hæc revera nihil aliud est , quam gradatio quædam syllogistica , ad medium magis magisque explicandum (8).

Quinam est genuinus Sorites ?

R. Sorites genuinus , qui Latino nomine *Acer-
valis* dicitur , est argumentatio ad fallendum comparata , in qua minutis additionibus , aut deductionibus ab eo , quod perspicue verum est , ad id , quod est perspicue falsum , disputantem adducimus : ut si ego dicam , mille grana efficere acervum tritici ; tu autem ita urgeas : *quid si unum ex-
emero , quid si alterum , tertium , quartum ?* meque tamdiu premas , donec unum illud designem , quo acervus absolvitur . Hoc autem numquam fiet , quia natura non dedit nobis cognitionem finium (9).

Quid

(8) Demonstratio composita dici potest . Si quis autem velit eam in plures syllogismos resolvere , incipiat a propositione secunda : *Quod est in spatio , potest esse in alio spatio ; quodlibet corpus est in spatio ; ergo &c.* tum a tertia , subinde vero a quarta eodem modo . Sed vide Acroasim meam de Sorite .

(9) Julianus Jurisconsultus de Reg. Jur. Leg. 65. *Ea est natura cavillationis , quam Græci *συπεῖρνον* appellant , ut ab evidenter veris per brevissimas mutationes disputatio ad ea , que evidenter falsa sunt , perducatur . Cicero Academ. 4. cap. 29. Natura nullam nobis dedit cognitionem finium , ut ulla in re statuere possimus quatenus : neque hoc in acervo tritici solum , unde nomen est , sed nulla omnino in re minutatim interroganti .*

Quid est Dilemma?

R. Est argumentatio, quæ *Cornuta* dicitur; quod ejus antecedens duabus partibus constet, & incommodum utrinque pariat: ex. gr. *si uxorem deformem ducēs, tibi non placebit; si pulchram, placebit aliis: ergo omnino ducenda non est.* Hujusmodi argumentatio sæpe invertitur, & vocatur a Græcis *ἀντισπρον*, a Latinis *reciprocum*: ex. gr. *si uxorem pulchram ducēs, tibi placebit; si deformem, non placebit aliis: ergo ducenda est* (10).

Estne aliud Dilemmatis genus?

R. Est etiam Dilemma complexum, cujus exemplum peti potest ex Gellio lib. 14. cap. 1. *Genethliaci aut adversa ventura dicunt, aut prospera: si dicunt prospera, & fallunt, miser fies frustra expectando: si adversa dicunt, & mentiuntur, miser fies frustra timendo. Si vera respondent, eaque non sunt prospera, jam inde animo miser fies, antequam fato fias: si felicia promittunt, eaque eventura sunt, tum plane duo erunt incommoda; & expectatio te spei suspensum fatigabit, & futurum gaudii fructum spes tibi jam defloraverit. Nullo igitur pacto utendum est istiusmodi hominibus, res futuras prasagientibus.*

Ex

(10) Verba hæc sunt Biantis apud Gellium l. 5. c. 11. A Diogene Laertio tribuuntur Bioni. Porro modus hic argumentandi refertur ad syllogismum compositum, de quo agemus in capite ultimo hujus partis. Vide eundem Gellium ibid. c. 10.

*Ex enumeratis ratiocinandi formis quenam
est optima?*

R. Optima ratiocinandi forma, princeps, atque una, ad quam reliquæ revocantur omnes, syllogismus est: & hic quidem duplex, *Simplex*, & *Compositus*. De utroque agemus (11).

(11) Superiores argumentationes, addita propositione generali, revocantur ad formam syllogismi. Verbi gr. exemplum Inductionis supra allatum ita erit efferendum: *Quod est prudentia, justitia, temperantia, fortitudo, est habitus bonus; virtus est prudentia, justitia, temperantia, fortitudo; ergo virtus est habitus bonus*. Hic ab Aristotele in l. 2. Prior. Analyt. c. 23. dicitur συλλογισμὸς ἐπαγωγικός, *Syllogismus Inductivus*.

C A P U T III.

DE SYLLOGISMO SIMPLICI.

Quid est Syllogismus simplex?

R. **S**yllogismus simplex, qui etiam *Categoricus* dicitur, est ille, in quo duo sunt simplices termini, & *medium* unum, ex quibus fiunt tres simplices enunciationes. Prima enuntiatio, unde vis manat ratiocinationis, vocatur a Latinis *propositio*, secunda *assumptio*, tertia *conclusio*. Vulgo in scholis prima dicitur *propositio major*, secunda *propositio minor*, tertia *consequentia*. Termini autem sunt,

sunt, *minus extremum*; idest subiectum conclusio-
nis, & *majus extremum*, idest prædicatum. *Me-
dium* est veluti utriusque mensura, & in conclusio-
ne locum non habet. Porro *major* dicitur, non
quia primo loco sit, sed quia continet *majus ex-
tremum*. Itaque etiam secundo loco posita dice-
retur *major*. Accipe exemplum; *omne bonum est ex-
petendum; voluptas est bona; ergo voluptas est experien-
da* (1).

Explica mihi vim & formam syllogismi.

1x. Proposita quaestione aliqua, tota vis & ratio
ejus

(1) Prima syllogismi pars ab Aristotele dicitur *πρόθεσις*; a Cicerone modo *propositio*, modo *propositum*; a Quintilia-
no *intentio*, vel *intentum*. Secunda ab Aristotele vocatur
λήμματα, a Cicerone, & aliis Latinis scriptoribus *sumtio*, vel
assumptio. Prima in lib. 2. ad Herenn. c. 20. 21. & 22. dicitur
expositio. Appellari etiam videtur *presumptio* a Cicerone l. 2. de
Divin. c. 23. *Si demus tibi istas duas sumtiones, ea quæ λήμ-
ματα appellant Dialectici, sed nos latine loqui malimus; præ-
sumtio tamen, quam πρόληψις iidem vocant, non dabitur.*

Medium ita dictum videtur, quod extrema conciliet, idest
subiectum cum prædicato componat, tamquam arbiter. Qui-
dam (ut scribit Ramus lib. 7. Schol. Dial. cap. 14.) ex eo
dictum putant, quod *media*, hoc est argumenta quaestionis
solvendæ non in summis Categoriarum gradibus, neque in
infimis, sed in *mediis* quaerantur; quod cuiusmodi sit, expli-
cat Aristoteles in lib. 1. Prior. Anal. cap. 27. Dialectici no-
stri non satis apte *medium terminum* dicunt: quod enim *me-
dium* est, non potest *terminare*. Attamen etiam a Philopo-
no ad lib. 2. Poster. t. 48. vocatur μέσος ὅρος.

Conclusio, Græce *συμπεράσµα*, est id, quod ex propositione
& assumptione conficitur. Dicitur autem *conclusio*, quia ra-
tiorinationem concludit. A Cicerone interdum vocatur *Com-
plexio*, a Quintiliano *Connexio*, quod superiora connectat &
complectatur. Id quomodo fiat, vide apud Ciceronem de
Invent. lib. 1. cap. 34.

ejus solvendæ in eo est, ut palam fiat subjectum contineri in prædicato: verbi gratia cum quæritur, *num voluptas sit experenda*, ea vis est harum vocum, ut ostendatur, utrum inter *experenda* contineatur *voluptas*, tamquam pars in toto aliquo. Si quis igitur invenerit aliquid, quod contineat *voluptatem*, & contineatur inter *experenda*, planum faciet, ipsam quoque *voluptatem* inter *experenda* contineri. Id videtur esse *bonum*, quod tamquam *medium* adhibitum est a nobis in allato syllogismo. Se habet autem, ut *duo*, quæ continent *unum*, & continentur in *tribus*.

En schema.

<i>Voluptas.</i>	<i>Bonum.</i>	<i>Experendum.</i>
1	2	3
Subjectum.	Medium.	Prædicatum.
Si duo sunt in tribus; & unum est in duobus; ergo unum est in tribus.		

*Quanam sunt in regendo syllogismo
consideranda?*

R. Quidam ad regulam modo allatam nihil addendum putant. Nos ne discedamus a Logicis formulis, & communi scholarum doctrina, duo esse dicimus, quæ in quolibet syllogismo considerari debent, *materiam*, & *formam*. *Materia* duplex est; altera remota, hoc est termini, & medium; altera proxima, hoc est propositiones inde constitutæ. *Forma* est artificiosa materiæ dispositio, quæ rursus duplex est; vel materiæ remotæ, & di-

dicitur *figura*; vel proximæ, & dicitur *modus* (2).

Quid est figura?


R. Est apta medii cum duobus extremis ad concludendum colligatio. Cum autem quadrifariam medium cum extremis colligari possit, quadruplex existit figura syllogistica. Prima, in qua medium in majori est subiectum, in minori prædicatum. Secunda, in qua medium utrobique prædicatum est. Tertia, in qua medium utrobique est subiectum. Quarta, in qua medium in majori prædicatum est, in minori subiectum. Sed postrema hæc, quæ *Galenica* dicitur, quod Galeno placuerit, ejusque auctoritate asseratur, apud Aristotelem, ejusque affectas nullo in numero est; quia non differt a prima, nisi quatenus major secundo loco ponitur, minor primo (3).

G

En

(2) Aristotelis regulas de syllogismi forma juniores quidam minus necessarias existimant; modo perspicue comprehendatur subiecti & prædicati natura, & alterius ad alterum relatio: sed eos refellit, qui unus omnes acumine superat, Leibnitiuss in Actis Erudit. an. 1684. p. 540.

(3) Syllogismos istiusmodi ad primam figuram referunt Theophrastus, Eudemus, & Boethius l. 2. de Syllog. Categor. Alcinoos quoque in Institut. ad doctr. Platon. c. 5. asserens exemplum figuræ primæ, sumtum ex Platonis Alcibiade, medium prædicavit in propositione, & subiecit in assumptione per figuram Galenicam: *Quæ iusta sunt, pulcra sunt; quæ pulcra sunt, bona sunt; ergo quæ iusta sunt, bona sunt.* Eodem modo Sex. Empiricus l. 2. Pyrrhon: hypot. c. 13. extulit celeberrimum Dogmaticæ scholæ Syllogismum: *Socrates est homo; homo est animal; Socrates ergo est animal.* Hi sunt, quos Aristoteles in lib. 1. Prior. c. 28. vocat *συλλογισμὸς ἀντιστροφῆς*, h. e. *inversos*.



Tres igitur figuræ priores hoc disticho com-
prehenduntur.

Prima prius subicit medium, post prædicat ipsum:

Prædicat altera bis: tertia bis subicit (4).

Qua-

(4) *Prima.*

Homo est animal;

Socrates est homo;

Ergo Socrates est animal.

Quar-

*Quanam sunt syllogismi regula ad figuram
spectantes?*

Re. Prima est, ut in quolibet syllogismo non sit nisi unum medium, & duo extrema. In hoc enim ars tota est, ut duo extrema inter se componentur, quod cum medio comparata, tamquam cum aliqua norma, probe convenient. Hinc axiomata, quo uno veluti cardine tota vertitur argumentandi ars: *quæ sunt eadem uni tertio, sunt eadem inter se*: idest quæ duo eidem convenient, ea sibi inter se convenient. Itaque hoc peccat: *Canis latrat; fidus est canis; ergo fidus latrat*. *Canis* enim geminam habet significationem, ideoque duo media constituit.

Secunda regula est, ne vox aliqua latius & communius sumatur in conclusione, quam in præmissis. Nam ex particulari non licet colligere universale; cum pars sit in toto, non totum in parte. Itaque hoc peccat: *omne animal est vivens; omne animal est substantia; ergo omnis substantia est*

G 2 vi-

Quarta.

Socrates est homo;
Homo est animal;
Ergo Socrates est animal.

Secunda.

Nulla avis est quadrupes;
Omnis equus est quadrupes;
Ergo nullus equus est avis.

Tertia.

Omnis avis est bipes;
Omnis avis est animal;
Ergo aliquod animal est bipes.

100 P A R T I S III.

Vivens. Vitium est in voce *substantia*, quæ in conclusione pro omni substantia sumitur; in præmissis pro aliqua tantum, hoc est pro ea, quæ reciprocatur cum animali.

Tertia regula est, ut medium in utraque præmissa, vel saltem in alterutra univèrse sumatur; quod Scholastici dicunt *supponere distributive*. Nam si utrobique particulare sit, diversa significabit; ideoque geminum erit, ambiguum, & ad concludendum ineptum; ut in hoc: *Aliquod animal ridet; equus est aliquod animal; equus igitur ridet*. Vox *animal*, quæ mediæ loco est, in majori significat animal rationale, in minori irrationale: itaque duo sunt media; quod est contra regulam primam (5).

Quarta regula est, ut medium numquam ingrediatur conclusionem. Siquidem adhibetur in præmissis tamquam causa, ex qua oritur conclusio; nihil autem oriri potest ex se ipso.

Quatuor has regulas quatuor versiculis comprehendimus memoriæ gratia.

Terminus est geminus, mediumque accedit utrique.

Præmissis dicat ne finis plura, caveo.

Aut semel, aut iterum medium genus omne capeßat,

Officiiue tenax rationem claudere nolit.

Quid

(5) Ratio rationis est, quia cum duplex medium est, gemina instituitur comparatio, subjecti cum medio uno, prædicati cum altero: proindeque colligi nequit, subjectum & prædicatum sibi inter se convenire. Ut convenient, utriusque mensura debet esse una atque eadem.

Quid est modus syllogismi?

R. Est trium enunciationum secundum quantitatem & qualitatem certa positio & connexio.

Quot sunt modi?

R. Si inutilium quoque rationem habere velis, sunt numero sexaginta quatuor. Nam totidem possunt esse connexiones. Utiles sunt novemdecim; quorum novem ad primam figuram pertinent, quatuor ad secundam, sex ad tertiam. Comprehendi solent versiculis quatuor, in quibus cujusque vocis syllaba prima significat majorem propositionem, secunda minorem, tertia conclusionem. Si plures sunt syllabæ, vacant metri causa.

*Barbara, Celarent, Darii, Ferio, Baralip-ton,
Celantes, Dabitis, Fapesmo, Frisefamorum.
Cesare, Camestres, Festino, Baroco. Darapti,
Felapton, Disamis, Datisi, Bocardo, Ferison.*

Suntne omnes admittendi?

R. Quinque posteriores primæ figuræ nullo in numero a nobis habentur, quia sunt *indirecti*, hoc est ita concludunt, ut minus extremum prædicetur de majori extremo, eique attribuitur (6). Reliquos in tres classes pro figurarum numero dividimus, & hoc tetrasticho complectimur:

G 3 Bar-

(6) Modi indirecti non ab Aristotele in Logicam inducti sunt, sed a Theophrasto, & Eudemo. Laborem docendi ac discendi augent, sed nullius fere sunt usus.

*Barbara, Celarent, Darii, Ferioque præbunt.
Cesare, Camestres, Festino, Baroco sequentur.
Tertia post veniet rationum turba, Darapti,
Felapton, Disamis, Datisi, Bocardo, Ferison.*

*Fac ut clarius explices, quinam sit modus
directus, & quinam indirectus.*

R. Modus directus est ille, per quem majus extremum conclusionis enunciat de minori extremo; ut si dicam: *qualibet virius est laudabilis; prudentia est virtus; ergo prudentia est laudabilis.* Modus indirectus est ille, in quo minus extremum enunciat de majori; ut si convertam conclusionem superioris argumenti, hoc modo: *ergo aliquod laudabile est prudentia.*

*Quanam sunt regulae in universum ad
modos spectantes?*

R. Prima est, ut utraque præmissa, aut alterutra sit universalis. Nam in duabus particularibus voces multiplicantur, ut dictum est in tertia figurarum regula; ideoque nihil concluditur; ut si dicam: *Quadam substantia est lapis; quoddam animal est substantia; ergo quoddam animal est lapis.*

Secunda regula est, ut alterutra ex præmissis sit ajens; nam ex duabus negantibus nihil sequitur: ut si ponas, *hominem non esse æternum; animal non esse æternum;* perperam colliges, *hominem non esse animal (7).*

Ter-

(7) Huc pertinet vulgatum illud: *Impossibile est lupum esse*

Tertia est, ut ex præmissis agentibus non colligatur enuntiatio negans; quæ regula explicatione non indiget.

Quarta est, ut conclusio sit negans, si alterutra præmissarum negans fuerit; particularis sit, si altera præmissarum fuerit particularis. Hinc illud in scholis vulgatum, *conclusionem sequi debiliorem partem*. Neque enim effectus potest esse nobilior sua causa. Exempla sunt: *Omne animal est vivens; quadam substantia est animal; ergo quadam substantia est vivens. Nullum animal est lapis; omnis homo est animal; ergo nullus homo est lapis.*

Porro quatuor istæ modorum regulæ quatuor carminibus comprehenduntur.

Nil, duo jungas si particularia, gignunt.

Utraque si præmissa neget, nihil inde sequetur.

Agentes amba nequeunt generare negantem.

Est parti similis conclusio deteriori.

G 4

Ce.

esse gemmam; impossibile est adamantem esse lupum: ergo impossibile est adamantem esse gemmam. Idem enim est ac si dicatur: Lupus non est gemma; adamas non est lupus; ergo adamas non est gemma. Ceterum enunciata quædam ita efficeruntur, ut revera ajant, quamvis negare videantur. Id fit, quia continent enunciationem incidentem, vel terminum aliquem infinitum. Ex. gr. Illi non possunt justificari, qui fidem non habent in Jesum Christum; Hebræi fidem non habent in Jesum Christum; Hebræi igitur non possunt justificari. Assumptio est ajens. Ita enim resolvenda est: Hebræi sunt illi, qui &c. Ita si dicas: Quod extensum non est, materia non constat; anima rationalis extensa non est; ergo materia non constat. Assumptio ita resolvitur: Anima rationalis est res non extensa. Istiusmodi syllogismi vocantur infiniti in l. i. Prior.

Cedo mihi singularum figurarum normam & exemplum, & primo quidem prima.

R. Ejus quatuor sunt modi (8).

- Bar-) *Omne honestum est laudabile;*
 1) ba-) *Omnis virtus est honesta;*
 ra-) *Ergo omnis virtus est laudabilis.*

 Ce-) *Nullum vitium est laudandum;*
 2) la-) *Omne mendacium est vitium;*
 rent-) *Ergo nullum mendacium est laudandum.*

 Da-) *Omne honestum est laudabile;*
 3) ri-) *Aliqua actio est honesta;*
 i-) *Ergo aliqua actio est laudabilis.*

 Fe-) *Nullum vitium est laudandum;*
 4) ri-) *Aliqua actio est vitium;*
 o-) *Ergo aliqua actio non est laudanda.*

Cedo mihi exempla figura secunda.

R. Ejus item modi sunt quatuor.

- Ce-) *Nullum vitium est laudabile;*
 1) la-) *Omnis virtus est laudabilis;*
 re-) *Ergo nulla virtus est vitium.*

Ca-

(8) Duo tantum primi, *Barbara* & *Celarent*, videntur necessarii, qui conclusionem habent universalem agentem, & universalem negantem; ac proinde etiam particulares omnes in illis comprehensas continent. Nam quidquid affirmatur de toto, affirmatur de qualibet ejus parte; & quidquid de toto negatur, de qualibet ejus parte negatur: quod Aristoteles in lib. 1. Prior. cap. 1. expressit per duas formulas, *dicti de omni, & dicti de nullo*.

- Ca-) *Omne honestum est laudabile;*
 2) me-) *Nullum vitium est laudabile;*
 stres.) *Ergo nullum vitium est honestum.*

- Fe-) *Nullum vitium est laudabile;*
 3) sti-) *Aliqua actio est laudabilis;*
 no.) *Ergo aliqua actio non est vitium.*

- Ba-) *Omne honestum est laudabile;*
 4) ro-) *Aliqua actio non est laudabilis;*
 co.) *Ergo aliqua actio non est honesta.*

Cedo mihi tertia figura exempla.

R. *Ejus sex sunt modi.*

- Da-) *Omnis virtus est laudabilis;*
 1) ra-) *Omnis virtus est habitus;*
 pti.) *Ergo aliquis habitus est laudabilis.*

- Fe-) *Nullum vitium est laudabile;*
 2) la-) *Omne vitium est habitus;*
 pton.) *Ergo aliquis habitus non est laudabilis.*

- Di-) *Aliqua virtus est laudabilis;*
 3) sa-) *Omnis virtus est habitus;*
 mis.) *Ergo aliquis habitus est laudabilis.*

- Da-) *Omnis virtus est laudabilis;*
 4) ti-) *Aliqua virtus est habitus;*
 si.) *Ergo aliquis habitus est laudabilis.*

- Bo-) *Aliquod vitium non est jucundum;*
 5) car-) *Omne vitium est habitus;*
 do.) *Ergo aliquis habitus non est jucundus.*

Fe-

- Fe.) *Nullam vitium est laudabile;*
 6) ri.) *Aliquod vitium est habitus;*
 son.) *Ergo aliquis habitus non est laudabilis.*

*Quanam est trium figurarum optima
 & perfectissima?*

R. Prima; quia sola continet omnes concludendi modos, hoc est universalem agentem, & universalem negantem, particularem agentem, & particularem negantem. Adde, quod medium in hac una loco suo collocatur, hoc est inter utrumque extremum; & geminum præstat officium, prædicati, & subjecti. Adde præterea, quod servatur naturæ ordo: nam majus extremum, quia latius patet medio, de illo enunciatur in majori; medium vero ipsum, quia latius patet minori extremo, de illo dicitur in minori. Sit enim quæstio ex. gr. *num Petrus sit animal*: ita expedietur per medium *homo* in primo primæ figuræ modo: *Omnis homo est animal; Petrus est homo; ergo Petrus est animal*. Vides, *hominem* subjici *animali* in majori propositione; *Petrum* subjici *homini* in minori, secundum naturæ leges.

Quodnam judicium ferendum de syllogismo, cujus propositiones sunt complexæ?

R. Interdum syllogismus suapte natura simplex, constat ex propositionibus modificatis & complexis; quod cum fit, ratio subjecti & prædicati non facile apparet, nisi sensus evolvatur, & brevibus ver-

verbis rectoque ordine afferatur . Sit exemplum : *Deus jubet , ut diligamus inimicos ; Titius est nobis inimicus ; ergo eum diligere debemus* . Syllogismus hic est in primo modo primæ figuræ , quamvis aliter videatur verba dumtaxat reputantibus , eorumque positionem . Res clara fiet , si ita expeditur : *Inimici sunt diligendi ; Titius est nobis inimicus ; ergo diligendus* (9) .

Quibus legibus regitur Sorites ?

R. Acervus ille propositionum sibi inter se coherentium , quem Dialectici interdum Soriten dicunt , ad syllogismum simplicem revocari debet , iisdemque legibus regi . Est enim gradatio quædam syllogistica , quæ in tot syllogismos resolvitur , quot sunt media gradatim assumpta (10) .

(9) Istiusmodi syllogismi vocantur complexi & modales , de quibus Aristoteles in l. 1. Prior. Analyt. Porro interdum turbat enunciatio incidens , cuiusmodi est illa , *Deus jubet* : interdum vero etiam præpostera collocatio prædicati , & subiecti ; ut si dicas , *Necesse est diligere inimicos , Titius est inimicus , &c.* Effer recto ordine hoc modo , *inimicos diligere necesse est ; Titius est inimicus ; ergo Titium diligere necesse est* , habebis argumentum figuræ primæ .

(10) Quomodo Sorites resolvatur , & quibus legibus regatur , habes in capite superiori . Idcirco autem instituitur gradatio , ut natura medii per plura enunciata evolatur ; atque hinc appareat , quomodo recte cum extremis quæstionum cohercat ; & re vera proximum sit , quamvis remotum videretur .

C A P U T IV.

DE SYLLOGISMIS IMPERFECTIS AD PERFECTOS REVOCANDIS.

Quinam sunt syllogismi imperfecti?

R. **I**T A appellantur syllogismi omnes secundæ, & tertiæ figuræ; itemque indirecti primæ, quia minus evidenter concludunt.

Quomodo revocantur ad perfectos?

R. Subtilissimæ in rem hanc afferuntur a Peripateticis regulæ, quas olim necessarias fecit Sophistarum copia. Nunc quidem nullius fere sunt usus; sed tamen cognoscendæ: quia, ut scribit Seneca de Benefic. l. 6. c. 1. *Quod discere supervacuum est, prodest cognoscere* (1).

Cedo mihi regulas istas.

R. Sic habe. Quia quatuor primi modi primæ figuræ syllogisticæ perfectissimi sunt, & evidentissime concludunt, iccirco rationem quamdam adhibent Peripatetici, qua reliquos omnes ad priores illos revocent. Ratio hæc ab iis *Reductio* dicitur; eaque duplex est, altera *directa*, seu *ostensiva*, ut ipsi appellant; altera *indirecta*, seu *ad impossibile*.

Quid

(1) De his & similibus loquitur idem Seneca ep. 49. *Non nego prospicienda ista, sed prospicienda tantum, & a limine salutanda in hoc animum, ne verba nobis dentur, & aliquid esse in illis magni ac secreti boni judicemus.*

Quid est reductio directa?

R. Reductio *directa*, seu *ostensiva* est, cum syllogismus minus perfectus reducitur vel ad *Barbara*, vel ad *Celarent*, vel ad *Darii*, vel ad *Ferio*. Quisque autem respicit modum illum, qui incipit per eandem litteram. Ex iis porro litteris, quæ sequuntur post primam, animadvertendæ sunt *SPM*. Nam *S* significat propositionem præcedentem convertendam esse simpliciter; *P* per accidens; *M* mutandas esse loco præmissas. Sicubi *C* reperitur, argumento est modum illum carere reductione directa, & ad indirectam confugiendum esse. Quæ omnia disticho comprehensa sunt memoriæ caussa.

S vult simpliciter verti. *P* vero per accid.

M vult mutari. *C* per impossibile duci.

Ex. gr. reducendus sit modus *Fapesmo*. Palam est, revocari debere ad *Ferio*, quia incipit per *F*. Id fiet, si major propositio convertatur per accidens, quia est ante *P*; minor simpliciter propter litteram *S*, quæ proxime sequitur; postremo utraque loco mutetur; ita ut minor fiat major, & contra major migret in locum minoris.

Quid est reductio indirecta?

R. Reductio *indirecta*, seu *ad impossibile*, locum habet in omnibus modis tum secundæ, tum tertiæ figuræ; sed pertinet maxime ad *Baroco*, & *Bo-car-*

cardo, qui per directam reduci utiliter nequeunt (2). Fit autem hac ratione. Siquis, concessis præmissis, neget conclusionem (quod fieri solet, cum reprehenditur syllogismus tamquam inefficax) sumitur ex ea negatione enunciatio contradicens. Hac, si modus sit *Baroco*, ponitur loco minoris; si sit *Bocardo*, loco majoris; atque inde oritur syllogismus primæ figuræ, cujus conclusio est opposita alterutri ex præmissis jam concessis. Itaque adversarius compellitur ad impossibile; quia cogitur concedere, duas enunciationes disparatas, sibi que inter se contradicentes, esse simul veras. *Impossibile est autem, idem esse, ac non esse*. Regulam hanc disticho comprehenderunt, ut memoriæ consulerent.

Majorem servat, mutatque Baroco minorem.

Majorem mutat, retinetque Bocardo minorem.

*Da mihi exemplum aliquod reductionis
— ostensiva.*

R. En tibi. Reducatur primus modus secundæ figuræ, qui *Cesare* dicitur.

Ce-] *Nullus lapis est animal;*

sa-] *Omnis homo est animal;*

re.] *Ergo nullus homo est lapis.*

Major propositio convertenda est simpliciter propter litteram S, hoc modo: *nullam animal est la-*

(2) Etiam modi primæ figuræ reduci ad impossibile possunt, si quis tam audax sit, ut ne illos quidem habere ratos velit; modo concedat, contradicentia simul vera esse non posse. Nam huc demum trahetur.

lapis. Cui si addas minorem, & conclusionem superioris syllogismi, habes modum *Celarent*, qui est secundus primæ figuræ.

Ce-] *Nullum animal est lapis;*

la-] *Omnis homo est animal;*

rent.] *Ergo nullus homo est lapis.*

Da exemplum reductionis ad impossibile.

R. En tibi. Reducatur idem modus *Cesare*. Fac, ab adversario, concessis præmissis, negatam fuisse conclusionem. Sumo enunciationem contradicentem, *aliquis homo est lapis*; quæ sane per adversarium debet esse vera. Tum illi præmitto majorem ex præmissis jam concessis, quæ erat hujusmodi; *nullus lapis est animal*. Ex quo sequitur conclusio particularis negans per modum *Ferio*, hoc pacto:

Fe-] *Nullus lapis est animal;*

ri-] *Aliquis homo est lapis;*

o.] *Ergo aliquis homo non est animal.*

Atqui conclusio hæc contradicit sumptioni prioris syllogismi jam ab adversario concessæ. Erunt igitur per illum veræ duæ enunciationes contradicentes; quod est *impossibile* (3).

Agit ne de his reductionibus Aristoteles?

R. Agit, & quidem multis verbis, in l. 2. Prior. Analyt. unde pauca hæc sumsimus.

Cur

(3) Latini homines, qui de his rebus elegantius scribunt, non dicunt *reducere ad impossibile*, sed *urgere incommode adversarium*: incommodum autem in eo est, quia cogitur sibi ipse adversari.

Cur igitur non vis, me adhibere, qua Aristoteles scripsit, ut adhiberentur?

R. Aristoteles consuluit sæculo suo talia querenti; nos nostro consulere debemus. Logica enim est propter homines, non homines propter Logicam (4).

(4) Barth. Keckermannus de Præcogn. Log. tract. 2. num. 6. *Multa sunt in Aristotelis Organo propria ejus temporis, & non ad nostra, sed ad Græcorum discipulorum, quos sum habuit, ingenia pertinentia.*

C A P U T V.

DE SYLLOGISMO COMPOSITO.

Quid est Syllogismus compositus?

R. **S**Yllogismo composito maxime utebantur Stoici. Est autem ille, cujus propositio duabus partibus constat, quarum altera totam conclusionem comprehendit, altera causam ejus. Triplex est, *hypotheticus, conjunctus, & disjunctus* (1).

Qui-

(1) Syllogismi compositi quinque sunt formæ, ut Stoici docent, potissimæ & ἀνωδέητοι. Prima est, quæ ex connexo & antecedenti colligit consequens; ut cum dico, *Si dies est, lucet; dies autem est; ergo lucet*. Secunda, quæ ex connexo & contrario consequentis contrarium antecedentis col-

Quinam est hypotheticus?

R. Syllogismus hypotheticus, quem *conditionalem* Scholastici dicunt, Cicero *connexum*, est ille, cujus propositio duas partes continet copulatas per particulam *si* (2). Ut recte fiat, si sit ajens, regi debet hoc canone: *Posito antecedenti, ponitur consequens*; ex. gr. *si justitia est, virtus est; sed justitia est; ergo virtus est*. Si sit negans, nititur hac regula: *Sublato consequenti, tollitur antecedens*; ex. gr. *si justitia est, virtus est; sed virtus non est; ergo justitia non est* (3).

H

Hic

colligit; ut, *Si dies est, lucet; non lucet autem, non igitur dies*. Tertia, quæ ex conjuncta negante, & positione alterius membri, contrarium colligit; ut, *Non dies & nox est; dies autem est; non est igitur nox*. Quarta, quæ ex disjuncta & uno disjunctorum, contrarium alterius colligit; ut, *Aut dies est, aut nox; dies autem est; non igitur nox*. Quinta, quæ ex disjuncta & contrario unius disjunctorum, alterum colligit; ut, *Aut dies est, aut nox; nox autem non est; dies est igitur*. Sex. Empir. l. 2. Pyrrhon. hyp. c. 13. n. 157. (2) Boethius de syllogismis hypotheticis duos libros scripsit: quædam etiam scripsit Laetius in Zenone Cittiejo, quæ omnia in compendium redegit Philoponus ad lib. 1. Prior. Analyt. c. 22. Aristoteles nihil scripsit ob eam causam (ut observat Gassendus de Logica orig. & variet. cap. 6.) quia omnis syllogismus hypotheticus facile absolutus fieri potest, ideoque alterius regulæ ad alterum accommodatur. Stoici multa commentati sunt de hypothetico, de absoluto vix pauca; quem aiebant ἀποδόως περαινει, sine methodo concludere, ut refert Alexander Aphrodis. ad l. 1. Prior. Analyt.

(3) De negante ita Cicero in l. 4. de Fin. c. 19. *Docent nos Dialectici, si ea, quæ rem aliquam sequantur, falsa sint, falsam illam ipsam esse, quam sequantur. Ita fit illa conclusio*

fit

Hic argumentandi modus quando claudicat?

R. Uterque fallax est, cum effertur contrario modo. Deficit igitur ajens, si posito consequenti colligatur antecedens, ut cum dico: *si justitia est, virtus est; sed virtus est; ergo justitia est* (4). Deficit negans, si sublato antecedenti tollatur consequens, hoc modo: *si justitia est, virtus est; sed justitia non est; ergo virtus non est*. Quis enim non videt, si justitia non est, aliam quamdam esse virtutem posse (5)?

Fac

sic non solum vera, sed ita perspicua, ut Dialectici ne rationem quidem reddi putent oportere: Si illud, hoc; non autem hoc; igitur ne illud quidem. Sic consequentibus vestris sublatiis, prima tolluntur.

(4) Ratio, cur forma hæc deficiat, ea est, quia qui dicit, *Si justitia est, virtus est*; promittit antecedens, non consequens: ideoque antecedens sumendum est, & ex eo concludendum. Hoc fallaciæ genere peccat, qui res naturales explicat per hypothesim; ut cum quis hoc modo disputat: *Si mundus ita constructus est, ut putat Cartesius, recte se habet; atqui recte se habet; ergo ita constructus est, ut putat Cartesius.*

(5) Dicebat Philo (ut est apud Sex. Empiricum lib. 2. adver. Log. cap. 1. num. 113.) verum esse connexum tribus modis, uno autem falsum. Primo enim verum est, cum incipiens a vero, definit in verum; ut illud: *si dies est, lux est*. Secundo, cum a falso incipiens, in falsum definit; ut illud: *si terra volat, alas habet*. Tertio, cum incipiens a falso, definit in verum; ut illud: *si terra volat, est terra*. Solummodo autem connexum est falsum, cum incipiens a vero definit in falsum, cujusmodi est illud: *si dies est, nox est*. Brevius dici potest, veritatem connexi non pendere a veritate partium, sed a recta consecutione alterius ex altera.

*Fac ut hac aliqua ratione Dialectica extra
aleam ponas.*

R. Quandoquidem particula *si* vario modo in oratione collocari potest, ne qua sit erroris occasio, sic habeto. Illud dicitur *consequens* apud Dialecticos, quod necessario consequitur alterum, & ex eo infertur: illud *antecedens*, quod necessario antecedit, atque infert. Hoc modo se habent genus & species, quæ se mutuo antecedunt, & consequuntur, pro vario efferendi modo. Nam ajendo genus consequitur speciem; ut *si justitia est, virtus est: si pius est, arbor est: si homo est, animal est*: negando species consequitur genus, ut *si virtus non est, justitia non est: si arbor non est, pius non est: si animal non est, homo non est*. Quod si antecedens & consequens reciproca sint, & alterum ex altero promiscue inferatur, nullum discrimen erit inter ajentia & negantia: verbi gr. *Si est homo, est rationalis; si non est homo, non est rationalis: si est rationalis, est homo; si non est rationalis, non est homo* (6).

*In syllogismo hypothetico possunt ne esse plura
enunciata?*

R. In hoc quoque locum habet gradatio syllo-

H 2 gi-

(6) Interdum in Syllogismo hypothetico ajente major propositio negans est: sed tum quidem genus præcedit, hoc modo, *si virtus non est, neque justitia est*: in minori autem sumitur id, quod habet rationem speciei, ita ferme, *sed justitia est*; unde recte infertur, *ergo virtus est*. Exempli loco sit illud D. Augustini de Doctr. Christ. lib. 2. cap. 32. *Si non est resurrectio mortuorum, neque Christus resurrexisset; Christus autem resurrexisset; est igitur resurrectio mortuorum*.

gifica ad normam Soritis, ut in Categórico; quoties argumentatio negans est. In assumptione tamen esse non potest nisi enunciatum unum. Ex. gr. Si turpe esset artem dicendi tradere, turpe esset ornate dicere; si turpe esset ornate dicere, eloquentia esset reip. incommoda; si eloquentia esset reip. incommoda, pelleretur a civitate: Sed eloquentia non pellitur e Civitate: ergo non est incommoda reip., si eloquentia non est incommoda reip., turpe non est ornate dicere; si non turpe ornate dicere, neque turpe est artem dicendi tradere (7).

Quinam est syllogismus conjunctus?

R. Est ille, in quo major propositio est negans, & duabus partibus constat copulatis per particulam &: ex. gr. Non potest idem corpus moveri, & quiescere; hic liber quiescit; ergo non movetur.

Quinam est disjunctus?

R. Est ille, in quo major enunciatio partibus constat disjunctis per particulam vel, aut, hisque similes. Hujus autem duplex est modus. Nam vel pars una negatur, ut altera affirmetur; vel pars una affirmatur, ut altera negetur. En. utriusque exemplum: aut dies est, aut nox; sed nox non est; ergo

(7) Argumentum hoc collectum est ex Cicer. verbis in Orat. c. 41. Si vitiosum est dicere ornate, pellatur omnino e civitate eloquentia. Sin ea non modo eps ornat, penes quos est, sed etiam universam remp.; cur aut dicere turpe est, quod scire est honestum; aut quod nosse pulcherrimum est, id non gloriosum docere?

ergo dies est. Aut dies est, aut nox; sed nox est; ergo dies non est (8).

(8) Interdum hujus generis syllogismi gravem fallaciam continent, quæ minus peritis negotium exhibet, ut cum dico: *Aut es sapiens, aut non es sapiens; sed es sapiens; ergo non es sapiens.* Ratio fallaciæ est, quia particula non in majori propositione non negat, sed terminum facit infinitum; in conclusione autem negat. Itaque hoc modo verba expedienda sunt, ut argumentum recte habeat: *Aut es ille, qui sapit, aut ille qui non sapit; sed es ille, qui sapit; ergo non es ille, qui non sapit.* Peccant etiam aliquando, quia res de qua agitur, plures partes capit, nec omnes recensentur.



PARS QUARTA

DE METHODO.

CAPUT I.

DE METHODI NATURA, ET PARTIBUS.

Quid est Methodus?

R. **E**ST ratio atque ordo doctrinæ, a certo principio profectæ, & per certa instrumenta ductæ, ad verum inveniendum atque explicandum (1).

Quotuplex est Methodus?

R. Duplex. Altera libera, quæ a judicio scribentis & loquentis pendet; & pro rerum ac temporum varietate variari solet; cujusmodi est Poetarum atque Oratorum methodus. Altera legibus adstricta, quæ ad Dialecticum pertinet (2).

Quid

(1) *Methodus* differt ab *Ordine*; quia *Ordo* facit, ut rem unam discamus post aliam; *Methodus* ut unam per aliam. Itaque *Methodus* non solum ordine, sed etiam momento quodam & judicio res invenit, inventasque disponit. *Ordo* memoriæ lumen affert ad res retinendas; *Methodus* lumen menti affert ad res cognoscendas & explicandas.

(2) *Methodus Poetica* & *Oratoria* nihil est aliud, quam prudentia quædam per totam orationem fusa; quæ quidem prudentia non caret arte, sed caret arte Logica.

Quid est Methodus Dialectica?

R. Placet nobis Methodum Dialecticam geminam facere, *Simplicem*, & *Compositam*. *Simplex* est, quæ rem definiendo ac dividendo explicat; *Composita* quæ argumentando (3).

Simplex Methodus, quomodo dividitur?

R. Dividitur in *Analyticam*, & *Syntheticam*; hoc est in eam, quæ *dissolvit*, & in eam, quæ *componit*. Nam illa ex uno facit plura; hæc ex pluribus facit unum. Nomina Græca sunt a *solvendo*, & *componendo* ducta (4).

Quid est Analytica?

R. Est via & ratio veritatis inveniendæ per resolutionem compositorum in simplicia, totius in partes, effectuum in causas. Itaque Methodus hæc procedit ab iis, quæ sunt notiora nobis, ad ea, quæ sunt notiora per se & natura sua; hoc est a singularibus & compositis ad universalialia & simplicia. Hac utitur Logicus, cum argumentatio-

H 4 nem

(3) Prima *Simplex* dicitur, quia definitio ac divisio solvit quæstionem simplicem *quid sit*; secunda *Composita*, quia argumentatio solvit quæstionem compositam *quale sit*: illa primum mentis conatum regit, idest simplices perceptiones & explicationes; hæc secundum & tertium, idest iudicia & ratiocinationes.

(4) *Analysis* & *Synthesis* voces sunt a Geometria sumptæ, ut scribit Philoponus ad init. lib. 1. Poster. quemadmodum & *Syllogismus*, & aliæ in Logica adhiberi solitæ. Nam veteres hæc studia post Geometrica suscipiebant; ideoque multas formulas ex illis traducebant.

nem solvit in enunciationes, enunciationes in terminos, terminos in simplices & compositos; quæ via maxime ad inveniendum idonea est (5).

Quid est Synthetica?

℞. Quæ progreditur e converso ab iis, quæ sunt notiora suapte natura, ad notiora nobis; id est ab universalibus ad singularia, a simplicibus ad composita, a partibus ad totum, a causis ad effecta (6). Hac utitur Logicus, cum incipit a terminis, & per eos ad enunciationes procedit, subinde vero ad argumentationem. Methodus hæc in docendo & explicando locum habet; atque ad-
eo

(5) Etiam in docendo atque explicando interdum adhibetur, cum proposito alicujus rei fine, media subinde resolvendo aperimus. Itaque Aristoteles *Analytica* methodo in Posterioribus uti videtur; ubi exposita scientiæ natura & ratione, pergit ad demonstrationem, & reliqua sciendi instrumenta. Eadem utitur in Ethicis, ubi explicato fine, id est beatitudine, postea de instrumentis agit ad illum consequendum necessariis. Sed hæc quidem vulgo *Methodus definitionis* vocatur.

(6) Aristoteles initio lib. 1. *Physic.* vocat universalia *notiora nobis*; in 1. *Poster.* vocat *notiora natura*. Sed in *Physicis* accipit universalia tamquam tota quædam; totum autem cognitione quadam rudi & confusa *notius est nobis*, quam partes ex quibus componitur. In Posterioribus universalia vocat causas rerum, quæ res ipsas præcedunt & manifestant; ideoque *notiores natura* dicuntur, & quidem cognitione clara atque distincta. Itaque *Physicus* procedit ab universalibus, ut sunt tota; *Logicus* ab universalibus, ut sunt causæ: ille incipit a cognitione confusa; hic a cognitione distincta: *Physicus* a *notioribus nobis*; *Logicus* a *notioribus natura*. Id si reputasset Clericus in *Arte Crit.* Par. 2. c. 8. n. 10. non scripsisset, *Aristotelem non satis intellexisse, quid diceret.*

co in faciendo quoque : Nam ex. gr. qui domum construit, incipit a fundamentis, & per parietes pergit ad tectum, utique componendo (7).

(7) *Analytica* interdum idem valet, ac *Critica*. *Analytica* enim Methodo utimur, cum reteximus, & examinamus disputationes alienas; *Synthetica* utimur, cum nostras componimus: Platonici *Analytici* aliter explicant: quæ de re vide Alcinoû Institut. ad doct. Platon. c. 9.

CAPUT II.

DE METHODI LEGIBUS.

Quanam sunt Methodi leges in quærenda veritate servanda?

R. **A**LII alias faciunt. Nobis ea prima lex est, ut initio statim illud definiamus, in quo versari volumus; non quidem definitione plena & perfecta, sed tali quadam descriptione, quæ satis sit ad rem propositam ab aliis separandam. Nam plena & perfecta definitio in rem cadere nequit, quæ nondum sit explorata (1).

Se-

(1) Cicero de Fin. lib. 2. cap. 1. *Omnis in quærendo, quæ via quadam & ratione habetur, oratio, præscribere primum debet, ut inter quos differitur, conveniat, quid sit id, de quo differatur. Et l. 1. de Orat. c. 48. Id faciam, quod in principio fieri in omnibus disputationibus oportere censeo, ut quid sit illud, de quo disputatur, explanetur, ne vagari & errare cogatur oratio, si hi, qui inter se dissentiunt, non idem esse illud, de quo agitur, intelligent.*

Secunda lex est, ut rem in partes majores solvamus, deinde minores, postremo minimas; tandemque excutiamus, alias ab aliis separantes, donec ad primas & simplicissimas ventum sit (2).

Tertia, ut certum firmumque habeamus, *quidquid evidentissime cognoscitur, ita esse, sicuti cognoscitur*. Nam ex. gr. qui evidentissime cognoscit, se disputare, revera disputat. Hæc prima apud juniores Logicos & Metaphysicos veritatis regula est. Sed resolvitur in Aristotelicam illam de E-nunciandi rat. c. 9. *Quidquid est, quandiu est, non potest non esse*. Cur enim exemplum allatum verum est; nisi quia qui disputat, quandiu disputat, non potest non disputare (3)?

Quarta, ne quid prius, aut plus judicetur, quam perceptum sit. Nos enim de rebus judicare non possumus, nisi per notiones earum (4).

Quinta, ne sinamus nomina quædam nobis ob-

(2) In quærenda veritate veniendum est ad partes minimas; non tamen in ea tradenda & explicanda: Itaque Seneca epist. 89. *Philosophiam in partes, non in frustra dividam. Dividi enim illam, non concidi utile est. Nam comprehendere, quemadmodum maxima, ita minima difficile est*.

(3) Hoc totum refertur ad notionis evidentiam, quæ criterium veritatis est, ut habes in Syntagm. 2. c. 1. quem locum consule.

(4) Cum verum quærere incipimus, ea quoque ad examen revocanda sunt, quæ ante certissima judicavimus; non ut rejiciantur, sed ut nihil ex iis ratum habeatur, quin prius longo examine sit excussum, & evidentissime comprehensum. Si quid non poterit perspicue comprehendere, judicium de illo suspendatur. Id porro ad ea pertinet, quæ ratione, non auctoritate judicantur.

crudi, quorum clara & perspicua significatio non sit (5).

Sexta, ne auctoritati plus tribuamus, quam oporteat, & recta ratio postulet. Veritatis enim indagator suis oculis, non alienis credere debet.

Quanam sunt Methodi leges in veritate explicanda?

R. Qui ad docendum aggreditur, id primum extra controversiam ponat, in quo se exercet, ejusque nomen ab ambiguitate liberet. Id cum præstiterit, statim ejus essentiam aperiat, tum affectiones, postea causas; quæ tria significari solent per formulas *quid sit*, *quale sit*, *cur sit*. Atque hæc prima dici potest hujus methodi lex (6).

Secunda est, ut in re qualibet a simplicioribus & facilioribus incipiens, pergat ad composita & difficilia, eo utique ordine, ut priora posterioribus lucem afferant (7).

Ter-

(5) Ut cum quis explicaturus, qua ratione corpus & mens simul coeant, & mutuis officiis inter se agant, ait id fieri *per influxum physicum*; quod nomen inane est. Plura exempla istorum nominum habet Clericus in Arte Crit. p. 2. c. 8.

(6) In formula *quid sit* comprehendimus etiam *quatuorplex sit*, more Aristotelis, qui divisionem partium revocat ad explanationem essentiae. *Quæstio an sit* non semper præcedit alias. Nam si agatur de re, cujus natura sit valde ignota, prius *quid sit*, explicatur; deinde *an sit*, quæritur. Ita Aristoteles in Physicis prius quid sit vacuum, ostendit; deinde num sit in rerum natura, examinat.

(7) Sicubi simplicitas cum facilitate pugnat, facilioribus locum concedes; quia in docendo ac discendo non tam

re-

Tertia, ut non solum nihil necessarium prætermittat, sed amputet supervacua. Nemo est enim illo jejuniore, qui cuncta infarcit sine delectu, nec tam cogitat quid dicat, quam quantum.

Quarta, ut in probando, si res argumenta necessaria capit, probabilia pauca adhibeat; eaque præponat; ex more Aristotelis, qui tantopere artem disputandi calluit (8). Si necessaria desunt, probabilia multa congerat. *Nam verisimilia etiamsi videntur esse exigua per se, multum tamen, cum sunt coacervata, proficiunt.* Cicero in Partit. c. 11. (9)

Quinta, ut in refellendo illud in primis spectet, quod assertur ab Aristotele in lib. 4. Metaph. c. 3. & 4. *Fieri nequit, ut idem sit, ac non sit.* Ex quo Metaphysico principio fit Logicum illud: *Enunciata contradicentia non possunt esse simul vera.* Nam Sophi-

rerum, quam cognitionis nostræ ratio habenda est. Itaque nos explicaturi notiones universales in Parte 1. c. 2. exordium duximus a singulari, quod est compositum, sed facilius ad cognoscendum; tum minutatim ex illo detrahentes, pervenimus ad simplicissima.

(8) A probabilibus transeundum est ad necessaria; tum quia, ut proverbio dicitur, *pulchrum est ab asinis ad equos transire, turpe ab equis ad asinos*; tum quia hoc pertinet ad persuasionem, ut extremo loco firmiora ferventur, & ultimas auditorum cogitationes occupent.

(9) Quintilianus lib. 5. c. 12. *Firmissimis argumentorum singulis instandum; infirmiora congreganda sunt: quia illa per se fortiora non oportet circumstantibus obscurare, ut qualia sunt, appareant; hæc imbecilla natura mutuo auxilio sustinentur.* Itaque si non possunt valere, quia magna sunt, valebunt quia multa sunt.

phistarum fallaciæ ad hunc denique scopulum argumentando alliduntur (10).

Sexta, ne putet inexplicabile, quod nondum explicatum est. Fieri enim potest, ut aliquando explicetur.

Septima, ut in quacumque materia versemur, pro natura & conditione ejus, non pro libidine, aut partium studio assensum nostrum moderemur. Quamquam hoc non tam boni Dialectici est, quam boni viri; nec fortasse ad nos pertinet talia præcipere.

Octava, ut cogitationes nostras quam clarissime explicemus, sermonem adhibentes nitidum & idoneum; ne forte videamur verborum involucris ignorantiam nostram tegere velle, & credulos homines ludificare. Quod si quis, cum recte sentiat, non potest tamen, quod sentit, dilucide explicare, publico absteat; *ne spissa risum tollant impune corona* (11).

Cedo paucis Methodi usum.

R. Vel agitur de tota disciplina, vel de aliqua disci-

(10) Cicero in Tuscul. 1. c. 6. *Quem esse negas, eundem esse dicis? Ubi est acumen tuum?*

(11) Cicero Tuscul. 1. cap. 3. *Multi jam esse Latini libri dicuntur, scripti inconsiderate ab optimis illis quidem viris, sed non satis eruditis. Fieri autem potest, ut recte quis sentiat, & id quod sentit, polite eloqui non possit: sed mandare quemquam litteris cogitationes suas, qui eas nec disponere, nec illustrare possit, nec delectatione aliqua allicere lectorem, hominis est intemperanter abutentis & otio & litteris. Itaque suos libros ipsi legunt cum suis; nec quisquam attingit præter eos, qui eandem licentiam scribendi sibi permitti volunt.*

disciplinæ parte, vel de aliqua ejus partis controversia. Si res est de tota disciplina, verbi gr. de Logica, Methodus *simplex* adhibetur, & quidem *Analytica* in quaerendo, *Synthetica* in docendo. Si aliqua disciplinæ pars explicari debeat, puta doctrina idearum, tenenda est via & ratio quaestionum quatuor, *an sit, quid sit, quale sit, cur sit*. Denique si aliqua ejus doctrinæ controversia sit examinanda, verbigr. num cognitio nostra pendeat ab ideis, Methodus *composita* locum habet. Ad hanc porro revocatur Methodus illa, quam *Geometricam* quidam vocant; cum prius vocabula definiendo explicantur; deinde axiomata ponuntur; postremo argumentationes confluunt, vel firmæ, vel infirmæ, pro varia rerum natura & conditione, de quibus disputatur (12).

(12) Aristoteles, cum methodum compositam adhibet, triplici via & ratione utitur. Nam interdum aliorum opiniones primum evertit, deinde suam statuit & confirmat, ut in primo Physico de *Principiis*: interdum suam statim proponit, postea vero infirmat aliena, ut in tertio Physico de *Motibus*: interdum utriusque partis argumenta refert, tum sententiam suam aperit, postremo contraria refellit, ut in quarto Physico de *Vacuo*. Sed exempla magnorum virorum parum juvant, nisi qui disputat, ingenio & judicio valeat ad eligendum.

TABULA SYNOPTICA

TOTIUS OPERIS

SYNTAGMATA TRIA.

Primum de *Facultate* cognoscente pag. 16.

Secundum de *Signo* veritatis cognoscendæ p. 23.

Tertium de *Actione* facultatis cognoscentis p. 29.

TERTII HUIUS QUATUOR SUNT PARTES.

- I. *Perceptio*, cujus) 1. de Notione p. 31.
capita septem.) 2. de Idea p. 33.
) 3. de Idearum classibus p. 39.
) 4. de Voce p. 45.
) 5. de Definitione p. 51.
) 6. de Divisione p. 61.
) 7. de Vocum proprietatibus p. 65.
- II. *Enunciatio*, cujus) 1. de Enunciationis natura p. 70.
capita tria.) 2. de Enunciationis partibus p. 73.
) 3. de Enunciationis proprietatibus p. 78.
- III. *Ratiocinatio*, cujus) 1. de Ratiocinationis natura & partibus p. 85.
jus capita quin-) 2. de Ratiocinandi formis p. 87.
que.) 3. de Syllogismo simplici p. 94.
) 4. de Syllogismis imperfectis p. 108.
) 5. de Syllogismo composito p. 112.
- IV. *Methodus*, cujus) 1. de Methodi natura, & partibus p. 118.
capita duo.) 2. de Methodi legibus p. 121.

IN-

I N D E X

RERUM, ET VERBORUM.

- A** Bdicativa enunciatio p. 79.
 Absolutum nomen pag. 46.
 Abstractio vulgo facit universale p. 38.
 Abstractum nomen p. 46.
 Academici, & eorum classes p. 20. 21.
 Academici quoniam criterio uterentur p. 25.
 Accidens quid sit p. 39.
 Dividitur in subjecta p. 63.
 Interdum dividitur in accidentia ibid.
 Acervalis p. 91. 92.
 Actio quid sit p. 43.
 Actio facultatis cognoscentis p. 29.
 Adjectivum nomen p. 46.
Equipollentia quid sit, & quomodo Latine dicatur p. 82.
 Ejus usus p. 83.
Equivocum, vox barbara p. 49.
 Affectionum internarum criterium p. 23.
 Affirmo, & Affirmatio quid valeant p. 79.
 Ajo, & Aientia quid valeant p. 79.
 Analogum p. 48.
 Analytis & synthesis, voces Geometricæ p. 119.
 Analytica quid sit p. 8. 121.
 Analytica methodus p. 119. 120.

Ap-

1

129

INDEX RERUM, ET VERBORUM.

Apodictica quid sit p. 8.

Apodixis quid sit p. 91.

Appetitus quid sit p. 16.

Appietas, & Lentuleitas p. 46.

Apprehensio p. 30.

Sit ne actio, an passio. ibid.

Arbor Porphyriana est fundamentum scientiæ omnium p. 42.

Arcestylas, sive Arcefilaus mediæ Academiæ autor p. 21.

Argumentatio quid sit p. 86.

Quamnam ejus sint partes, & quomodo differat ab Argumento ibid.

Ejus formæ quatuor p. 87.

Augustinus Logicam vocat scientiam veritatis p. 5.

Ejus argumentum de resurrectione mortuorum p. 115.

Aurum falsum non recte dicitur p. 14.

Axiomata Stoica sunt enunciata p. 71.

B

Barbara; modus syllogisticus maxime necessarius ex omnibus agentibus p. 104.

Baroco, & *Bocardo*, reduci nequeunt nisi ad impossibile p. 109. & seq.

Biantis, sive Bionis dictum p. 93.

Boni judicium pertinet ad Dialecticam p. 19.

C

Cartesii hypothesi continet fallaciam Logicam p. 114.

I

Ca-

- Categorematicum nomen [p. 47.](#)
 Categoriae quid sint [p. 40.](#)
 Categoricum nomen [p. 47.](#)
 Categoricalus Syllogismus [p. 94.](#)
Celarent, modus syllogisticus princeps ex negantibus [p. 104.](#)
 Cicero quomodo Logicam definiat [p. 5.](#)
 quos vocet Dialecticos [p. 6.](#)
 Circuli definitio [p. 74.](#)
 Clericus injuria accusat Aristotelem [p. 120.](#)
 Complexio idem atque conclusio [p. 95.](#)
 Complexum nomen [p. 46.](#)
 Complexus syllogismus [p. 107.](#)
 Conclusio quid sit [p. 95.](#)
 Concretum nomen [p. 46.](#)
Conditioalis enunciatio [p. 75.](#)
Conditioalis syllogismus [p. 113.](#)
 Conjuncta enunciatio [p. 74.](#)
 Conjunctus Syllogismus [p. 116.](#)
 Connexio idem atque conclusio [p. 95.](#)
 Connexum quid sit [p. 113.](#)
 Quando sit verum, quando falsum ex Philone [p. 114.](#)
 Conscientia quid sit [p. 16. 32.](#)
 Consensus omnium facit evidentiam [p. 26.](#)
Contingens enunciatio [p. 77.](#)
 De futuris contingentibus *ibid.*
Contradictoria enunciationes quanam sint, & quomodo Latine dicantur [p. 81. 82.](#)
 Quomodo conciliantur *ibid.*
 Contrariae enunciationes quanam sint [p. 81.](#)
 Quo-

- Quomodo concilientur [p. 82.](#)
 Conversio quid sit, & quotuplex [p. 83.](#)
 Ejus usus & commoda [p. 84.](#)
 Cornuta argumentatio [p. 93.](#)
 Corpora quomodo percipiantur [p. 23.](#)
 Criterium veritatis quid sit, & quale sit pro va-
 rietate Sectarum [p. 23.](#) & seqq.
 Criterium probabilis, & dubii [p. 26.](#)
 Criterium eorum, quæ sunt supra naturam [p. 27.](#)
 Critica idem atque Analytica [p. 121.](#)
 Cyrenæici quid senserint de perceptione veri [p. 24.](#)

D

- Dedicativa enunciatio [p. 79.](#)
 Dedicare idem ac dicere [p. 80.](#)
 Definitio quid sit, & quomodo dividatur [p. 52.](#)
 Num sit terminus, an enunciatum [p. 51.](#)
 Definitio nominis quid, & quotuplex [p. 53.](#)
 Nomina quædam definiri non debent [p. 52.](#)
 Definitio rei quid [p. 53-54.](#)
 Quadruplex est [p. 53.](#) & seqq.
 Definitionis regulæ [p. 58.](#)
 Definitio non semper est clarior re definita [p. 59.](#)
 Explicat res per synthesim [p. 51.](#)
 Democritus quid statuatur de vero [p. 20.](#)
 Denominans, Denominatum, Denominativum [p. 49.](#)
 Descriptio quid sit [p. 56.](#)
 Detractio facit universale [p. 37-38.](#)
 Deus quomodo definiatur [p. 58.](#)
 Dialectica quid sit [p. 6.](#)
 In quo versetur [p. 8.](#)

Dialectici qui dicantur a Cicerone p. 6.

Dici de omni, & dici de nullo p. 104.

Differentia quid sit p. 39.

Dilemma quid, & quotuplex p. 93.

Discreta enunciatio p. 76.

Disjuncta enunciatio p. 75.

Disjunctus syllogismus p. 116.

Ejus fallacia p. 117.

Divisio quid sit p. 61.

Quomodo differat a partitione ibid.

Quomodo differat a distinctione p. 64.

Quando sit vitiosa ibid.

Divisionis modi p. 63.

Ejus regulæ p. 64.

Docens Logica quid sit p. 9.

Dubia quæ sint p. 27.

E

Effatum idem est atque judicium p. 71.

Ens rationis p. 50.

Enthymema quid sit p. 90.

Enunciare idem est ac prædicare p. 39.

Liber Aristotelis de Enunciandi ratione est ille,
qui vulgo dicitur *de Interpretatione* p. 70.

Enunciatio quid sit p. 70.

Quibus partibus constet p. 71.

Num contaminetur ab Incidente p. 74.

Ejus materia p. 73.

Ejus forma p. 77.

Absoluta quando dicatur p. 77.

Modalis ibid.

Ejus

Ejus proprietates p. 78.

Quantitas ibid.

Qualitas p. 79.

Oppositio p. 80.

Equipollentia p. 82.

Conversio p. 83.

Epicherema, seu Epichirema quid sit vulgo p. 90.

Quid re vera p. 91.

Epicurei quid statuunt de vero p. 18.

Quonam utantur criterio p. 24.

Epicurus non recte dividit p. 65.

Etymologia quid sit p. 53.

Evidentia p. 23.

Exemplum quid sit p. 89.

Ejus materia quænam sit p. 90.

Expositio idem ac propositio p. 95.

F

Facultas cognoscens p. 14. 16.

Ejus actio p. 29.

Falsitas enunciationis p. 80.

Fidem revelationis evertunt, qui sensus evertere conantur p. 23.

Figura Syllogistica p. 97. & seqq.

Figura quarta non differt a prima p. 97.

Quænam sit optima p. 106.

Finitum nomen p. 50.

Finium cognitionem non habemus p. 92.

Forma enunciationis p. 77.

Forma syllogismi p. 96.

Foxii iudicium de Logica Scholasticorum p. 13.

G

Galenica figura [p. 97.](#)

Genus quid sit [p. 39.](#)

Non dividitur in differentias, sed per differentias [p. 63. 64.](#)

Genus, & species quomodo se mutuo consequantur [p. 115.](#)

Gradatio syllogistica [p. 107.](#)

H

Habitus quid sit [p. 44.](#)

Hæreditas quomodo definiatur [p. 59. 60.](#)

Homonymum [p. 48. 49.](#)

Honor quomodo sit honorantis [p. 49.](#)

Hypothetica enunciatio [p. 75.](#)

Quomodo illi contradicatur *ibid.*

Hypotheticus syllogismus quinam sit [p. 113.](#)

Qui de illo scripserint *ibid.*

Quando claudicet, & cur [p. 114.](#)

Quomodo fiat ex pluribus enunciatis [p. 115.](#)

I

Idea quid sit [p. 31. 33.](#)

Adventitia, factitia, innata [p. 34.](#)

Clara, distincta, perfecta *ibid.*

Simplex, & composita [p. 36.](#)

Universalis, particularis, singularis *ibid.*

Non est vera, neque falsa [p. 35.](#)

Ima-

Imaginatio quid sit [p. 16.](#)

Implicita enunciatio [p. 76.](#)

Incidens enunciatio quid sit [p. 73.](#)

Habet locum in simplici perceptione [p. 74.](#)

Interdum aliquid efficit, interdum vacat *ibid.*

Incorporea quomodo percipiuntur [p. 31. 32.](#)

Indefinita enunciatio [p. 78.](#)

Inductio Logica, Rhetorica, Socratica quid sit [p. 88. 89.](#)

Revocatur ad syllogismum [p. 94.](#)

Infinitum nomen. V. *Nomen.*

Influxus Physicus nihil significat [p. 123.](#)

Intellectus quid sit, & quomodo verum cognoscat [p. 16. 17.](#)

Intentio, & Intentum idem est, ac propositio [p. 95.](#)

Interrogatio Dialectica duplici nomine gaudet [p. 62.](#)

Judicium idem est atque enunciatio [p. 71.](#)

L

Leibnitius defendit Aristotelis regulas syllogisticas [p. 97.](#)

Locus non examinatur a Logico [p. 43.](#)

Logica quid sit [p. 5.](#)

Quotuplex [p. 7. 8.](#)

Quomodo differat a Rhetorica [p. 9.](#)

Sit ne scientia, an ars [p. 11.](#)

Sit ne necessaria, utilis, jucunda [p. 11. 12.](#)

Ejus officium, finis, materia [p. 6. 7.](#)

Logica est propter hominem, non homo propter Logicam [p. 112.](#)

Lunam habitari sensit Xenophanes [p. 27.](#)

M

Materia recte definitur ab Aristotele per negationem p. 58.

Medicus est etiam, qui non sanat p. 6.

Medium argumentationis cur ita vocetur p. 95.

Ejus inventio p. 96.

Medius terminus non apte dicitur p. 95.

Memoria quid sit p. 16.

Mens quibus nominibus exprimatur p. 16.

Mentis actio quotuplex p. 29.

Methodus quid & quotuplex sit p. 118.

Quomodo differat ab ordine ibid.

Quid methodus Analytica p. 119.

Quid Synthetica p. 120.

Methodi leges p. 121. & seqq.

Methodi usus p. 125. 126.

Quam sit varia apud Aristotelem p. 126.

Mixtum nomen p. 47.

Modalis enunciatio p. 77.

Modus Syllogisticus quid sit p. 101.

Quotuplex ibid.

Directus, & indirectus p. 101. & seqq.

Motus definitio p. 59.

N

Naturalis Logica quid sit p. 7.

Est necessaria p. 12.

Necessaria, & contingens enunciatio p. 77.

Negantia, & negatio p. 79.

No-

ET VERBORUM.

137

- Nomen quid fit, & quotuplex p. 45.
 Nomen primæ, & secundæ notionis p. 49.
 Infinitum, & finitum p. 50.
Non, particula facit nomen infinitum p. 50.
 Quomodo adhibeatur in contradicendo p. 75.
 Quomodo in negando p. 79.
 Interdum iteratur, & concurrit p. 83.
 Conciliat enunciata opposita ibid.
 Videtur aliquando negare, etiamsi non neget
 p. 103.
 Notatio quid fit p. 53.
 Notio quid p. 31.
 Notius nobis, & notius natura quid fit p. 120.
 Notitia quid fit apud Epicureos p. 18.

O

- Omne*, proprie quid dicatur p. 61.
Omnis, terminus syncategorematicus p. 47.
 Facit enunciationem universalem p. 78.
 Interdum non facit p. 79.
 Oppositio quid, & quotuplex fit p. 80. 81.
 Optimates quomodo definiantur a Cicerone p. 57.
 Oratio quælibet non est enuntiatio p. 72.
 Orator est etiam, qui non persuadet p. 6.
 Ordo quomodo differat a methodo p. 118.
Ostensiva Reductio p. 109.

P

- Pariatio quid fit p. 82.
 Partes quomodo dividantur p. 61. 62.

Par-

Partitio quid sit [p. 62.](#) Ejus regula [p. 64.](#)

Particularis, vox Apuleji [p. 36.](#)

Particularis idea [ibid.](#)

Particulare nomen [p. 47.](#)

Particularis enunciatio [p. 78.](#)

Passio quid sit [p. 43.](#)

Perceptio quid sit, & quotuplex [p. 30.](#)

Peripatetici per quas facultates verum querant [p. 17.](#)

Phantasia quid sit [p. 16.](#)

Quid apud Stoicos [p. 19. 20.](#)

Quid apud Scholasticos [p. 22.](#)

Picus Mirandulanus de Scholasticis Logicis [p. 65.](#)

Platonici quomodo verum cognosci dicant [p. 17.](#)

Porphyrii Isagoge [p. 40.](#)

Possibilis, & Impossibilis enunciatio [p. 77.](#)

Prædicabilia quæ sint [p. 39.](#)

Prædicamenta quæ sint [p. 40.](#)

Prædicari quid sit [p. 39.](#)

Prædicatum [p. 46.](#)

Quænam sit ejus suppositio [p. 68.](#)

Præsumptio idem ac propositio [p. 95.](#)

Præsumptio, & simul quot modis dicantur [p. 44.](#)

Probabile quid sit, & quodnam ejus criterium [p.](#)

[25. 26.](#)

Probabilia sunt coacervanda [p. 124.](#)

Quem locum teneant in disputationibus [ibid.](#)

Propositio dici non debet quælibet enunciatio [p. 70.](#)

Est prima syllogismi pars [p. 95.](#)

Propositum idem, ac propositio [p. 95.](#)

Proprium quid sit [p. 39.](#)

Pulvis sympathicus [p. 27.](#)

Qua-

Q

Qualitas quid sit p. 42.

Recte definitur ab Aristotele p. 56.

Qualitas enunciationis quæ sit p. 79.

Quomodo coalescat cum quantitate p. 80.

Quando quid sit p. 43.

Quantitas quid sit p. 42.

Quantitas enunciationis p. 78.

Quintiliani locus de Epichirematis natura emendatur p. 91.

R

Ramus quid censeat de medio argumentationis p. 95.

Ratio quomodo verum cognoscat apud Platonicos, & Peripateticos p. 17.

Ratiocinatio quid sit p. 85.

Ejus laus ibid.

Ejus formæ p. 87.

Reductio syllogismi quid, & quotuplex sit p. 108.
& seq.

Reductionis usus p. 112.

Relata quænam p. 43.

Quomodo definiantur p. 56.

Relatio quid sit p. 42.

Revelatio est Criterium veri supra naturam p. 27. 28.

Rhetorica quomodo differat a Dialectica p. 9. 10.

Rhetor in quo differat ab Oratore p. 9.

Rudimenta quid significant p. 13.

Sce-

- Sceptici unde dicti p. 21. 22.
 Quid statuunt de verò ibid.
 Quonam utantur Criterio p. 25.
 Scholastici quid sentiant de veritate p. 21.
 Nomina pro rebus sæpe sumunt p. 123.
 Secunda intentio quid sit p. 50.
 Sensus est animæ, non corporis p. 17.
 Senecæ judicium de subtilitatibus Logicis p. 66. 108.
 Sensus num cognoscant, num judicent, num er-
 rent p. 17. 18.
 Quid illis tribuant Platōnici, & Peripatetici ibid.
 Quid Epicurei p. 18.
 Quid Democritus p. 20.
 Sermo disputantis debet esse nitidus p. 125.
 Signum veritatis quomodo appelletur a Logicis p. 14.
 Quodnam sit p. 23.
 Simplex nomen p. 46.
 Simplex Syllogismus p. 94.
 Simplex Methodus p. 119. 126.
 Singulare nomen p. 47.
 Singularis enuntiatio p. 78.
 Situs quid sit p. 43.
 Somni definitio p. 57.
 Sorites quid, & quotuplex sit p. 91. 92.
 Ejus leges ibid. & 107.
 Species quid sit p. 39.
 Species intentionales quomodo latine dicantur
 p. 22.
 Spiritualia quomodo sint in mente cogitante p. 31. 32.
 Stoi-

Stoici quid judicent de vero p. 19.

Subalterna enunciationes quanam sint, & quomodo latine dicantur p. 81.

Quomodo concilientur p. 83.

Subcontraria enunciationes quanam sint, & quomodo Latine dicantur p. 81. 82.

Subiectum quid sit p. 46.

Quanam sit ejus suppositio p. 68.

Substantia quid sit, & quomodo dividatur p. 41.

Summula quid sint, & quantæ utilitatis p. 13.

Suppositio, vox Dialectica p. 66.

Quid sit, & quotuplex ibid. & seqq.

Syllogismus quid sit p. 87.

Quotuplex p. 94.

Ejus figura p. 96. & seqq.

Modus p. 101. & seqq.

Interdum videtur negans, cum non sit p. 103.

Hypotheticus p. 113. & seqq.

Conjunctus p. 116.

Disjunctus ibid.

Imperfectus p. 108.

Syncategorematicum nomen p. 47.

Synonymum p. 47.

T.

Terram moveri, est apud Senecam p. 27.

Testudinis definitio vitiosa p. 59.

Topica quid sit p. 8.

Totum quomodo dividatur p. 61.

Totum Logicum, & Physicum, eorumque discrimina p. 61.

V

Vagum nomen p. 47.

Ubi quid sit p. 43.

Verisimile quid sit p. 27.

Veritas quotuplex p. 13.

Quomodo deregatur ac judicetur p. 14. 17. & seq.

Veritas enunciationis p. 80.

Veritatis regula prima p. 122.

Verum metaphysicum quid sit p. 14.

Verum supra naturam, & ejus criterium p. 27. 28.

Virtutes & vitia corpora sunt apud Stoicos p. 32.

Virtutis definitio p. 57.

Viridus sensus p. 23.

Visum quid sit p. 19.

Dicitur etiam Visio p. 20.

Universale num sit, & quid sit p. 37.

Quomodo fiat ibid.

Quotuplex sit p. 38.

Universale nomen p. 47.

Universalis enunciatio p. 78.

Universalia Logica, & Physica p. 120.

Univoca quæ dicantur p. 49.

Voluntas quid sit p. 16.

Vox quid sit, & quotuplex p. 45.

Ejus proprietates p. 65.

Utens Logica quid sit p. 9.

Uxor num ducenda p. 93.



F I N I S.

